

I-NDUMISO ZIKA-DAVIDE.

UMHLA WOKUQALA.

UM-TANDAZO WA-KUSASA.

I-NDUMISO I.

UNENYWEBA umntu ongahambiyo ngecebo labangendawo, ongemiyo endleleni yaboni: ongahlaliyo embutweni yabagxeki.

2 Yena unonelela umteto we-NKOSI : ucamanga ngomteto wayo imini nobusuku.

3 Unjengomti omiliselwe pezu kwemijelo yamanzi, onika isiqámo sawo ngexesha lawo : ogqabi lingabuniyo, konke akwenzayo kolunga.

4 Abanjalo abangendawo : bona banjengomququ opétshetwa ngumoya.

5 Ngenxa yoko abangendawo abanakuma emgwebeni : naboni ebandleni lamalungisa.

6 Ngokuba I-NKOSI iyayazi indlela yamalungisa : ke yona indlela yabangendawo iyakudaka.

I-NDUMISO II.

YININA ukuba intlanga zenze imbutumbutu : izizwe zicamange into engento.

2 Okumkani bomhlaba bazimisile, nabapáti babúnga : beceba I-NKOSI no-Mtanjiswa wayo, *besití*,

3 Masiziqáule intambo zabo : sizilahle izintya zabo.

4 Ohleli ezulwini uyabahleka : i-Nkosi iyabagxeka.

5 Yandule itete kubo ngomsindo wayo : ibotúse ngengqumbo yayo.

6 Mna ke ndimmisile ukumkani wam pezu kwe-Tsiyon : intaba yam engwele.

7 Ndiyakulivakalisa ilizwi eli, I-NKOSI ité kum : Wena ungu-Nyana wam, Mna namhla ndikuzele.

8 Cela kum, ndikunike intlanga zibe lilifa lako : izipélo zomhlaba zibe zezako.

9 Uyakuzivikiva ngentonga yentsimbi : uziqékeze zinge zizitya zodongwe.

10 Yenzani ngobulumko ke ngoko, bokumkani : yalekani, nina bagwebi bomhlaba.

11 Yikonzeni I-NKOSI nisoyika : geobani nitutumela.

12 Mangeni u-Nyana, hleze aquambe, nitshabalale endleleni ; ngokuba ungalhe uvute umsindo wake ; hayi inyweba yabo bonke abaziméla ngaye !

I-NDUMISO III.

NKOSI, hayi ukuba baninzi kwabandibandezelayo : baninzi abavukelana nam.

2 Baninzi abati ngompefumlo wam : akanalo usindiso kuye u-Tixo.

3 Ke wena, NKOSI, ulikáka kum : uluzuko lwam, umpakamisi wentloko yam.

4 Ndidanduluka e-NKOSINI ngezwi lam : indipendule ke entabeni yayo engwele.

5 Ndalala pantsi, ndalala ubutongo : ndavuka, kuba I-NKOSI indigcinayo.

6 Andoyiki namawakawaka abantu : abazimise ngenxa zonke kum.

7 Yima, NKOSI, ndisindise, Tixo wam : ngokuba uzibete zonke intshaba zanu emhlatini ; amazinyo abangandawo uyawapúla.

8 Usindiso lolwe-NKOSI : mayibe pezu kwabantu bako intsikelelo yako.

I-NDUMISO IV.

NDIVE ndakukála, Tixo wobuhungisa bam : wandikúlula embandezelweni ; ndenzele inceba, uwuwe umtandazo wam.

2 Nina bonyana babantu, kuninina uzuko lwam niluhlaza : ninxámele into engento, nitanda amanga ?

3 Yazini ke ukuba I-NKOSI izahlulele olilungisa : I-NKOSI iyakundiva ndakukála kuyo.

4 Qumbani, ningoni : tetani nentliziyo zenu ezinkukweni zenu, niti-cwaka.

5 Bingelelani amadini obulungisa : nitembele e-NKOSINI.

6 Baninzi abati : Ngubanina oyakusibonisa okulu-ngileyo ?

7 Sipakamisele, NKOSI : ukukánya kobuso bako.

8 Undivuyise intliziyo : kunexesha lokwanda kwenqólowa ne-wayine yabo entsha.

9 Ndolala pantsi, ndilale ubutongo kwangoku ndixolile : ngokuba wena, NKOSI, undihlalisa ndinqabile.

I-NDUMISO V.

WABEKELE indlebe amazwi am, NKOSI : kuqonde ukucamanga kwam.

2 Lipulapule izwi lokuzibika kwam, Kumkani wam, Tixo wam : ngokuba nditandaza kuwe.

3 Izwi lam uyakuliva kwakusasa, NKOSI : kwakusasa ndobékisa kuwe umtandazo wam, ndibonisele.

4 Ngokuba akungu-Tixo okóliswa kokungendawo wena : ububi abunakuhlala pambi kwako.

5 Abaqáyisi abanakuma pambi kwamehlo ako : uyabatiya bonke abasebenza ubungendawo.

6 Uyabatshabalalisa abatet' amanga : abegazi nabenkohliso balisikizi e-NKOSINI.

7 Ke mna ndinokungena endlwini yako ngezibele zako ezininzi : ndiqubude ndibékise e-tempileni yako engwele ngokukoyika.

8 Ndiambise ebulungiseni bako, NKOSI, ngenxa yabandilalelayo : yenza icace indlela yako pambi kwam.

9 Ngokuba emlonjeni wabo akukó nto imiyo : ngumeyelise umbilini wabo.

10 Linéwaba elivuliweyo umqala wabo : bateta okugudileyo ngolwimi lwabo.

11 Batwalise ityala, Tixo, makatshitshe amaqinga abo : bagxote ngenxa yobuninzi bezigqito zabo, ngokuba bakupikisile.

12 Mabavuye bonke abaziméla ngawe : bahlale bememelela, ubakúsele; bagcobe ngawe abalitanda i-Gama lako.

13 Ngokuba wena, NKOSI, uyalisikelela ilungisa : ulihlanganisele ngobubele njengekáká.

UM-TANDAZO WANGO-KUHLWA.

I-NDUMISO VI.

NKOSI, zunganditetisi unomsindo : ungandohlwayi uqumbile.

2 Ndenzele inceba, NKOSI, ngokuba ndityafile : NKOSI, ndipilise ngokuba amatambo am akatazekile.

3 Umpefumlo wam ukatazekile kakulu : ke wena, NKOSI, koda kube ninina ?

4 Buya, NKOSI, uwuhlangule umpefumlo wam : ndisindise ngenxa yobubele bako.

5 Ngokuba ekufeni akusakunjulwa wena : ngubanina onokukubulela enewábeni ?

6 Ndidiniwe kukugcuma, bonke ubusuku ndiyahlamba ukúko lwam : ndiwenze manzi umandlalo wam ngenyembezi zam.

7 Hliso lam lonakele lusizi : lalupele ngenxa yazo zonke intshaba zam.

8 Sukani kum, nonke nina nisebenza inkohlakalo : ngokuba I-NKOSI ilivile izwi lokulila kwam.

9 I-NKOSI ikuvile ukutafuzisa kwam : I-NKOSI iyakuwamkela umtandazo wam.

10 Ziyakudana, zotúswé kakulu zonke intshaba zam : ziyakubuyiswa zidaniswe ngepanyazo.

I-NDUMISO VII.

NKOSI, Tixo wam, ndiziméla ngawe : ndisindise kubo bonke abandisukelayo, undihlangule.

2 Hleze bawuqwege umpefumlo wam njengengonyama : bawudlavule kungekó mhlangu.

3 NKOSI Tixo, ukuba ndite ndenza oku : ukuba kukó ubumenemene ezandleni zam ;

4 Ukuba ndimpéte kakubi obexolelene nam : (ndibe ndimsindisa ofumana walutshaba kum ;)

5 Maluti utshaba luwusukele umpefumlo wam, luwufumane : lubunyashela pantsi ubomi bam, uzuko lwam lululalise elutulini.

6 Yima, NKOSI, unengqumbo, pakama ngenxa yomsindo wentshaba zam : vuka undikáulele, wena oté makugwetywe.

7 Ingqungqutela yezizwe mayikungqonge : ubuye unyukele pezu kwazo.

8 I-NKOSI iyagweba pakati kwezizwe ; gweba ityala lam, NKOSI : ngobulungisa bam nangokugqibelela okukum.

9 Mabupéle ububi babangendawo : ulizimase ilungisa.

10 Kuba u-Tixo wobulungisa : ngolinga ingqondo nentliziyo.

11 Ikáká lam ngu-Tixo : osindisa abantliziyo ziteye.

12 U-Tixo uyalungisa ukugweba : ungu-Tixo oqunjiswa imihla yonke.

13 Ukuba umntu akaguquki, wolilola irele lake : usityedile isapéta sake, wasilungisa.

14 Umlungisele intonga zokubulala : uzenze zanolilo intolo zake.

15 Yabona, uneninba yobumenemene : ukáule ububi, wazala ubuxoki.

16 Umbé umhadi, wawugomba : waza weyela esihogweni abesenzela abanye.

17 Ububi bake buyakubuyela kweyake intloko : nenkohlakalo yake iyakumhlela kwa yena.

18 Ndoyibulela I-NKOSI ngenxa yobulungisa bayo : ndilibonge i-Gama le-NKOSI epezu konke.

I-NDUMISO VIII.

YEHOVA, Nkosi yetu, hayi ubungangamsha be-Gama lako emhlabeni wonke : wena obubekileyo emazulwini ubuqaqauli bako.

2 Emlonyeni wentsana nabányayo useke amandla ngenxa yentshaba zako : ukuze udambise utshaba nopindezelayo.

3 Ndití, ndakukangela amazulu ako, umsebenzi weminwe yako : inyanga nenkwenkwezi ozimisileyo ;

4 Uyinto-nina umntu lento umkumbulelayo : unyana womntu lento umvelelayo ?

5 Umenze apants' ukulingana no-Tixo : wamtwesa uzuko nobungangamsha.

6 Umpátisile ubukosi pezu kwemisebenzi yezandla zako : zonke izinto uzibeke pantsi kwenyawo zake ;

7 Igusha nenkomo, zonke zipélele : kwa nenyamakazi zasendle ;

8 Intaka nazo, nentlanzi zaselwandle : into zonke ezihamba ngendlela zolwandle.

9 Yehova, Nkosi yetu : hayi ubungangamsha be-Gama lako emhlabeni wonke !

UM-TANDAZO WA-KUSASA.

I-NDUMISO IX.

NDIYAKUKUBULELA, NKOSI, ngentliziyo yonke : ndiyakuyibalisa yonke imimangaliso yako.

2 Ndovuya ndigcobe ngawe : ndilibonge i-Gama lako, Wena opezu konke.

3 Kuba intshaba zam zibuya ngomva : zikúbeke zitshabalale pambi kwako ;

4 Ngokuba undigwebele ityala lam nebango lam : wauhleli e-troneni, wagweba walungisa.

5 Uzikalimele intlanga, wabatshabalalisa abangendawo : igama lazo ulicimile ngonapakade.

6 Intshaba zona zigqibele, yangamanxuwa kwapela : izixelo ozicitileyo, kwatshaba nokukunjulwa kwazo.

7 Ke yona I-NKOSI ihleli ngonapakade : iyizinzisele ugwebo i-trone yayo.

8 Iyakugweba kwelimiweyo ngobulungisa : ilungise ukugweba pakati kwezizwe.

9 Iti I-NKOSI ibe lihlati kotyunyuziweyo : inqaba ngamaxesha obunzima.

10 Batembele kuwe abalaziyo i-Gama lako : ngokuba akubashiyanga abakufunayo wena, NKOSI.

11 Vumani ngendumiso kwi-NKOSI ehleli e-Tsiyon : xelani ezizweni izenzo zayo.

12 Ingumpindezeli wamagazi iyabakumbula : ayikulibalanga ukukála kwabalulamileyo.

13 Ndenzele inceba, NKOSI, zibone intsizi endiziviswa ngabandityayo : wena undinyusayo emasangweni okufa.

14 Ukuze ndibalise yonke indumiso yako emasangweni entombi ka-Tsiyon : ndigcobe ngosindiso lwako.

15 Intlanga zitshone esihogweni ezasenzayo : unyano lwazo lubanjiswe esibateni ezasigqumelayo.

16 I-NKOSI izazisile ; yenza umgwebo : imtiyela ongendawo ngomsebenzi wezandla zake.

17 Abangendawo bayakubuyela kwelabafuleyo : kwa zonke intlanga ezimlibalayo u-Tixo.

18 Ngokuba aliyikuhlala lilityalwa ihlwempu : itamba labapantsi lingayikutshabalala kupéle.

19 Yima, NKOSI, umntu makangeyisi : intlanga mazigwetywe pambi kwako.

20 Zenze zoyike, NKOSI : zazi intlanga ukuba zingabantu kupéla.

I-NDUMISO X.

YININA ukuba umele mgama, NKOSI : uzifihle ngamaxesha obunzima ?

2 Ngefátshi labangendawo atshutshiswa amahlwempu : abanjiswa ngamaqínga abawaqíngileyo.

3 Ngokuba ongendawo eqáyisa ngomnqweno wompefumlo wake : ati ngokubawa kwake ayigibe ayidele I-NKOSI.

4 Ongendawo unje ngefátshi lake, atí, Akasayikubuza : zonke izicamango zake ziti, Akukó Tixo.

5 Indlela zake ziqínile ; izigwebo zako zipakamile, zikude kuye : uyazidela zonke intshaba zake.

6 Utí entliziyweni yake, Andisayikushukunyiswa : andiyikuba sehubini napakade.

7 Umlomo wake uzele kushwabula nokukohlisa nobumenemene : ngapantsi kolwimi lwake bububi nokungendawo.

8 Uhlala ezindaweni zokulalela emizini : agwinte omsulwa entsitelweni ; amehlo ake azonda olusizana.

9 Ulalela ngasese njengengonyama eludadeni lwayo : ulalela ukupánga olusizana.

10 Uyalupánga usizana : elutsala ngotambo lwake.

11 Lucinezelve, luyawa : bati abazindwayi bawiswe ngamandla abantu bake.

12 Utí entliziyweni yake, U-Tixo ulibele : ubusite-lisile ubuso bake, akasayikubona.

13 Yima, NKOSI ; sipakamise isandla sako, Tixo : ungabalibali abalulamileyo.

14 Yinina ukuba ongendawo amdele u-Tixo : ati entliziyweni yake, Akuyikubuza ?

15 Ubonile wena : ngokuba uyabubona ububi nekatazo ;

16 Ukuze upindezele ngesandla sako : usizana luzitahlela kuwe ; ungumncedi wenkedama wena.

17 Yapiúle ingalo yongendawo : mayibuziswe inkohlakalo yake, kungasali nento.

18 I-NKOSI ingu-Kumkani ngonapakade : zitshabalele intlanga emhlabeni wayo.

19 Umnqweno wabalulamileyo uwuvile, NKOSI : wazimasa intliziyo zabo, wayibaza indlebe yako ;

20 Ukuba ugwebe ityala lenkedama noshicilelweyo : aze umntu womhlaba angabi soyikisa.

I-NDUMISO XI.

I-NKOSI ndiyenze inqaba yam : niti-nina ukutí kumpefumlo wam, Balekela entabeni yako nje-ngentaka ?

2 Ngokuba abangendawo begoba isapéta, bazilungisile intolo zabo entanjeni : ukuba bati besitele batole abantliziyo zite-tye.

3 Xa intsika zicitwayo : ilungisa linokuti-nina ?

4 I-NKOSI ise-tempileni yayo engwele : I-NKOSI ine-trone yayo ezulwini.

5 Amehlo ayo ayababona : ewe, ayabacikida onyana babantu.

6 I-NKOSI ikóliwe lilungisa : ke yena ongendawo notanda ubuncwangu umpfumlo wayo umtiyile.

7 Iyakubahlisela abangendawo imigibe, umlilo nesulfure nomoya olulopu : yindebe yabo abayabelweyo.

8 Ngokuba I-NKOSI iyalungisa, itanda ubulungisa : amalungisa ayakububona ubuso bayo.

UM-TANDAZO WANGO-KUHLWA.

I-NDUMISO XII.

SIZA, NKOSI, abenceba bapélile : abenyaniso abasekó konyana babantu.

2 Bateta ubuxoki bonke nabamelwane babo : bateta ngomlomo ogudileyo, ngentliziyo embáxa.

3 Yanga I-NKOSI inganqumla yonke imilomo egudileyo : ulwimi oluteta into ezinkulu ;

4 Nabo abati, Siyakweyisa ngolwimi lwetu : umlomo wetu ungowetu, ngubanina inkosi kuti ?

5 Ngenxa yokubúqwa kwentsizana : ngenxa yokuncwina kosweleyo,

6 Ndiyakusuka ndime ngoku, itsho I-NKOSI : ndiyakumbeka elusindisweni lowo ululangazelayo.

7 Amazwi e-NKOSI ngamazwi acecekileyo : anjengesilvere enyibilikiswe eziko, yela emhlabeni, ehluzwe kasixénxe.

8 Uyakubagcina, NKOSI : uyakuhlala ubalondoloza kwesisizukulwana.

9 Abangendawo bahambahamba ngenxa zonke : kwakupakanyiswa inkohlakalo pakati konyana babantu.

I-NDUMISO XIII.

KODA kube ninina, NKOSI, undilibe kwapela : kuninina ubusitelisa ubuso bako kum ?

2 Kuninina ndicebisana nompefumlo wam, ndibuhlungu entliziyweni yam imini yonke : kuninina lundipakamele utshaba lwam ?

3 Kangela undipendule, NKOSI Tixo wam : kanyisela amehlo am, hleze ndilale ukufa.

4 Hleze utshaba lwam luti, Ndimeyisile : baze abandibandezelayo bavuyele ukuwa kwam.

5 Mna nditembe inceba yako : intliziyoyam mayivuyele usindiso lwako.

6 Ndovuma e-NKOSINI : kuba indipete ngesisa.

I-NDUMISO XIV.

SITE isidenge entliziyweni yaso : Akukò Tixo.

2 Basebenza okubi, balisikizi ngentlondi zabo : akukò wenza okulungileyo, noko amnye.

3 I-NKOSI isezulwini iqondele konyana babantu : ukubona ukuba kukò oqiqayo na, omfunayo u-Tixo.

4 Bapambukile bonke, bancólile kwapela : akukò wenza okulungileyo, namnye.

5 Linewába elivulekileyo umqala wabo, bayakohlisa ngelwimi zabo : ubuhlungu beramba busemlonyeni wabo.

6 Umlomo wabo uzele kushwabula nobuifara : inyawo zabo zikáuleza ukuze bapalaze igazi.

7 Indlela zabo zinentshabalaliso nobubi, indlela yoxolo abayazanga : ukumoyika u-Tixo akukò pambi kwamehlo abo.

8 Abanakwazi na bonke abasebenza inkohlakalo : besidla abantu bam ngati badla isonka, bengabizeli e-NKOSINI ?

9 Boyika nokoyika kón'apo : ngokuba u-Tixo usesizukulwaneni samalungisa.

10 Icebo losizana ningalitshitshisa : I-NKOSI ilihlali lalo noko.

11 Alwaba lwaseluvile e-Tsiyon usindiso lwama-Sirayeli! Yakubuyisa I-NKOSI abatinjwa babantu bayo ; maze avuye u-Yakobi, agcobe u-Sirayeli.

UM-TANDAZO WA-KUSASA.

I-NDUMISO XV.

NKOSI, ngubanina ongahlala endlwini yako : ngubanina ongahlala entabeni yako engcwele ?

2 Ngohamba ngokugqibeleleyo : esenza ubulungisa, eteta inyaniso ngentliziyoyake.

3 Ongahlebiyo ngolwimi lwake, engamenzi into embi uwabo : engamtyóli ummelwane wake.

4 Oti entliziyweni yake amdele ongendawo : abazukise ke abayoyikayo I-NKOSI.

5 Ofunga angajiki : nokuba kubi kuye.

6 Ongabolekiyo ngemali yake ukuba adle abantu : ongenakutengwa ukuze agwebe ongenatyala.

7 Okwenzayo oko : akayikushukunyiswa napakade.

I-NDUMISO XVI.

NDIGCINE, Tixo : ngokuba ndiziméla ngawe.

2 Ndité e-NKOSINI, Uyi-Nkosi yam : andinanto indilungeleyo ngapezu kwako.

3 Abangwele bona abasemhlabeni : bazingangamsha endivuyela zona.

4 Ziyakwanda imbulaleko : zabo banxámele otixo bambi.

5 Iminikelo yabo yegazi andiyikuyinikela mna : amagama abo andiyikuwapáta ngomlomo wam.

6 Yi-NKOSI isahlulo endasabelwayo, nendebe yam : indizinzisa elifeni lam.

7 Ndicandelwe endaweni entle : inene, lihle ilifa lam.

8 Ndiyakuyibonga I-NKOSI endinike icebo : intliziyo yam iyandiluleka ebusuku.

9 Ndiyimisile I-NKOSI pambi kwam amaxesha onke : ngokuba isekunene kum nje, andiyikushukunyiswa.

10 Ngako oko iyavuya intliziyo yam, uyagcoba umpefumlo wam : nomzimba wam uyakuhlala untemba.

11 Ngokuba akuyikuwushiya umpefumlo wam kwe-labafileyo : ungavumi ukuba intanda yako ibonane nesiho.

12 Uyakundazisa umendo wobomi ; pambi kwako kukwanela yimivuyo : ekunene kwako yinyweba yapakade.

I-NDUMISO XVII.

BUVE, NKOSI, ubulungisa, ukuve ukuhlahlamba kwam : wubekele indlebe umtandazo wam ongapumiyo emlonyeni wenkohliso.

2 Isigwebo sam masipume kuwe : amehlo ako aka-
ngele okulungileyo.

3 Uyeikidile intliziyo yam, uyivelele ebusuku, undilingile, akwafumana nto : ndizimisele ukuba andiyikugqita ngomlomo wam.

4 Malunga nemisebenzi yabantu ndizigcinile, andan-
geni kwindlela zamanyangaza : ngalo ilizwi lomlomo wako.

5 Imikondo yam ibambe indlela zako : azashuku-
nyiswa inyawo zam.

6 Mna ndinqula wena, ngokuba undipendula,
Tixo : nditobele indlebe yako, kuve ukuteta kwam.

7 Bubonakalise ububele bako, wena ubasindisayo
abaziméla ngawe : ngesandla sako sokunene, kwabasuka
pezu kubo.

8 Ndigcine njengokózo lweliso : ndisitlise ngesitu-
nzi samapiko ako,

9 Pambi kwabangendawo abandibúgayo : intshaba
zompefumlo wam ezindingungelayo.

10 Zite-fiti kutyebe : ngomlomo wazo ziteta nge-
fatshi.

11 Zisijikelezile ngoku ekuhambeni kwetu : amehlo
azo ziwamisele ukusikáhlela emhlabeni.

12 Ukufana kwazo kunjengengonyama enxámele
ukuqwenza : kunjengengonyama entsha ihleli entsi-
telweni.

13 Yima, NKOSI, umhlangabeze, umwise pantsi :
wusindise umpefumlo wam kongendawo ngefela
lako ;

14 Wusindise kubantu ngesandla sako, NKOSI, ku-
bantu belipakade, abasahlulo sikobubomi : usizalisayo
isisu sabo ngengqwebo zako ;

15 Bakólisile ngonyana : ukupupuma kwabo baku-
shiya nentsapo zabo.

16 Mna ndiyakububona ubuso bako ndisebulungi-
seni : ndiyakwaneliswa similo sako ekuvukeni kwam.

UM-TANDAZO WANGO-KUHLWA.

I-NDUMISO XVIII.

NDIYAKUTANDA, NKOSI, mandla am; I-NKOSI lililiwa lam, imboniselo yam, nomsindisi wam: ngu-Tixo wam, liliwa endiziméla ngalo, likáka lam, lupondo losindiso lwam, nenqaba yam.

2 Ndinqula I-NKOSI eyeyokudunyiswa: ndisindiswe ezintshabeni zam.

3 Izintya zokufa zandijikela: imisinga yentshabalalo yandoyikisa.

4 Izintya zenewába zandiraula: iziirintyelo zokufa zandifikela.

5 Ekubandezelekeni kwam ndanqula I-NKOSI: ndazibika ku-Tixo wam.

6 Waliva e-tempileni yake izwi lam: ukuzibika kwam kwafika pambi kwake ezindlebeni zake.

7 Wahexa ke wanyikima umhlaba: iziseko zentaba zangcangezela, zagungqa ngokuba enomsindo.

8 Wenyuka umsi upuma ematáténi ake: wadla umlilo upuma emlonyeni wake, kwavuta amalahle kuwo.

9 Wawatoba amazulu, wehla: kwamnyama pantsi kwenyawo zake.

10 Wakwéla e-kerubini wapápázela: we-tshwebelele ngamapiko omoya.

11 Wamisa ubumnyama balisité lake, umnquba wake ngenxa zonke kuye: ubumnyama bamanzi, ingqimba zamafu.

12 Ekukányeni okupambi kwake kwatyoboza emafini ake: izipángo zamatyé namalahle omlilo.

13 I-NKOSI yadudumisa amazulwini, Opezu konke walikúpa izwi lake: izipángo zamatyé namalahle omlilo.

14 Watuma intolo zake, wabapángalalisa: yamininzi imibane, wabadubaduba.

15 Imipantsi yamanzi yabonakala, kwatyileka iziseko zelimiweyo, ngokukalima kwako, NKOSI: ngokufuta komoya wamatátá ako.

16 Wolula isandla epezulu, wandibamba: wandiróla emanzini amaninzi.

17 Wandihlangula elutshabeni lwam olunamandla, kwabanditiyileyo: ngokuba bebomelele kunam.

18 Bandifikela ngemini yokusindeka kwam: ke I-NKOSI yandixása.

19 Yandikúpela endaweni ebanzi: yandihlangula, ngokuba inditandile.

20 I-NKOSI yandipáta ngokobulungisa bam: yandibuyisela ngokobunyulu bezandla zam.

21 Ngokuba ndazigcina indlela ze-NKOSI: andemka ngokungendawo ku-Tixo wam.

22 Ngokuba yonke imiteto yake ipambi kwam: andiyilahlanga imimiselo yake.

23 Ndandilungile kanye pambi kwake: ndazigcina andaba nabugwenxa.

24 Yandibuyisela ke I-NKOSI ngokobulungisa bam: ngokobunyulu bezandla zam pambi kwamehló ayo.

25 Kowenceba uzenza owenceba: kolilungisa kanye uzenza olilungisa kanye.

26 Kozenze nyulu uzenza onyulu: kogwenxa uzenza ogwenxa.

27 Ngokuba abalulamileyo uyabasindisa: uwatobe amehló aratshileyo.

28 Uyasilumeka isibane sam wena: I-NKOSI u-Tixo wam iyakubukányisela ubumnyama bam.

29 Ngokuba ngawe ndinokulwa neqela: ndinokutsiba udonga ngo-Tixo wam.

30 U-Tixo yena, igqibelele indlela yake: ilizwi le-NKOSI lilingiwe, likáka kubo bonke abaziméla ngayo.

31 Ngokuba ngubanina ongu-Tixo, ingeyiyo I-NKOSI: ngubanina oliliwa, ingenguye u-Tixo wetu?

32 Ngu-Tixo ondibinqisa ubufoti : ayigqibelelise indlela yam.

33 Uzifanisa inyawo zam nezamanxala : undimisa emimangweni yam.

34 Uzifundisa ukulwa izandla zam : zityede isapêta sobedu ingalo zam.

35 Undinikile ikâka losindiso lwako : sandixâsa isandla sako sokunene, ululamo lwako lwandikûlisa.

36 Wawenzela indawo ebanzi amanyatela am pantsi kwam : azatyibilika inyawo zam.

37 Ndazisukela intshaba zam, ndazifumana : anda-buya zada zapêla.

38 Ndaziqoba, azabi nakuvuka : zawa pantsi kwe-nyawo zam.

39 Wandibinqisa ubufoti ekulweni : wabatoba pantsi kwam abasukela pezulu kum.

40 Wandinika umhlana wentshaba zam : abanditiyayo ndabanqamla.

41 Bazibika, akwabikô usindisayo : bakâla e-NKOSINI, ayabapendula ke.

42 Ndabacola banjengotuli pambi komoya : ndabanyatela njengodaka lwasezi-trateni.

43 Wandisiza ekubambaneni kwabantu : wandimisa ndayintloko yentlanga.

44 Ndiyakukonzwa luhlanga : endibe ndingalwazi.

45 Bakundiva ngendlebe, bandilulamela : beza ebasemzini benditobela.

46 Abasemzini bayapêla : bapume bengcangcazela ezinqabeni zabo.

47 I-NKOSI ihleli, lelokubongwa iliwa lam : apakaniswe u-Tixo ondisindisayo.

48 Ulo-Tixo wandinika impindezelo : uzoyisayo izizwe zibe pantsi kwam.

49 Undisiza ezintshabeni zam ; ewe, wena undipakamisayo kwabasukela pezulu kum : undihlangule kumntu ogenyamelayo.

50 Ngenxa yoko ndiyakubulela kuwe, NKOSI, pakati kwentlanga : ndivume kwi-Gama lako.

51 Ulokûlisa usindiso lokumkani wake : wenzayo inceba kumtanjiswa wake, ku-Davide nakwinzalo yake kude kuse epakadeni.

UM-TANDAZO WA-KUSASA.

I-NDUMISO XIX.

A MAZULU abalisa uzuko luka-Tixo : saye isibâkabâka sixela umsebenzi wezandla zake.

2 Imini impompozelela imini inteto : ubusuku buzelela ubusuku ukwazi.

3 Akukô nteto, akukô mazwi : asivakali isandi sawo.

4 Intambo yawo yokulinganisa ipume yaya emhlabeni wonke : kwaba sezipêlweni zelimiweyo ukukûluma kwawo.

5 Ilanga ulimisele in-tente kuwo : lona linjengomyeni ke epuma egumbini lake, linemihlali njengegofo ukugidima ngomendo walo.

6 Kusesipêlweni samazulu ukupuma kwalo, ukujikeleza kwalo kusa ezipêlweni zawo : akukô nto inokusitela ebushushwini balo.

7 Umyalelo we-NKOSI ugqibelele, ubuyisa umpefumlo : isinqino se-NKOSI sinyanisekile, sinika isidenge ubulumko.

8 Izimiselo ze-NKOSI zilungile, zivuyisa intliziyo : umteto we-NKOSI unyulu, ukânyisela amehlo.

9 Ukoyika I-NKOSI kucecekile, kumi ngonapakade : izigwebo ze-NKOSI ziyinyaniso, zibulungisa kwapêla.

10 Zinokunqweneleka kune-golide zona, kune-golide engcengiweyo eninzi : zimnandi kunobusi nakune-indeini yobusi.

11 Isicaka sako zikwasikânyisela : ekuzigcineni kukô umvuzo omkulu.

12 Ngubanina ongaqonda izipóso zake : zundihlambulule nakwezifihlakeleyo.

13 Sinqande isicaka sako kwezeratshi, mazingandilauli : ndandul' ukuba ngogqibeleleyo, ndibe msulwa esigqitweni esikulu.

14 Makakóleke amazwi omlomo wam : nezicamango zentliziyo yam,

15 Pambi kwako, NKOSI : liwa lam, mkúluli wam.

I-NDUMISO XX.

NGAMANA yakupendula I-NKOSI ngemini yembandezelo : ngamana lakulondoloza i-Gama lika-Tixo ka-Yakobi ;

2 Yakutumela uncedo oluvela endaweni engewele : yakuxása ise-Tsiyon ;

3 Yayikúmbula yonke iminikelo yako : yawamkela amadini ako ;

4 Yakunika ngokwentliziyo yako : yalizalisa lonke ícebo lako.

5 Masimemelele ngosindiso lwako, siqáyise nge-Gama lika-Tixo wetu : yanga I-NKOSI ingazizalisa zonke izicelo zako.

6 Ndiyazi ngoku ukuba I-NKOSI ingumsindisi womtanjiswa wayo, iyakupendula ezulwini layo elingewele : ngamandla asindisayo esandla sayo sokenene.

7 Abanye bakankanya inqwelo zokulwa, abanye bakankanya amahashe : ke tina solikankanya i-Gama le-NKOSI u-Tixo wetu.

8 Bona batótyiwe, bawa : tina sipakamile, sema.

9 Sindisa, NKOSI : u-Kumkani makasive mhlana sibizayo.

I-NDUMISO XXI.

NKOSI, uyakuvuya ukumkani ngamandla ako : asikukó nokuba uyakugcoba ngosindiso lwako.

2 Umnike umnqweno wentliziyo yake : akwasi-landula isicelo somlomo wake.

3 Ngokuba umkáulela ngentsikelelo zokulungileyo : umtweza isitsaba se-golide engcwengiweyo.

4 Wacela ubomi kuwe, wampá : wampá imihla emide ngonapakade.

5 Lukulu uzuko lwake ngosindiso lwako : ubeka pezu kwake ubungangamsha nembeko.

6 Ngokuba umenza asikelelwe ngonapakade : umvuyisa ngovuyo ebusweni bako.

7 Ngokuba ukumkani utembele e-NKOSINI : ngen-teba y-Osenyangweni akayikushukunyiswa.

8 Isandla sako siyakuzifumana zonke intshaba zako : esokunene sako siyakubafumana abakutiyayo.

9 Uyakubenza babe njengeziko lomlilo, wakubonakala : I-NKOSI iyakubaginya ngomsindo wayo, nomlilo uyakubadla.

10 Uyakutshabalalisa isiqámo sabo emhlabeni : inzalo yabo konyana babantu.

11 Nokuba bakutobela ububi, baqíngc namaqínga : abayikufeza nto.

12 Ngokuba uyakubenza bakunikele umhlana : ngesapéta sako uyakuxuna intolo zako ebusweni babo.

13 Maupakanyiswe, NKOSI, emandleni ako : siyakuvuma, sibonge ubukulu bokwenza kwako.

UM-TANDAZO WANGO-KUHLWA.

I-NDUMISO XXII.

TXO wam, Tixo wam, undilahlele-nina : ukude nganina ekusindisweni kwam, nasemazwini okukála kwam ?

2 Tixo wam, ndiyabiza emini, ungapenduli : nasebusuku ndiyabiza, andipumli noko.

3 Ke wena uyingewele : ulohlala ezindumisweni zakwa-Sirayeli.

- 4 Obawo batembela kuwe : batemba, wabasiza.
 5 Bakála kuwe, basinda : batembela kuwe, abadana.
 6 Ke mna ndingumbungu, andimntu : ndisingei-kivo sabantu, into edelekileyo ebantwini.
 7 Bonke abandibonayo bayandigculela : bayasineka, bahlunguzela intloko, bati,
 8 Makazilahlele e-NKOSINI, imsize : imhlangule, imtanda nje.
 9 Inene, nguwe owandikupayo esizalweni : waba litemba lam ndisemabeleni kamá.
 10 Ndalahlelwa kuwe kwasesizalweni : ungu-Tixo wam kwasekuveleni kwam.
 11 Zungabi kude nam, ngokuba isondele imbandezelo : akukó uncedayo.
 12 Ndingqongwe zinkunzi ezininzi : ndihlanganyelwe zezinamandla zase-Bashan.
 13 Zindakámele ngomlomo wazo : njengengonyama eqwengayo egqumayo.
 14 Ndipalelenjengamanzi, ahlukene onke amatambo am : yanjengomtwebeba intliziyo yam, inyibilikile pakati kwezibilini zam.
 15 Omile njengegope amandla am : ulwimi lwam lunamatele emihlatini yam, undibeka elutulini lokufa.
 16 Ngokuba izinja zindifaule : ibandla labenzi bobubi lindingungele.
 17 Bagqoboza izandla zam nenyawo zam, ndinokuwabala onke amatambo am : bakundijonga, bendibonela.
 18 Bayabelana ngengubo zam : isambato sam base-nzela amaqashiso.
 19 Ke wena, NKOSI, zungabi kude : mhlanguki wam, káuleza undincede.
 20 Wuhlangule eřeleni umpefumlo wam : okupéla kwawo emandleni enja.
 21 Ndisindise emlonyeni wengonyama : nasezimpondweni zenyati undipendule.

- 22 Ndiyakulazisa i-Gama lako kubazalwana bam : ndikudumise ndisentlanganisweni.
 23 Nina niyoyikayo I-NKOSI, yidumiseni : yizukiseni, nonke nzala ka-Yakobi ; niyihlonele nina nonke, nzala ka-Sirayeli.
 24 Kuba azidelekanga azibanga nazoté kuyo intsizi zolusizana : ayibusitelisanga ubuso bayo kuye, ekuzibikeni kwake kuyo yapulapula.
 25 Ivela kuwe indumiso yam entlanganisweni enkulu : izibambiso zam ndiyakuzizalisa pambi kwabamoyikayo.
 26 Bayakudla abalulamileyo, bahlute : bayakudumisa I-NKOSI abayinxámeleyo ; ngamana yapila intliziyo yenu ngonapakade.
 27 Zonke izipélo zomhlaba ziyakukúmbula zibuyeke e-NKOSINI : iqubude pambi kwayo yonke imizalwane yentlanga.
 28 Ngokuba bobek-NKOSI ubukumkani : yiyo umlauli ezintlangeni.
 29 Bayakudla, baqubude : bonke abatyebileyo bomhlaba.
 30 Bayakuguqa pambi kwayo bonke abatshona elutulini : nobengenako ukuwugcina umpéfumlo wake.
 31 Inzala iyakumkonza : kuyakubaliselwa isizukulwana esizayo ngayo i-Nkosi.
 32 Bayakuza baxele ubulungisa bayo kubantu abazakuzalwa : ukuba oko ikwenzile.

I-NDUMISO XXIII.

- I-NKOSI ngumalúsi wam : andiyikuswela luto.
 2 Yenza ukuba ndibute emáfiweni aluhlaza : inditundezela emanzini angawokupumla.
 3 Iyawubuyisa umpefumlo wam : indikápele ezindleleni zobulungisa ngenxa ye-Gama layo.
 4 Nokuba ndihamba emfuleni wetunzi lokufa.

andiyikoyika ubi : ngokuba unam wena, intonga yako nomsimelelo wako ziyanditutuzela.

5 Undilungisela i-tafile pambi kwababandezeli bam : uyitambisile nge-oli intloko yam, indebe yam iyapalala.

6 Inene, ndiyakulandelwa bububele nenceba yonke imihla yobomi bam : ndihlale endlwini ye-NKOSI ngonapakade.

UM-TANDAZO WA-KUSASA.

I-NDUMISO XXIV.

IHLABATI lele-NKOSI nenzaliseko yalo : elimiweyo nabahleli kulo.

2 Ngokuba yona yaliseka pezu kwelwandle : yalinzisa pezu kwemilambo.

3 Ngubanina oyakunyuka aye entabeni ye-NKOSI : ngubanina oyakuma endaweni yayo engcwele ?

4 Ngozandla zimsulwa, ontliziyi inyulu : ongapakamiselanga kwinkohlakalo umpfumlo wake, onganganga ngenkohliso.

5 Yena uyakwamkela intsikelelo e-NKOSINI : nobulungisa ku-Tixo ongumsindisi wake.

6 Siso eso isizukulwana sabamxámeleyo : sababufunayo ubuso bako, Tixo ka-Yakobi.

7 Pakamisani intloko zenu, masango, nizipakamise, zingango zapakade : angene u-Kumkani wozuko.

8 Ngubanina ke lo-Kumkani wozuko : yi-NKOSI enamandla eyoyisayo, yi-NKOSI enamandla emfazweni.

9 Pakamisani intloko zenu, masango, nizipakamise zingango zapakade : angene u-Kumkani wozuko.

10 Ngubanina ke yena lo-Kumkani wozuko : yi-NKOSI yemikosi, yiyo u-Kumkani wozuko.

I-NDUMISO XXV.

NDIWUPAKAMISELA kuwe, NKOSI, umpfumlo wam ; Tixo wam, nditembele kuwe : mandingadani, mazingandivuyeleli intshaba zam.

2 Ewe, bonke abo bakutembayo abayikudana : kuyakudana abo bakohlisayo ngapandle kwesizatu.

3 NKOSI, ndazise indlela zako : undifundise umendo wako.

4 Ndikokele enyanisweni yako, undifundise : ngokuba ungu-Tixo ongumsindisi wam, nditembe wena yonke imihla.

5 Kumbula imfesane yako, NKOSI, nezibele zako : ngokuba kususela kwapakade zikó.

6 Ungazikumbuli izono zobutsha bam, nezigqito zam : ndikumbule ngokwenceba yako ngenxa yokulunga kwako, NKOSI.

7 Ilungile, ite-tye i-NKOSI : ngenxa yoko iyabayalela indlela aboni.

8 Iyabahambisa abalulamileyo emasikweni ayo : ibafundise abalulamileyo indlela yayo.

9 Zonke indlela ze-NKOSI ziyinceba nenyano : kwabagcina umnqopiso wayo nezinqino zayo.

10 NKOSI, ngenxa ye-Gama lako : xolela inkohlakalo yam, ngokuba inkulu.

11 Ngubanina ke umntu oyoyikayo i-NKOSI : yomayalela indlela ayakuyinyula.

12 Umpfumlo wake wohlala wonwabile : nenzala yake ilidle ilifa ilizwe.

13 Ukuvana ne-NKOSI kokwabo bayoyikayo : ibazise umnqopiso wayo.

14 Amehlo am ahlala emi e-NKOSINI : ngokuba iyakuzikuhula elutanjeni inyawo zam.

15 Ndibéke, undenzele inceba : ngokuba ndindodwa ndibandezelekile.

16 Zidambise intlungu zentliziyi yam : ndikúpe ezimbandezelweni zam.

17 Kangela ubunzi na nokwapuka kwam : uxolele zonke izono zam.

18 Kangela intshaba zam, ngokuba zininzi : zindi-tiye ngentiyo egonyamelayo.

19 Wugcine umpefumlo wam, undihlangule : mandingadani, ngokuba ndizimela ngawe.

20 Mandilondolozwe yinyaniso nabubulungisa : ngokuba nditembele kuwe.

21 Kúlula u-Sirayeli, Tixo : ezimbandezelweni zake zonke.

I-NDUMISO XXVI.

GWEBA ityala lam, NKOSI, ngokuba ndihambe engqibelelweni yam : nditembele e-NKOSINI, andatandabuza.

2 Ndicikide, Nkosi, undilinge : uqonde intliziyo yam nezicingo zam.

3 Ngokuba inceba yako ipambi kwamehlo am : ndahamba enyanisweni yako.

4 Andahlala namaxoki : andiyikuhamba nabahana-hanisi.

5 Ndilitiyile ibandla labenzi bobubi : andiyikuhlala nabangendawo.

6 Ndozihlamba kokumsulwa izandla zam : ndisijikeleze isibingelelo sako, NKOSI ;

7 Ukuba ndivakalise izwi lokubulela : ndibalise ngayo yonke imimangaliso yako.

8 Nkosi, ndiyalitanda ikaya eliyindlu yako : nendawo yokuhlala kobuqaqauli bako.

9 Ungawubuteli umpefumlo wam ndawonye naboni : nobomi bam ndawonye namadoda anamagazi ;

10 Wona azandla zinenkohlakalo : ezokunene zawo zizeleyo zizicengo.

11 Mna ke ndohamba engqibelelweni yam : ndikúlule, undenzele inceba.

12 Unyawo lwam lumi endaweni ebanzi : ndoyibonga I-NKOSI ndisezintlanganisweni.

UM-TANDAZO WANGO-KUHLWA.

I-NDUMISO XXVII.

I-NKOSI ilukanyiso lwam, nomsindisi wam, ndiyakoyika banina : I-NKOSI yinqaba yobomi bam, ndiyakoyikiswa ngubanina ?

2 Bakusondela kum abenzi bobubi ukuba bandidle : bakuza ababandezeli bam nentshaba zam, bakúbeka bawa bona.

3 Bendingafanelana ndiawlwe ngumkosi, isuke ingoyiki intliziyo yam : bendingafanelana ndipakanyelwe yimfazwe, ndisuke nditembe noko.

4 Ndicele nto nye e-NKOSINI, ndiyakufuna yona : yokuba ndihlale endlwini ye-NKOSI yonke imihla yobomi bam, ndibone ukulunga kwe-NKOSI, ndibuzise e-tempileni yayo.

5 Ngokuba iyandifihla emnqubeni wayo ngemini yobubi : indisitelise en-tenteni yayo, indimise eweni.

6 Ngoku ke iyakupakanyiswa intloko yam : pezu kwentshaba zam ezindifaulayo ;

7 Ndize ndinikele amadini ngovuyo endlwini yayo : ndocula, ndivume ingoma e-NKOSINI.

8 Yiva, NKOSI, ndakubiza ngezwi lam : ndenzele inceba, ndipendule.

9 Wakuti, Funani ubuso bam : yatli intliziyo yam, Ubuso bako, NKOSI, ndiyakubufuna.

10 Mus' ukubusitelisa ubuso bako kum : unga-sigxoti isicaka sako ngomsindo.

11 Waba luncedo lwam : ungandilahli, ungandishiyi, Tixo ondisindisayo.

12 Ngokuba ubawo nomá bandishiyile : yasuka I-NKOSI yandicòla.

13 Ndiyalele, NKOSI, indlela yako : ndalalise emedweni ote-tye ngenxa yabandilalelayo.

14 Ungandinikeli ekutandeni kwentshaba zam : kuba ndimelwe ngamanqina axokayo nabafuta ubunewangu.

15 Ngendipélelwe : koko bendikólwa kukuba ndokubona ukulunga kwe-NKOSI ezweni labapilileyo.

16 Lindela e-NKOSINI : yomelela, ikáliphe intliziyo yako, nditi lindela e-NKOSINI.

I-NDUMISO XXVIII.

N DIDANDULUKA kuwe, NKOSI : liwa lam, mus' ukuzenza isitúlu kum ; hleze wakuti-cwaka kum, ndifane nabahla baye emhadini.

2 Yiva izwi lokukúnga kwam ekuzibikeni kwam : ekuzipakamiseleni kwam izandla endaweni yako engewele.

3 Ungandisusi nabangendawo nabenzi benkohlakalo : abateta uxolo kubamelwane babo, benobubi ezintliziweni zabo.

4 Banike ngokwemisebenzi yabo : ngokobubi bentloni zabo.

5 Banike ngokwezenzo zezandla zabo : babuyisele ngokwempáto yabo.

6 Ngokuba abayiqondi imisebenzi ye-NKOSI, nezenzo zezandla zayo : iyakubacifa, ingabaki.

7 Mayibongwe I-NKOSI : kuba ilivile izwi lokukúnga kwam.

8 I-NKOSI ingamandla am nekáka lam ; intliziyo yam yatebela kuyo, ndancedeka : iyagcoba ke intliziyo yam, ndiyidumise ngengoma yam.

9 I-NKOSI ingamandla kwabayo : ililiwa losindiso kumtanjiswa wayo.

10 Sindisa abantu bako, usikelele ilifa lako : ubaluse ubatwale ngonapakade.

I-NDUMISO XXIX.

Y INIKENI I-NKOSI, nina bonyana bo-Somandla : yinikeni I-NKOSI uzuko namandla.

2 Yinikeni I-NKOSI uzuko lwe-Gama layo : qubudani e-NKOSINI nivete ezingcwele.

3 Izwi le-NKOSI lipezu kwamanzi : u-Tixo wozuko uyadudumisa.

4 I-NKOSI ipezu kwamanzi amaninzi ; izwi le-NKOSI linamandla : izwi le-NKOSI linobungangamsha.

5 Izwi le-NKOSI lapúla imi-sedare : I-NKOSI yapúla imi-sedare yase-Lebanon.

6 Iyidlobisa njengenkonyana : i-Lebanon ne-Siriyon njengetóle lenyati.

7 Izwi le-NKOSI lilenyisa amalangatye omlilo : izwi le-NKOSI linyikimisa intlangi ; I-NKOSI inyikimisa intlangi yase-Kadesh.

8 Izwi le-NKOSI lizuzisa inyamakazi, lihlube amalhati : e-tempileni yayo into yonke ipéla iti, Luzuko !

9 I-NKOSI yahlala kunogumbe, ilaula : I-NKOSI ihleli ingu-Kumkani ngonapakade.

10 I-NKOSI iyakubanika abantu bayo amandla : I-NKOSI iyakubasikelela abantu bayo ngoxolo.

UM-TANDAZO WA-KUSASA.

I-NDUMISO XXX.

N DIYAKUKUDUMISA, NKOSI, ngokuba undipakamisile : akwazivuyisa ngam intshaba zam.

2 NKOSI, Tixo wam, ndazibika kuwe : wandipilisa ke.

3 NKOSI, uwunyusile enewábeni umpefumlo wam : wandidlisa ubomi ukuba ndingehli ndiye emhadini.

4 Dumisani I-NKOSI, nina zintanda zayo : nibulele kwi-Gama layo elingcwele.

5 Ngokuba yinto yepanyazo kupéla umsindo wayo,

'ububele bayo buyinto yobomi bonke : ngokuhlwa kulalisa ukulila, kusasa kubakó ukumemelela.

6 Ke mna ndati ekonwabeni kwam, Andiyikushukunyiswa napakade : ute, NKOSI, ngobubele bako wayinqabisa intaba yami.

7 Wabusitelisa ubuso bako : ndasuka ndakwánsi-swa.

8 Ndadanduluka kuwe, NKOSI : ndakúnga e-NKOSINI.

9 Kukó nzuzo yanina egazini lam : ekuhlani kwam ndiye esihogweni ?

10 Lokudumisa na utuli : loyixela na inyaniso yako ?

11 Yiva, NKOSI, undenzele inceba : NKOSI, yiba ngumncedi wam.

12 Wakuguqula ukulila kwam kwaba kukugcoba : wandikúlula ezirwexayo, wandibinqisa uvuyo ;

13 Ukuze umpfumlo wam uvume ngawe, ungaticwaka : NKOSI, Tixo wam, ndiyakubulela kuwe ngonapakade.

I-NDUMISO XXXI.

NKOSI, ndiziméla ngawe, mandingaze ndidaniswe : ndisize ngobulungisa bako.

2 Nditobele indlebe yako : unxáme undihlangule.

3 Yiba lilwa eliyinqaba kum : indlu yemboniselo yokundisindisa.

4 Ngokuba uliliwa lam nenqaba yam : ngenxa ye-Gama lako uyakundikápa unditundeze.

5 Uyakundirola esibateni abebesigqumele mna : ngokuba uyinqaba yam.

6 Ndiwuyaleza umoya wam esandleni sako : undikúlule, NKOSI, Tixo wenyaniso.

7 Ndiibatiyile abagcina amampunge angento yanto : mna nditembele e-NKOSINI.

8 Ndiyakugcoba ndivuye ngencebá yako : ngokuba

uzibonile intsizi zam, wabazi ubunzima bompfumlo wam.

9 Akwandivingcela ngesandla sotshaba : wazimisa endaweni ebanzi inyawo zam.

10 Ndenzele inceba, NKOSI, kuba ndibandezelekile : lonakele kukatazeka iliso lam, nompfumlo wam, nomzimba wam.

11 Ngokuba bupélile lusizi ubomi bam : neminyaka yam kukuncwina.

12 Ayagexa amandla am ngobugwenxa bam : namatambo am alupele.

13 Ngenxa yababandezeli bam bonke ndaba singcikivo, ngokukodwa kubamelwane bam : ndasiso-yikiso kwabandaziyo ; abandibonayo ngapandle bandibaleka.

14 Ndilityelwe njengomfi ongasakunjulwayo : ndinjengesitya esizakuhlwa.

15 Ngokuba ndiva intle bendwane yabaninzi : ukoyika kumacala onke ; besabúnga ngam, baceba ukusasa umpfumlo wam.

16 Ke mna nditembele kuwe, NKOSI : ndité, Wena ungu-Tixo wam ;

17 Asesandleni sako amaxesha am : ndihlangule esandleni sentshaba zam, nakwabandisukelayo.

18 Kányisa ubuso bako pezu kwesicaka sako : ndisindise ngencebá yako.

19 Mandingadani, NKOSI, ngokuba ndinqula wena : makudane abangendawo, bati-cwaka encwábeni.

20 Mawubotshwe umlomo woxokayo : oteta ngenlungisa ngokusa, ngefátshi nangokudela.

21 Hayi ubukulu bokulunga kwako obubekele abakoyikayo : obenzele abaziméla ngawe, pambi konyana babantu !

22 Ubasitelisa esiténi lobuso bako ekucebani kwabantu : ubagusha emnqubeni wako ekubambaneni kwelwimi.

23 Mayibongwe I-NKOSI : ngokuba indenzele inceba engummangaliso emzini onqabileyo.

24 Ke mna ndati ekotukeni kwam : Ndinqanyulwe andabikó emehlweni ako.

25 Waliva noko izwi lokukúnga kwam : ekuzibikeni kwam kuwe.

26 Tandani I-NKOSI, nonke nina bangwele bayo : yi-NKOSI umlondolozu wabanyanisileyo, umpindezeli ngokukulu kowenza ngefathshi.

27 Yomelelani, ikálope intliziyo yenu : nonke nina nitembele e-NKOSINI.

UM-TANDAZO WANGO-KUHLWA.

I-NDUMISO XXXII.

HAYI inyweba yomntu osipóso sixolelweyo : osono siselelweyo !

2 Hayi inyweba yomntu engabubaleliyo I-NKOSI ubugwenxa kuye : ekungekó kukohlisa emoyeni wake !

3 Ndite ndakuti-cwaka : alupala amatambo am ngokúála kwam imihla yonke.

4 Ngokuba imini nobusuku besinzima pezu kwam isandla sako : baguquka ubumanzi bam baba kubalela kwasehlotyeni.

5 Ndaza ndakwazisa isono sam : ubugwenxa bam andabugquma.

6 Ndatl, Ndosivuma isipóso sam e-NKOSINI : wabuxolela ke ubugwenxa besono sam.

7 Ngenxa yoko mazitandaze kuwe zonke intanda zako ngexesha lokukufumana : inene, ekukúkuleni kwamanzi amaninzi akayikufika kuzo.

8 Uyindawo yokuzimela kwam, uyakundilondolozu embandezelweni : uyakundingqonga ngomemelelo lokusiza.

9 Ndiyakukuqiqisa ndikuyalele indlela owohamba ngayo : ndiyakukucebisa, iliso lam likuwe.

10 Musan' ukuba njengamahashe, njengondlebende ukungabi nangqondo' : abazivato zingumkala, nentambo yokubabopa umlomo ; bengenazo, abayikusondela kuwe.

11 Zininzi intlungu zongendawo : ke otembela e-NKOSINI, yena uyakupahlwa bububele.

12 Vuyani e-NKOSINI, nigcobe, nina malungisa : nimemelele, nina nonke bantliziyo zite-tye.

I-NDUMISO XXXIII.

MEMELELANI e-NKOSINI, nina malungisa : indumiso ibafanele abate-tye.

2 Bulelani e-NKOSINI ngohadi : yibeteleni umrube ontambo zilishumi.

3 Yivumeleni ingoma entsha : nilungise ukubeta ngelokuduma.

4 Ngokuba lite-tye ilizwi le-NKOSI : konke ekwezayo kutembekile.

5 Ngumtandi wobulungisa nomgwebo : uzele umhlaba yinceba ye-NKOSI.

6 Enzeka ngelizwi le-NKOSI amazulu : umkosi wawo wonke ngomoya womlomo wayo.

7 Ulobuta njengemfumba amanzi olwandle : ulobeka kovimba amanzi enzonzobila.

8 Mawuyoyike I-NKOSI wonke umhlaba : bayihlolele bonke abemi belimiweyo.

9 Ngokuba yateta, kwabakó : yawisa umteto yona, kwema.

10 I-NKOSI iyalitshitshisa icebo lentlanga : iziputise ingcinga zezizwe.

11 Icebo le-NKOSI limi ngonapakade : ingcinga zentliziyo yayo kwizizukulwana ngezizukulwana.

12 Hayi inyweba yohlanga olu-Tixo walo yi-NKOSI : lwabantu ebanyulileyo, baba lilifa kuyo.

13 Iqondele isezulwini I-NKOSI, iyababona bonke

onyana babantu : isendaweni yayo yokuhlala yondele kubemi bonke bomhlaba.

14 Ulobumba ngakunye intliziyo zabo : uloqonda zonke izenzo zabo.

15 Akukó kumkani usindiswa yimpi enkulu : igofa alihlangulwa ngamandla alo amakulu.

16 Ihashe asinto ingatenjwayo : nangamandla alo amakulu alinakusiza.

17 Yabona, iliso le-NKOSI likubo abayoyikayo : kwa abalindele inceba yayo ;

18 Ukuba iwuhlangule ekufeni umpefumlo wabo : ibagcine ngexesha lendlala.

19 Umpefumlo wetu ulindele e-NKOSINI : yiyo uncedo lwetu nekáka letu.

20 Iyavuya ngayo intliziyo yetu : ngokuba sitembe i-Gama layo elingewele.

21 Inceba yako mayibe pezu kwetu, NKOSI : njengo-ko sikulindeleyo kuwe.

I-NDUMISO XXXIV.

NDIYAKUYIBONGA I-NKOSI ngamaxesha onke : ihlale isemlonyeni wam indumiso yayo.

2 Umpefumlo wam uyakuqáyisa nge-NKOSI : baya-kuva abalulamileyo bavuye.

3 Yibongeni nam I-NKOSI : silipakamise kunye i-Gama layo.

4 Ndayifuna I-NKOSI, yandipendula : yandihlangula kwinto zonke endoyikiswa zizo.

5 Babéka kuyo, bakányiselwa : ubuso babo ababa nazintloni.

6 Olusizana lwadanduluka, yeva I-NKOSI : yalusi-ndisa ezimbandezelweni zalo zonke.

7 I-ngelosi ye-NKOSI ibangqingile ngenxa zonke abayoyikayo : ize ibahlangule.

8 Yivani nibone ukuba ilungile I-NKOSI : hayi inyweba yomntu otembele kuyo !

9 Yoyikeni I-NKOSI, nina bangewele bayo : ngokuba abanakuswela abayoyikayo.

10 Ingonyama ziyaswela zilambe : ke bona abayi-funayo I-NKOSI abasweli nanye into elungileyo.

11 Yizani lusapo, pulapulani kum : ndonifundisa ukoyika I-NKOSI.

12 Ngubanina obunxámeleyo ubomi : otanda imihla yokubona okulungileyo ?

13 Geina ulwimi lwako ebubini : umlomo wako ungateti inkohliso.

14 Suka ebubini, wenze okulungileyo : funa uxolo, uluputume.

15 Amehlo e-NKOSI akumalungisa : indlebe zayo zisekuzibikeni kwawo.

16 Ubuso be-NKOSI bujonge abenzi bokubi : ukuba ikunqumle emhlabeni ukukunjulwa kwabo.

17 Ayakála amalungisa, iweve I-NKOSI : iwahlangule ezimbandezelweni zawo zonke.

18 Isondele I-NKOSI kwabantliziyo yapúkileyo : iba-sindise abamoya utyunkileyo.

19 Buninzi ububi obulihlelayo ilungisa : kubo bonke iyalihlangula I-NKOSI.

20 Iyawagcina onke amatambo alo : akwapúki nalinye kuwo.

21 Ububi buyakubabulala abangendawo : abatiya amalungisa bayakulitwala ityala.

22 I-NKOSI iyawukúlula umpefumlo wezicaka zayo : akukó namnye uyakutwala ityala kwabaziméla ngayo.

UM-TANDAZO WA-KUSASA.

I-NDUMISO XXXV.

BAMBANA, NKOSI, nababambana nam : yilwa nabalwa nam.

2 Qubula amakáka : yima undincede.

3 Rola umkonto uvingee indlela yabandisukelayo : yiti kumpefumlo wam, Ndilusindiso lwako.

4 Mabadane bahlazeke abasukela umpefumlo wam : mababuye ngomva, babe nentloni abacinga ububi ngam.

5 Mababe njengomququ pambi komoya : ibatyále i-ngelosi ye-NKOSI.

6 Indlela yabo mayibe mnyama, ibe butelezi : ibasukele i-ngelosi ye-NKOSI.

7 Ngokuba basigqumele mna isibata kungekó sizatu : bati kungekó sizatu bawumbéle isihogo umpefumlo wam.

8 Mayimfikele intshabalalo engazi : sibambise yena isibata sake asigqumayo, eyele kuso ngentshabalalo.

9 Ugcobe ke umpefumlo wam e-NKOSINI : uvuye ngosindiso lwayo.

10 Onke amatambo am ayakuti, NKOSI, ngubanina onjengawe, ohlangula usizana koloyisayo : usizana nehlwempu kopangayo ?

11 Kusuke kwema amanqina anolunya : andibuza izinto endingazaziyo.

12 Bandibuyekeza ngobubi esikundleni sokulungileyo : uxwálekile umpefumlo wam.

13 Ke mna, xa bebesifa, ingubo zam bezezizirweyayo, ndawucinezela umpefumlo wam ngokuzila ukudla : umtandazo wam wabuyela esifubeni kum.

14 Ndazipáta njengokungati unguwetu, ngati ngumzalwana wam : ndanga ndingolilela unina ukutobeka kwam ndilusizi.

15 Ke bona balivuyela ilishwa lam bahlanganisana : ndahlanganyelwa zizinto ezingento, nendingabaziyo, bandihlalela ngentlamba, abayeka.

16 Njengabanywálazi nabagxekei : banditshixizela amazinyo.

17 Nkosi, koda kube ninina ubonela : wuhlangule umpefumlo wam kwintshabalaliso yabo, okupéla kwayo ezingonyameni.

18 Ndiyakubulela kuwe entlanganisweni enkulu : ndikubonge pakati kwabantu abaninzi.

19 Mazingandivuyeleli intshaba zam ngobuxoki : bangatyandeli ngoshiyi abanditziyayo kungekó nto.

20 Ngokuba abateti luxolo : bayacinga amazwi ekohliso ngabanobulali belizwe.

21 Bayandisinekela : bati, Tshotsho, tshotsho, abonile amehlo etu.

22 Ubonile, NKOSI : zungati-tu ke, Nkosi, ungabi kude kum.

23 Zivuse, uvuke ngenxa yebango lam, Tixo wam, Nkosi yam : ngenxa yento esibambene ngayo.

24 Gweba ityala lam ngokobulungisa bako, NKOSI Tixo wam : mabangandivuyeleli.

25 Mabangati entliziyweni yabo, Tshotsho, nantso into ebesiyifuna : mabangati, Simginyile.

26 Mabadane babe nentloni kunye abavuyela ububi bam : bambate ukudana nehlazo abazenza bakulu kunam.

27 Mabamemelele bavuye abakólwa bubulungisa bam : bahlale besiti, Mayidunyiswe I-NKOSI evuyela ukupumelela kwesicaka sayo.

28 Lona ulwimi lwam luyakuxela ubulungisa bako : nendumiso yako imihla yonke.

I-NDUMISO XXXVI.

ISONO siteta entliziyweni yongendawo, siti : Akukó koyika u-Tixo emehlweni ake.

2 Ngokuba uzicenga, asuke ati : Inkohlakalo yam ayisayikubonwa, itiyeke.

3 Amazwi omlomo wake abugwenxa nenkohliso : uyekile ukwenza ngobulumko, nokulungisa.

4 Ucinga okungendawo elukúkweni lwake, uzimisa endleleni engalungileyo : akabucekisi ububi.

5 Inceba yako, NKOSI, ifikelela emazulwini : ukutembeka kwako esibákabákeni.

6 Ubulungisa bako bunjengentaba zika-Tixo : iziwebo zako zinjengamanzi enzonzobila.

7 Ugcina abantu nenkomo, NKOSI; hayi ixabiso lenceba yako, Tixo : onyana babantu bayakubalekela etunzini lamapiko ako.

8 Bayakuhlutiswa kutyebe kwendlu yako : ubaseza emlanjeni weziyolo zako.

9 Ngokuba ukuwe umtombo wobomi : ekukányeni kwako sibona ukukánya.

10 Zuhlal' ubapáta ngobubele abakwaziyo : nangobulungisa abantliziyó zinyanisekileyo.

11 Unyawo lonefatshi malungasondeli kum : singandityáli isandla songendawo.

12 Nabo! bewile abenzi bokungendawo : batyálwe bawá, abayikuba nako ukuvuka.

UM-TANDAZO WANGO-KUHLWA.

I-NDUMISO XXXVII.

UNGABAQUMBELI abangendawo : ungabi namona kubenzi bobubi.

2 Ngokuba bayakusikwa kamsinyane njengencá : babune njengohlaza olupumayo.

3 Tembela e-NKOSINI, wenze okulungileyo : lime ilizwe, ungahlukani nokutembeka.

4 Woza uziyolise e-NKOSINI : ikunike okunqwenelela yintliziyo yako.

5 Yiyekele e-NKOSINI indlela yako : utembe yona, yokwenzela.

6 Ibuyelise njengokukánya ubulungisa bako : nebangó lako njengemini enkulu.

7 Yiti-cwaka e-NKOSINI, ulinde kuyo : ungazivutisi ngomsindo ngonempumelelo ngendlela yake, ngomntu ofeza amaqinga angendawo.

8 Lahla umsindo, ushiye ubushushu : mus' ukuzivutisa ngomsindo, kuba oko kusingisa ekwenzeni ububi kupéla.

9 Ngokuba abenzi bobubi bayakunqanyulwa : ke bona abayitembayo I-NKOSI bayakuwudla ilifa umhlaba.

10 Kusakuba mzuzwana, angabikó ongendawo : uti wakuyikangela indawo yake, angabikó.

11 Ke bona abalulamileyo bayakuwudla ilifa umhlaba : baziylolise ngobuninzi boxolo.

12 Ongendawo uyaliceba ilungisa : ulitshixizela amazinyo ake.

13 I-Nkosi iyamhleka : ngokuba ibona ukuba iyeza imini yake.

14 Bafole irele abangendawo, bagobe isapéta sabo : ukuba bawise usizana nehlwempu, babulale abandlela zite-tye.

15 Irele labo liyakungena kwa kweyabo intliziyo : zapúke izapéta zabo.

16 Ilungile intwana elinayo ilungisa : kunentabalala abanayo abangendawo abaninzi.

17 Ngokuba ingalo zabangendawo ziyakwapúlwa : yi-NKOSI umxási wamalungisa.

18 I-NKOSI iyayazi imihla yabagqibeleleyo : ilifa labo liyakuba ngonapakade.

19 Abayikudana ngexesha lobubi : bayakuhluta ngemihla yendlala.

20 Ngokuba abangendawo bayakutshabalala : intshaba ze-NKOSI ziyakuba njengobuhle bamadlelo, zipéle njengomsi, zite-shwaka.

21 Uyaboleka ongendawo, angabuyisi : ke lona ilungisa liyapá, libabale.

22 Ngokuba abasikelelweyo ngu-Tixo bayakuwudla

ilifa umhlaba : abaqalekisiweyo nguye bayakunqanyulwa.

23 Amanyatela omntu aqiniswa yi-NKOSI : iyitande indlela yake.

24 Ewile, akayikulahlwa : kuba yi-NKOSI umxasi wesandla sake.

25 Këndaba mncinane, kungoku-nje ndimkulu : andizanga ndilibone ilungisa lishiywa, nenzala yalo ivukela isonka.

26 Imini yonke liyababala, liboleka abanye : inzala yalo inentsikelelo.

27 Suka ebubini, wenze okulungileyo : uhlele ngonapakade.

28 Ngokuba I-NKOSI itanda ubulungisa : ayizilahli intanda zayo, zigciniwe ngonapakade.

29 Bayakohlwaywa abangalungileyo : inzala yabangendawo iyakunqanyulwa.

30 Amalungisa ayakuwudla ilifa umhlaba : ahlale kuwo ngonapakade.

31 Umlomo welungisa uxela ubulumko : nolwimi lwalo luteta umgwebo.

32 Umyalelo wo-Tixo walo usentliziweni yalo : aliyikutyibilika ekuhambeni kwalo.

33 Ongendawo uyalilalela ilungisa : ufuna ukulibulala.

34 I-NKOSI ayiyikulinikela esandleni sake : ayiyikulilahla kwakutetwa ityala lalo.

35 Tembela e-NKOSINI, ugcine indlela yayo, yokupakamisa, uwudle ilifa umhlaba : ekunqanyulweni kongendawo wobonela.

36 Ndimbonile ongendawo esoyikeka : enamandla, ehluma njengomti emhlabeni wawo.

37 Ndadlula, nanko engasekó : ndamfuna, akafumaneka.

38 Mgqale ogqibeleleyo, ukangele olungisayo : ukuba kukó izivela-mva kumntu woxolo

39 Ke bona abangendawo batshatyalaliswa kupéle : izivela-mva zabo ziyanqanyulwa.

40 Usindiso lwamalungisa lupuma e-NKOSINI : iligwiba lawo ngexesha lembandezelo.

41 I-NKOSI iyawanceda, iwasindise : iwahlangule kwabangendawo, iwasindise, ngokuba aziméla ngayo.

UM-TANDAZO WA-KUSASA.

I-NDUMISO XXXVIII.

NKOSI, zungandohlwayi unobufalañume : unganditetisi unobushushu.

2 Ngokuba intolo zako zitshone kum : sehla kanzi-ma kum isandla sako.

3 Akukó ndawo ipilileyo enyameni yam ngenxa yomindo wako : akukó kuqina ematanjeni am ngenxa yezono zam.

4 Ngokuba inkohlakalo yam inyuke pezu kwentloko yam : indisinda njengomtwalo onzima.

5 Amanxeba am ayanuka, adumbile : ngenxa yobudenge bam.

6 Ndigobile, nditotywe kakulu : ndihamba ndilila imini yonke.

7 Ngokuba kuyatshisa esinqeni sam : akukó ndawo ipilileyo enyameni yam.

8 Ndityafile, ndapúkile : ndikáliswe kukugecuma kwentliziyo yam.

9 Nkosi, waziwa nguwe wonke umnqweno wam : nokuncwina kwam akufihleki kuwe.

10 Ipapu lam liyabeta, ndipélelwe ngamandla : ukukanya kwamehlo am, nako oko akukó kum.

11 Abanditandayo nabaqélene nam bamele mgama ekubetweni kwam : nezalamane zam zimi kude.

12 Banditiyele abafuna umpefumlo wam : abanxámele ukuba ndihlelwe bububi bateta izinto zokweyélisela, bacamange inkohliso imini yonke.

13 Ke mna ndinjengesitulu, andiva : njengesidenge esingawuvuliyo umlomo waso.

14 Ndinjengomntu ongeva nto : omlomo ungenakupendula.

15 Ngokuba nditembele kuwe, NKOSI : kuyakupe-ndula wena, Nkosi Tixo wam.

16 Ngokuba ndati, Hleze bandivuyelele : bona abo bangazikulisayo kum ekutyibilikeni konyawo lwam.

17 Ngokuba ndikatazekile : usizi lwam luhleli lupambi kwam.

18 Ndiyakubuxela ubugwenxa bam : ndibe nesitukutezi ngenxa yesono sam.

19 Ke zona intshaba zam zipilile, zomelele : baninzi abandituyileyo bexoka.

20 Abandibuyekeza ngobubi esikundleni sokulungileyo : bayandicasa ngenxa yokuputuma kwam okulungileyo.

21 Ungandishiyi, NKOSI : Tixo wam, ungabi kude nam.

22 Káuleza undincede : Nkosi yam, Msindisi wam.

I-NDUMISO XXXIX.

NDATI, Ndiyakuzigcina indlela zam : ndingoni ngo-
Iwimi lwam.

2 Ndiyakuwugcina ngokuwubopa umlomo wam : xa ongendawo asepambi kwam.

3 Ndaba sidenge, andateta : ndati-tu nakokulungileyo ; kwabuhlungu kum oko.

4 Yaba nobushushu intliziyo yam pakati kwam : ekucamangeni kwam wavuta umlilo, ndaza ndateta ngolwimi lwam ;

5 Ndati, NKOSI, ndazise isipelo sam, nenani lemi-hla yam, ukuba lingakananina : mandikwazi ukunqamka kwam into okuyiyo.

6 Yabona, uyenze imihla yam yangangobubanzi

besandla : nobomi bam bunjengento engento pambi kwako ; ngumpunga nje bonke abantu, nakuba bemi.

7 Uhambahamba umntu enjengesitunzi nje kodwa, bafumana bexámleka : bafumba, bengazi ukuba ngubanina oyakukuzuzwa.

8 Ngoku ndiyakutembela kwinto-nina, Nkosi : itemba lam likuwe.

9 Ndihlangule kuzo zonke izigqito zam : ungandenzi into yokungcikovwa zizidenge.

10 Ndaba sidenge, andawuvula umlomo wam : ngokuba oko kwenziwe nguwe.

11 Sisuse kum isibeto sako : mna ndiyapela bubunzima besandla sako.

12 Wakumtetisa umntu ngezohlwayo ngenxa yobugwenxa, uyabonakalisa njengenundu ubuhle bake : ngumpunga nje kodwa bonke abantu.

13 Yiva umtandazo wam, NKOSI, kubekele indlebe ukuzibika kwam : ungati-tu ezinyembezi zam.

14 Ngokuba ndingumpambukeli kuwe : undwendwe njengobawo bonke.

15 Ndinyamezele, kéndipile : ndingekemki, ndingabi sabikò.

I-NDUMISO XL.

NDAHLALA ndilindela e-NKOSINI : yatoba, yakuva ukuzibika kwam.

2 Yandifola emhadini wentshabalalo, naseludakeni lomxoboza : yazimisa eliweni inyawo zam, yakuqinisa ukunyatela kwam.

3 Yabeka emlonyeni wam ingoma entsha : indumiso ku-Tixo wetu.

4 Abaninzi bayakubona, boyike : batembele e-NKOSINI.

5 Hayi inyweba yalowo utembele e-NKOSINI : engabeki kwabanefatshi nabafeqa ngobumenemene.

6 NKOSI Tixo wam, zininzi izinto ozenzileyo wena,

inimangaliso nengcinga zako kuti : akukó unokulinga-niswa nawe ;

7 Okanye bendiyakuzixela nditete ngazo : ke ziyi-nkohla engenakubalwa.

8 Akunanzi dini namnikelo wakudla : indlebe zam uzivulile ;

9 Akubizanga dini litshiswayo nadini lasono : ndaza ndati, Yabona, ndizile ;

10 Emqulwini wencwadi kubálwe ngam ; ukwenza okukólekileyo kuwe, Tixo wam, ndikunanzile : umyalelo wako upakati entliziyweni yam.

11 Ndashumayela indaba ezilungileyo zobulungisa entlanganisweni enkulu : andiwubambanga umlomo wam, uyazi wena, NKOSI.

12 Ubulungisa bako andibugqumanga pakati kwe-ntliziyo yam : ndaxela ukutembeka kwako nosindiso lwako.

13 Andifihlanga inceba yako nenyano yako : entlanganisweni enkulu.

14 Wena, NKOSI, akuyikubutintela ububele bako kum : inceba nenyano yako mayihlale indilondo-loza.

15 Ngokuba zindijikele izinto ezimbi, ezide azabi nakubalwa ; bundifikele ubugwenxa bam, andinaku-bukangela : buninzi kunenwele zentloko yam, ndimke-lwe yintliziyo.

16 Ngamana, NKOSI, wandihlangula : NKOSI, káuleza undincede.

17 Mabadane babe nentloni kupéle abafuna umpe-fumlo wam, ukuze bawutshabalalise : mababuye mva bahlazeke abavuyela ububi bam.

18 Abati kum, Tshotsho, tshotsho : mabapanziswe babe nehlaho.

19 Mababe nemihlali bavuye ngawe bonke abaku-funayo : abalutandayo usindiso lwako bahlale besiti, Mayidunyiswe I-NKOSI.

20 Mna ke ndiluzizana, ndiswele : i-Nkosi iyandi-kumbulela.

21 Umncedi wam nomsindisi wam nguwe : Tixo wam, uz' ungalibali.

UM-TANDAZO WANGO-KUHLWA.

I-NDUMISO XLI.

HAYI inyweba yalowo unyamekela ihlwempu : ngo-mhla wobubi I-NKOSI iyakumhlangula.

2 I-NKOSI iyakumlondoloza imgcine apile ; kuyaku-tiwa unenyweba yena emhlabeni : ungamnikeli eku-tandeni kwentshaba zake.

3 I-NKOSI iyakumxása elukükweni lobulwelwe : iya-guqula konke ukugula kwake kube kukupila.

4 Nditl mna, Taru, NKOSI : pilisa umpefumlo wam, ngokuba ndonile kuwe.

5 Intshaba zam ziteta kakubi ngam : zitl, Uyakufa ninina, lipéle igama lake ?

6 Note weza kundilunguza uteta into ekohlakeleyo : intliziyo yake ibute ulunya ; upuma pandle alutete.

7 Basebezelana ngam bonke abanditiyayo : bacinga ububi ngam.

8 Bati, Unanyekwe yinto yokufa : engoleleyo nje, akayikubuye avuke.

9 Kwa nendoda ebixolelene nam, ebendiyitembe yona : ebisidla isonka sam, indipakamisele isitende sayo.

10 Wena, NKOSI, ndenzele inceba : undivuse, ndibabuyekeze.

11 Ndazi ngalento ukuba undinonelele : yokokuba lungenakundidumela utshaba lwam.

12 Mna ekugqibeleleni kwam uyandixása : undi-misa pambi kwako ngonapakade.

13 Mayibongwe I-NKOSI, u-Tixo ka-Sirayeli : kwa-sepakadeni kuse epakadeni. Amen.

I-NDUMISO XLII.

NJENGENYAMAKAZI etsalela emifuleni yamanzi : wenjenjalo ukutsalela kuwe, Tixo, umpefumlo wam.

2 Umpefumlo wam unxanela u-Tixo, u-Tixo opili-leyo : ndiyakufika ninina ndibonakale ebusweni buka-Tixo ?

3 Inyembezi zam zaba kukudla kwam imini nobusuku : bakuti kum imihla yonke, Upina u-Tixo wako ?

4 Ndikumbula oku, ndiwupalazela kum umpefumlo wam : ukuhamba kwam nesihlewe ndisiya naso endlwini ka-Tixo,

5 Sinezwi lokumemelela nokubulela : siyingxokolo evuyayo.

6 Kunganina ukuba usibekeke, mpefumlo wam : kunganina ukuba ugule ngapakati kwam ?

7 Lindela ku-Tixo, ngokuba ndisakubuye ndibulele kuye : olusindiso lobuso bam.

8 Tixo wam, umpefumlo wam usibekekile kum : ngenxa yoko ndikumbula wena ezweni lase-Yordan, nakwele-Hermon, entabeni ye-Mitsare.

9 Inzulu zamanzi zibizelana ngesandi sengxangxasi zako : onke amaza ako adlule pezu kwam.

10 Emini I-NKOSI iyakuyiwisela umteto inceba yayo : nasebusuku ukuvuma ngaye kunam, ukutandaza ku-Tixo wobomi bam.

11 Ndiyakuti ku-Tixo oliwa lam, Undilibele nganina : ndihambela-nina ndilila ngenxa yokuxina kotshaba ?

12 Ngento ephlayo ematanjeni am : bayandingciva abandibandezelayo,

13 Ngokuti kwabo kum imihla yonke : Upina u-Tixo wako ?

14 Kunganina ukuba usibekeke, mpefumlo wam : kunganina ukuba ugule ngapakati kwam ?

15 Lindela ku-Tixo, ngokuba ndisakubuye ndibulele kuye : olusindiso lobuso bam no-Tixo wam.

I-NDUMISO XLIII.

GWEBE ityala lam, Tixo, ubambane ngenxa yam nohlanga olungenanceba : ndisindise endodeni ekohlisayo enobugqweta.

2 Ngokuba ungu-Tixo oyingqaba yam : undilahlele-nina : ndihambela-nina ndilila ngenxa yokuxina kotshaba ?

3 Tuma ukukanya kwako nenyano yako, zindikape : zindise entabeni yako engewe, nasendaweni yokuhlala kwako.

4 Ndoya ke esibingelelweni sika-Tixo, ku-Tixo wovuyo lwam olugeobayo : ndibulele kuwe ngohadi, Tixo ongu-Tixo wam.

5 Kunganina ukuba usibekeke, mpefumlo wam : kunganina ukuba ugule ngapakati kwam ?

6 Lindela ku-Tixo : ngokuba ndisakubuye ndibulele kuye, olusindiso lobuso bam no-Tixo wam.

UM-TANDAZO WA-KUSASA.

I-NDUMISO XLIV.

TXISO, sivile ngendlebe zetu, obawo basibalisele : ngomsebenzi owawenza ngemihla yabo, ngemihla yamandulo.

2 Okokuba wazigxota intlanga ngesandla sako, wabatyalala bona : wazivikiva izizwe, wabandisa bona.

3 Ngokuba abalizuzanga ilizwe ngefele labo : abazisindisanga ngengalo yabo ;

4 Sisandla sako sokunene, nengalo yako, noku-kanya kobuso bako : ngokuba wabunesisa kubo.

5 Nguwe u-Kumkani wam, Tixo : yitsho kubekolusindiso ku-Yakobi.

6 Ngawe sobangqula abasibandezelayo : nge-Gama lako sobagqusha abasukela pezulu kuti.

7 Ngokuba andiyikusitemba isapêta sam : andingesindewa lirele lam.

8 Inguwe osisindisileyo kwabo basibandezelayo : wabadanisa abasitiyileyo.

9 Ngo-Tixo siqâyisa imihla yonke : sibulele kwi-Gama lako ngonapakade.

10 Noko ke usilahlele, usihlazile : akwapuma nemikosi yetu.

11 Usibuyise ngomva pambi kombandezeli : abasitiyileyo bayasipânga ngokutanda kwabo.

12 Wasinikela njengegusha ezidliwayo : wasicita-cita ezintlangeni.

13 Watengisa ngabantu bako ungabizanga nto : akwazuza nto ngexabiso labo.

14 Wasenza isingcikivo kubamelwane betu : isigculelo nesicukucezo kwabasijikelezileyo.

15 Wasenza umzekeliso ezintlangeni : abokuhlunguzelelwa intloko ezizweni.

16 Yonke imihla ihlazo lam lipambi kwam : nokudana kobuso bam kundigubungele;

17 Ngenxa yezwi lomngcikivi nomnyelisi : ngenxa yotshaba nompindezeli.

18 Oku konke kusifikele; asikulibalanga wena : asipambukanga emnqopisweni wako.

19 Ayibuyanga ngomva intliziyo yetu : amanyatela etu akatyekanga endleleni yako;

20 Ukuba usityumze endaweni enempungutye : usigubungele ngetunzi lokufa.

21 Ukuba besililibe i-Gama lika-Tixo wetu, sazolulela kutixo wasemzini izandla zetu : u-Tixo ubengayikupengula na lonto? ngokuba ezazi imfihlelo zentliziyo.

22 Ngenxa yako sibulawa imihla yonke : kutiwa sizigusha zokuxélwa.

23 Pakama, ulele nganina, NKOSI : vuka, ungasilahli ngonapakade.

24 Ubusitelisela-nina ubuso bako : ukulibale ukucinezelwa nokuxinwa kwetu?

25 Ngokuba utotyelwe elutulini umpfumlo wetu : sanamatela emhlabeni isisu setu.

26 Pakama, ube luncedo lwetu : usikúlule ngenxa yenceba yako.

I-NDUMISO XLV.

INTLIZIYO yam ipupuma indawo entle : into endiyenzayo isingise kukumkani.

2 Ulwimi lwam lusiba : lombâli okâulezayo.

3 Umhle wena ngapezu kwabantwana babantu : kugalelwe ubumnandi emlonyeni wako, ngenxa yoko ukusikelele u-Tixo ngonapakade.

4 Binqa irele lako etangeni, wena roti : binqa ubukulu nobungangamsha bako.

5 Uti ngobungangamsha bako ukwêle uhambe : ngenxa yenyano nolulamo nobungisa, sikuyale ngezinto ezoyikekayo isandla sako sokunene.

6 Intolo zako zitsolile; kuyakuwa izizwe pantsi kwako : zitsho entliziyweni zentshaba zokumkani.

7 I-trone yako, Tixo, ingunapakade : yintonga ete-tye intonga yobukumkani bako.

8 Watanda ubungisa, watiya okungendawo : ngenxa yoko ukutambisile u-Tixo, u-Tixo wako, ngeoli yovuyo ngapezu kwabalingane bako.

9 Zinevumba le-more, nekâla, ne-kasiya ingubo zako zonke : emabotweni empondo zendlovu ihadi zikuvuyisile.

10 Kukò intombi zokumkani pakati kwabatandekileyo bako : ukumkanikazi umi ngasekunene kwako, enxibe i-golide yase-Ofire.

11 Yiva, ntombi, ubone, utobe indlebe yako : ubalibale abantu bakowenu nendlu kayihlo;

12 Asuke abunqwenele ubunzwakazi bako ukumkani : woqubuda kuye, ngokuba eyi-Nkosi yako.

13 Intombi ye-Tire iyakuza nomnikelo : zize izityebi zabantu ngokunga zingaköliseka kuwe.

14 Inobuhle kanye intombi yokumkani egumbini layo : isambato sayo sesilukwe nge-golide.

15 Iyakusiwa kukumkani inengubo ezimfakamfele : intombi ziyilandela ezingowayo ziyakusiwa nazo kuwe.

16 Ziyakusiwa ngovuyo nangomgcobo : zingene ebotweni lokumkani.

17 Endaweni yoyihlo iyakuba ngonyana bako : oyakubamisa babe zinkosi emhlabeni wonke.

18 Ndiyakulikankanya igama lako kuzo zonke izizukulwana : ngenxa yoko izizwe ziyakubulela kuwe ngonapakade.

I-NDUMISO XLVI.

U-TIXO ulihlali uligwiba kuti : ezimbandezelweni ufumaneka eluncedo kunene.

2 Ngenxa yoko asiyikoyika, nakuba kupenduke ilizwe : nentaba zidilikele esazulwini solwandle ;

3 Nakuba amanzi alo agqume alepúze : zinyikime intaba ngokukúkúmalá kwalo.

4 Kukó umlambo ozibáxa zawo zivuyisa umzi ka-Tixo : indawo engewele y-Opezu konke.

5 U-Tixo upakati kwawo, awuyikushukunyiswa : u-Tixo uyakuwunceda kwasekuzeni kokusa.

6 Zaxokozela intlanga, zazanyazanyiswa izizwe : wakúpa izwi lake, wanyibilika umhlaba.

7 I-NKOSI yemikosi inati : u-Tixo ka-Yakobi uyinqaba yetu.

8 Yizani, nikangele imisebenzi ye-NKOSI : izicítakalo ezenzileyo emhlabeni.

9 Ulopélisa imfazwe kude kuse ezipélweni zo-

mhlaba : uyapúla isapéta, ashunqule umkonto, atshise inqwelo zokulwa ngomlilo.

10 Yekani, nazi ukuba ndingu-Tixo mna : ndiyakupakanyiswa ezintlangeni, ndiyakupakanyiswa emhlabeni.

11 I-NKOSI yemikosi inati : u-Tixo ka-Yakobi uyinqaba yetu.

UM-TANDAZO WANGO-KUHLWA.

I-NDUMISO XLVII.

BETANI izandla, nonke zizwe : dumani ku-Tixo ngezwi lokumemelela.

2 Ngokuba I-NKOSI ipezu konke, yoyikeka : ingukumkani omkulu emhlabeni wonke.

3 Yazitoba pantsi kwetu izizwe : intlanga pantsi kwenyawo zetu.

4 Yasinyulela ilifa letu : iqáyiya lika-Yakobi eyamtandayo.

5 U-Tixo unyukile, kudunywa : I-NKOSI, kuhlokoma isigodlo.

6 Dumisani u-Tixo wetu, mdumiseni : dumisani ukumkani wetu, mdumiseni.

7 Ngokuba u-Kumkani womhlaba wonke ngu-Tixo : mdumiseni nina ngeyamaciko.

8 U-Tixo uyazilaula intlanga : u-Tixo uhleli etroneni yake engewele.

9 Izikulu zezizwe zihlanganisene, abantu bo-Tixo ka-Abraham : ngokuba amakáka omhlaba ngaka-Tixo ; upakanyiswe kunene.

I-NDUMISO XLVIII.

INKULU I-NKOSI, yeyokudunyiswa kunene : emzini ka-Tixo wetu, entabeni yake engewele.

2 Intle ukupakama kwayo intaba ka-Tsiyon,

ivuyisa umhlaba wonke : intlomo yangasentla, umzi wo-Kumkani omkulu.

3 U-Tixo emabotweni ayo : wazixela ukuba uyinqaba.

4 Kuba okumkani bahlanganisene : bawela, beza kunye.

5 Babona, banovalo : botúka, basaba besoyika.

6 Babanjwa kóna kukungcangazela : banenimba njengomfazi ozalayo.

7 Ngomoya wasempumalanga : uyazapúla inqanawa zase-Tarshishe.

8 Njengoko sikuvileyo, sibone kunjalo emzini we-NKOSI yemikosi, emzini ka-Tixo wetu : u-Tixo uyakuwuzinzisa ngonapakade.

9 Sayikúmbula, Tixo, inceba yako : sise-tempileni yako.

10 Njengoko linjalo i-Gama lako, Tixo, lunjalo udumiso lwako, kwesa ezipélweni zomhlaba : isandla sako sokunene sizele bubulungisa.

11 Mayivuye intaba ka-Tsiyon, agcobe amagxamesi akwa-Yuda : ngenxa yezigwebo zako.

12 Yijikelezeni i-Tsiyon, niyizunguleze : zibaleni inqaba zayo.

13 Gqalani indonga zayo, nihambahambe pakati kwamabotwe ayo : ukuze nibalisele isizukulwana esizayo.

14 Ngokuba lo-Tixo ngu-Tixo wetu ngonapakade : nguye oyakusikápa kude kube sekufeni.

I-NDUMISO XLIX.

YIVANI oku, nina nonke zizwe : bekani indlebe, nina nonke bemi bomhlaba ; .

2 Nina bonyana boluntu, nani bonyana babantu : nina zityebi, nani mahlwempu kunye.

3 Umlomo wam uzakuteta ubulumko : nokuca-manga kwentliziyo yam koba kukuqonda.

4 Ndiyakuyitobela emzekelisweni indlebe yam : ndiyakuyivulela ngohadi intsonkota yam.

5 Ndooyikela-nina emihleni yobubi : xa ubugwenxa babandilumkisayo bundijikelezayo ?

6 Abo batemba imfuyo yabo : baqáyise ngobuninzi bobutyebi babo.

7 Akukò bani unokukúlula umzalwana : anikele ku-Tixo ixabiso lompefumlo wake ;

8 (Ngokuba siqabile isikúlulo sompefumlo wabo : masincanywe ngonapakade),

9 Lokuba ahlale esidla ubomi ngamaxesha onke : angasiboni isihogo.

10 Ngokuba ebona izilumko zibúbá : zidaka kunye izidenge nezityakala, zishiye nabanye imfuyo yabo.

11 Bati entliziyweni yabo, izindlu zabo zezapakade, nemizi yabo ikwizizukulwana ngezizukulwana : bayitye imihlaba ngamagama abo.

12 Ke umntu enobuhandiba akanakuhlala : ufana nenkomo ezi zitshabalalayo.

13 Yiyo le indlela yabaqáyasayo : neyabo babalandelayo bekóliswa ngumlomo wabo.

14 Bamiselwe isihogo njengomhlambi wegusha ; ukufa kuyabalúsa ; amalungisa ayakubalaula kwakusa : isimilo sabo siyakonakala encwábeni, singabi nandawo yokuhlala.

15 Kodwa u-Tixo uyakuwukúlula umpefumlo wam emandleni encwába : ngokuba eyakunditabata.

16 Ungoyiki wena, akuba sityebi umntu : bakwandiswa ubuhandiba bendlu yake ;

17 Ngokuba ekufeni kwake akayikutabata nento : abuyikuhla emva kwake ubuhandiba bake.

18 Nakuba umntu ekudleni kwake ubomi ebewusikelela umpefumlo wake : (bakuncome abantu ngokuzicwáyitisa kwako) ;

19 Uyakuya noko esizukulwaneni soyise : abayikukubona ukukánya napakade.

20 Umntu lo, enobuhandiba, engaqondi : ufana nekomo ezi zitshabalalayo.

UM-TANDAZO WA-KUSASA.

I-NDUMISO L.

U-TIXO, kwa u-Tixo I-NKOSI, utetile : wawubiza umhlaba etabatela ekupumeni kwelanga esa ekutshoneni kwalo.

2 Ese-Tsiyon, ukupéla kwenzwana : uyakazimla u-Tixo.

3 Makeze u Tixo wetu, angati-cwaka : kudla umlilo pambi kwake, ngenxa zonke kuye sisaqwiti esikulu.

4 Ubiza amazulu pezulu : nomhlaba, ukuze agwebe pakati kwabantu bake.

5 Zihlanganiseleni kum intanda zam : ezenze umnqopiso nam ngedini.

6 Amazulu axela ubulungisa bake : ngokuba u-Tixo eza kugweba yena.

7 Yivani, bantu bam, nditete; ndinqine kuwe, Sirayeli : ndingu-Tixo, u-Tixo wako.

8 Andiyikukohlwaya ngenxa yemibingelelo yako : namadini ako atshiswayo ahleli epambi kwam.

9 Andiyikutabata nkomo emzini wako : na-bokwe ezibayeni zako.

10 Ngokuba zezam zonke inyamakazi zasehlatini : nenkomo ezisezintabeni eziliwaka.

11 Intaka zonke ezisezintabeni ndiyazazi : nezintu zasendle zizezam.

12 Ukuba bendilambile, bendingayi kukuxetela : ngokuba lelam elimiweyo nenzaliseko yalo.

13 Ndingayidla inyama yenkunzi na : ndisele negazi le-bokwe ?

14 Nikela ku-Tixo idini lombulelo : uzizalise k-Opezu konke izibambiso zako.

15 Undibize ngemini yembandezelo : ndikuhlangule, undizukise.

16 Ke kongendawo uti u-Tixo : Ukuzeke pina wena ukuxela ummiselo wam, uwupáte ngomlomo wako umnqopiso wam ?

17 Ulutiyile nje ululeko : uwaposa nje amazwi am emva kwako.

18 Xa ubona isela, ukólana nalo : wabelane naba-rexezi.

19 Umlomo wako uwuyekele ehubini : nolwimi lwako lutungela inkohliso.

20 Uti uhlale utete ngomzalwana wako : umhlebe umta-ka-nyoko.

21 Uzenzile ezonto, ndati-tu ; waba ndinjengawe : ke ndiyakukohlwaya, ndiziwangaise emehlweni ako.

22 Kaniqonde oko, nina nimlibalayo u-Tixo : hleze ndiqwenge kungabikó uhlangulayo.

23 Onikela idini lombulelo uyandizukisa : alungise indlela endingambonisa kuyo usindiso luka-Tixo.

I-NDUMISO LI.

TARU, Tixo, ngokwenceba yako : ngokobuninzi benceba yako cima izigqito zam.

2 Ndihlambe kunene busuke ubugwenxa bam : undihlambulule esonweni sam.

3 Ngokuba ndiyazivuma izigqito zam : iscno sam sihleli sipambi kwam.

4 Kuwe, kuwe wedwa ndonile, ndenza okubi emehlweni ako : ukuze ube lilungisa ekuteteni kwako, ucace ekugwebeni kwako.

5 Yabona, ndazalelwa enkohlakalweni : ndakáulwa ngumá esonweni.

6 Yabona, utanda inyaniso entliziyweni : undazisa ubulumko engqondweni.

7 Ndihlambulule isono nge-hisope, ndihlambuluke : ndihlambe, ndibe mhlope kuneképu.

8 Ndivise imihlali nemivuyo : agcobe amatambo owatyumzileyo.

9 Sitelisa ubuso ezonweni zam : ubucime bonke ubugwenxa bam.

10 Dala pakati kwam intliziyo engewele, Tixo : uhlaziye umoya oqinisekileyo pakati kwam.

11 Zungandilahli ebusweni bako : u-Moya wako oyingewele ungamsusi kum.

12 Buyisela kum uvuyo losindiso lwako : undixáse ngomoya wentumekelelo.

13 Ndobafundisa abangendawo indlela zako : babuyele kuwe aboni.

14 Ndihlangule etyaleni lamagazi, Tixo, Tixo ondisindisayo : lomemelela ngobulungisa bako ulwimi lwam.

15 Wuvule umlomo wam, Nkosi : uvakalise indumiso yako.

16 Akutandi dini, ngendikunika lona : akutandi dini lakutshiswa.

17 Amadini ka-Tixo ngumoya owapukileyo : intliziyo eyapukileyo etyumkileyo akuyikuyidela, Tixo.

18 Yenzele okulungileyo i-Tsiyon ngokukólekileyo kuwe : yaká indonga ze-Yerusalem.

19 Wauyakukóliswa ngamadini obulungisa, namadini okutshiswa napéleleyo : babeyakunikela nenkabi esibingelelweni sako.

I-NDUMISO LII.

UQAYISELA nina, wena goṛa : ngenkohlakalo yako ?

2 Buhleli bukó nje : ububele buka-Tixo.

3 Ulwimi lwako lucinga intshabalaliso njengesitshetshe esiloliweyo : wena usebenzayo inkohliso.

4 Utanda okubi kunokulungileyo : nobuxoki kunokuteta ubulungisa.

5 Utanda onke amazwi ahlabayo : wena lulwimi lukohlisayo.

6 Naye u-Tixo uyakukudiliza kupéle : uyakukuxwila, akuncotule en-tenteni yako, akudonyule ezweni labapilileyo.

7 Abone amalungisa, oyike : amhleke, atsho ukuti,

8 Nanko umntu ongamenzanga igwiba lake u-Tixo : owatamba ubuninzi bobutyebi bake, wazomeleza enkohlakalweni yake.

9 Ke mna ndinjengomnquma oluhlaza endlwini ka-Tixo : nditemba inceba ka-Tixo ngonapakade.

10 Ndiyakubulela kuwe ngonapakade, kuba ukwezile oku : ndiyakutemba i-Gama lako, ngokuba lilungile, pambi kwentanda zako.

UM-TANDAZO WANGO-KUHLWA.

I-NDUMISO LIII.

SITE isidenge entliziyweni yaso : Akukó Tixo.

2 Basebenze okubi, balisikizi ngenkohlakalo yabo : akukó wenza okulungileyo.

3 U-Tixo esezulwini uqondele konyana babantu : ukubona ukuba ukó na oqiqayo, ofuna u-Tixo.

4 Bonke babuye ngomva, bancólile, bepélele : akukó wenza okulungileyo, akukó nokuba abe mnye.

5 Abanakwazi na abasebenzi bokungendawo : abati bebadla abantu bam, batl badla isonka, bangamnquli u-Tixo ?

6 Apo babesoyika, pofu bekungekó soyikiso : ngokuba u-Tixo wawati-sa amatambo alowo wakuṛaulayo ngomkosi, wabadanisa, ngokuba u-Tixo ebacekisile.

7 Akwaba bekuvela e-Tsiyon ukusindiswa kwama-Sirayeli : ekubuyiseni kuka-Tixo abantu bake eku-tinjweni,

8 Wogcoba u-Yakobi : avuye u-Sirayeli.

I-NDUMISO LIV.

TIXO, ndisindise nge-Gama lako : uligwebe ityala lam ngamandla ako.

2 Tixo, yiva umtandazo wam : wabekele indlebe amazwi omlomo wam.

3 Ngokuba abasemzini basukela pezulu kum : nabanobuncwangu banxamele umpefumlo wam ; abamisi u-Tixo pambi kwabo.

4 Yabona, u-Tixo ngumncedi wam : i-Nkosi ikwabasekela umpefumlo wam.

5 Uyakubuyisela ububi kwabandilalelayo : ngenyaniso yako ubabangise.

6 Ndiyakubingelela kuwe ngokuqútywa yintliziyo : ndiyakubulela kwi-Gama lako, NKOSI, kuba lilungile.

7 Ngokuba indihlangule embandezelweni yonke : iliso lam likubonile okwenziwe kwintshaba zam.

I-NDUMISO LV.

WUBEKELE indlebe umtandazo wam, Tixo : ungazifihli esikúngweni sam.

2 Ndipulapule undipendule : ndiyangqunga eku-camngceni kwam ndincwine ;

3 Ngenxa yelizwi lotshaba, ngenxa yokundinxizelela kwabangendawo : ngokuba banditululela ilishwa, bandisukela ngomsindo.

4 Intliziyo yam itunukele pakati kwam : izitúso zokufa zindiwele.

5 Ukoyika nokututumela kudingene : nokunkwantya kundigubungele.

6 Ndati, Andaba bendinamapiko njengehobe : bendiyakupapazela ndimke, ndipumle.

7 Bendiyakubalekela kude : ndihlale entlango.

8 Bendiyakukáuleza ndisinde : emoyeni ovutuzayo naseluwiteleni.

9 Tshabalalisa, Nkosi, yahlula ulwimi lwabo : ngokuba ndibone ukugonyamela nokubambana pakati komzi.

10 Imini nobusuku bajikeleza ezindongeni zawo : ubungendawo nokwapúla kupakati kwawo.

11 Ukweyelisela kupakati kwawo : endaweni yembuto yawo akusuki ukuxinezela nokukohlisa.

12 Ngokuba asilutshaba olu lundingcikovayo : bendiyakutwala oko ;

13 Asingonditiyileyo lo uzikúlisayo kum : bendiyakusitela kuye.

14 Nguwe mntu ubungumlingane wam : ikólwane lam endazana nalo.

15 Besivisisana kamnandi : saya endlwini ka-Tixo kunye nesihlwele.

16 Ukufa makubaqubule, mabehle baye kwelabafileyo bepilile : ngokuba ububi busemizini yabo pakati kwabo.

17 Mna ke ndinqula u-Tixo : i-NKOSI iyakundisindisa.

18 Ngokuhlwa, nakusasa, nasemini enkulu ndiyakuzibika ndincwine : iyakuliva izwi lam.

19 Iwukúlule umpefumlo wam unoxolo, ukuze bangasondeli kum : ngokuba babe baninzi abandicásayo.

20 U-Tixo uyakuva, abapendule ohleli elaula kwasepakadeni : abangenanguquko bengamoyiki u-Tixo.

21 Lomntu ubase izandla abaxolelene naye : uwapúle umnqopiso wake.

22 Wabutelezi njengamasi umlomo wake, ke yimfazwe intliziyo yake : abetambile amazwi ake ngapezu kwe-oli, kanti azintlangoti zezele.

23 Umtwalo wako wulahlele e-NKOSINI, yokuzimasa : ayiyikuliyekela ilungisa lishukunyiswe napa-kade.

24 Wena ke, Tixo : uyakubahlisela emnxunyeni wesihogo ;

25 Abantu bamagazi nenkohliso abayikugqiba nesiqingata semihla yabo : ke mna ndiyakutembela kuwe.

UM-TANDAZO WA-KUSASA.

I-NDUMISO LVI.

YIBA nofefe kum, Tixo, ngokuba abantu bendi-zonda : bandixinile besilwa yonke imini.

2 Abandilalelayo bandizonda yonke imini : ngokuba baninzi abalwa nam bezipakamisile.

3 Mhlana ndoyikayo : ndiyakutembela kuwe.

4 Ndiyakulidumisa ngo-Tixo ilizwi lake : nditembele ku-Tixo, andiyikoyika ; unokundenza nto-nina umntu ?

5 Yonke imini bayawapambanisa amazwi am : zingam zonke ingcinga zabo zobubi.

6 Bayaqukana, bazifihle : bayaqala ukuhamba kwam, bewulalela umpefumlo wam.

7 Bekohlakele nje bosinda na : zitobe ngomsindo izizwe, Tixo.

8 Izidungudelo zam uzibalile wena : yitá inyembezi zam entsubeni yako : azisencwadini yako na ?

9 Ziyakubuya ngomya ke intshaba zam mhlana ndibizayo : ndiyakwazi oku, ukuba u-Tixo unam.

10 Ndiyakulidumisa ngo-Tixo ilizwi lake : ndiyakulidumisa nge-NKOSI ilizwi layo.

11 Nditembele ku-Tixo, andiyikoyika : unokundenza nto-nina umntu ?

12 Zipezu kwam, Tixo, izibambiso zam : ndokuni-kela amadini okubulela.

13 Ngokuba uwuhlangule ekufeni umpefumlo wam : inyawo zam akuzigcinanga na, zingakubeki ? ukuba ndihambe pambi ko-Tixo ekukanyeni kobomi.

I-NDUMISO LVII.

YIBA nofefe kum, Tixo, yiba nofefe kum, ngokuba umpefumlo wam uziméle ngawe : ndosabela esitunzini samapiko ako, kude kudlule inxwaleko.

2 Ndiyakubizela ku-Tixo Opezu konke : kwa ku-Tixo ondifezelayo konke.

3 Uyakutuma esezulwini, andisindise : engcikiva nje ondizondayo.

4 U-Tixo uyakutuma inceba nenyano yake : ndolala pantsi, nakuba umpefumlo wam upakati kwengonyama.

5 Onyana babantu bangumlilo : amazinyo abo ayimikonto nentolo, ulwimi lwabo lulirele elibukáli.

6 Zipakamisele ngapezu kwamazulu, Tixo : lube pezu komhlaba wonke uzuko lwako.

7 Isibata basilungisele inyawo zam, umpefumlo wam bawutobile : bandimbéla isihogo, beyele kuso ngokwabo.

8 Izimasekile intliziyo yam, Tixo, izimasekile intliziyo yam : ndiyakuvuma, ndidumise.

9 Vuka, mpefumlo wam, vukani, luhadi nogwali : ndiyakusipangela isifingo.

10 Ndiyakubulela kuwe, Nkosi, pakati kwezizwe : ndikudumise pakati kwentlanga.

11 Ngokuba inkulu yada yaya emazulwini inceba yako : yada yesa esibákabákeni inyaniso yako.

12 Zipakamisele ngapezu kwamazulu, Tixo : lube pezu komhlaba wonke uzuko lwako.

I-NDUMISO LVIII.

YINENE na kodwa ukuba niteta ubulungisa, nina zikulu : nigweba ngokulunga onyana babantu ?

2 Hayi, entliziyweni yenu nisebenza okungendawo : ezweni nilinganisela ukugonyamela kwezandla zenu.

3 Abakohlakeleyo bapambukile kwasekuveleni

kwabó : bayapambuka kususela ekuzalweni kwabo, beteta ubuxoki.

4 Banobuhlungu obunjengobuhlungu benyoka : banjengenkwakwa ezenza isitulu, evingca indlebe zayo ;

5 Ukuze ingaliva izwi labanyangi : nelencibi zomabo.

6 Yapule amazinyo abo, Tixo, emilonyeni yabo : uwapule amabamba engonyama, NKOSI.

7 Mabagqite bemke, njengamanzi akáulezayo : bakutola ngentolo zabo mazinge zishunquke.

8 Mababe njengenkumbá ehamba inyibilika : nje-ngemfa-mbilini ezingazanga zibone ilanga.

9 Zingekafudunyezwa zintsasa imbiza zenu : uyakucita konke ngesaqwiti, inyama namalahle kunye.

10 Liyakuvuya ilungisa, lakuyibona impindezelo : liyakuzihlamba inyawo egazini longendawo.

11 Ati umntu, Inene, kukó umvuzo kolilungisa : inene, ukó u-Tixo ogwebayo emhlabeni.

UM-TANDAZO WANGO-KUHLWA.

I-NDUMISO LIX.

NDIHLANGULE ezintshabeni zam, Tixo wam : ndimise pezulu pezu kwabo bandisukelayo.

2 Ndihlangule kubasebenzi bokungendawo : ndisindise ebantwini bamagazi.

3 Ngokuba bewulalela umpefumlo wam : baqukana ngam abanamandla ; kungekó sigqito, NKOSI, kungekó sono kum.

4 Ndingenabugwenxa nje bagidima, baxóbe : vuka, undikáulele ubone.

5 Wena NKOSI, Tixo wemikosi, Tixo ka-Sirayeli, yima uzivelele zonke intlanga : ungabenzeli inceba abaqayo kuwe, bengabagqiti.

6 Bayabuya ngokuhlwa : bayavungama njengenja, bawuhambahambe umzi.

7 Nabo, bebodla ngomlomo ; ngamafele emilonyeni yabo : bati, Kuviwa ngubanina ?

8 Wena, NKOSI, uyakubahleka : uzigeulele zonke intlanga.

9 Wena mandla am, ndiyakulinda kuwe : kuba u-Tixo uyingqaba yam.

10 U-Tixo wam uyakundikáulela ngobubele bake : u-Tixo uyakundibonisa okwenziwe kwabandilalelayo.

11 Ungababulali, hleze balibale abantu bakowetu : babádulise ngamandla ako, ubawise pantsi, Nkosi, káka letu.

12 Isono somlomo wabo lilizwi abalitetayo : mababanjiswe lifatshi labo : nangenxa yokushwabula nobuxoki ababutetayo.

13 Bagqibe ngobushushu bako, bagqibe, bangabi sabikó : baqonde ukuba u-Tixo ngumlauli kwa-Yakobi, wesa ezipélweni zomhlaba.

14 Bayabuya ngokuhlwa : bayavungama njengenja, bawuhambahambe umzi.

15 Bayabádula befuna ukudla : bati, xa bengahlutanga, bagqibe ubusuku bonke.

16 Ke mna ndiyakuvuma ngamandla ako, ndimemelele ngobubele bako kwakusasa : kuba ubuyinqaba kum, nendawo endisabela kuyo ngemini yokubandezelwa kwam.

17 Mandla am, ndiyakukudumisa : ngokuba u-Tixo uyingqaba yam, engu-Tixo onenceba kum.

I-NDUMISO LX.

TIXO, usilahlile, wasicita : waba nomsindo ; ngamana wasibuyisa.

2 Uwunyikimisile umhlaba, waza wacandeka : pilisa intánda zawo, ngokuba ushukuma.

3 Ubabonisele abantu bako into elukuni : wasiseza i-wayine ehexisayo.

4 Ubanikile i-banile abakoyikayo : ukuba bayipakamise ngenxa yenyano.

5 Ukuze zihlangulwe intanda zako : sindisa ngesandla sako sokunene, undipendule.

6 U-Tixo utete ngobungwele bake; Ndivuyelela, ndicande i-Shekem : ndiyilinganisele intili yase-Sukoti.

7 Yeyam i-Giliyadi, ngowam u-Manase : u-Efrayim sisigcina-ntloko sam; u-Yuda yintonga yam yaulo.

8 U-Mowabi sisitya sam sokuhlambela; ndosiposa ku-Edom isihlangu sam : wena Filisiti, duma ngenxa yam.

9 Ngubanina oyakundisa emzini onqatyisiweyo : ngubanina owondikapela kwa-Edom ?

10 Akusilahlanga na, Tixo : akupumi, Tixo, nemi-kosi yetu.

11 Sincede kumbandezeli wetu : alunto yanto usindiso lwabantu.

12 Ngo-Tixo siyakweyisa : nguyeyakubagqusha ababandezeli betu.

I-NDUMISO LXI.

KUVE, Tixo, ukuhlhlamba kwam : wubekele indlebe umtandazo wam.

2 Ndiyakudanduluka kuwe ndisesipelweni somhlaba : ekutyafeni kwentliziyo yam.

3 Ndikapele eliweni elindinqabeleyo : ngokuba waba lihlati lam, inqaba eqinileyo pambi kotshaba.

4 Mandihlale en-tenteni yako ngonapakade : ndizimele ngesitê lamapiko ako.

5 Ngokuba wena, Tixo, uzivile izibambiso zam : ubanike ilifa abaloyikayo i-Gama lako.

6 Uyakongeza imihla emihleni yokumkani : iminyaka yake iyakuba njengezizukulwana ngezizukulwana.

7 Uyakuhlala e-troneni ngonapakade pambi ko-Tixo : ummisele inceba nyenyaniso, ukuba zimlondo-loze.

8 Kukona ndiyakulidumisa i-Gama lako ngonapakade : ndizizalise izibambiso zam imihla ngemihla.

UM-TANDAZO WA-KUSASA.

I-NDUMISO LXII.

ULINDELA ku-Tixo kwapela umpfumlo wam : kuvela kuye ukusindiswa kwam.

2 Nguyeyakwela iliwa lam, umsindisi wam, inqaba yam : andiyikushukunyiswa kakulu.

3 Kuninina nisuka indulumbane emntwini : nimpwisa nonke nipela enjengodonga oluzimkayo, enjengotango oluwayo.

4 Bagqibe kwelokuba bamtyale bamsuse ekupakameni kwake kupela, betanda ubuxoki : bayasikelela ngomlomo, kanti ngentliziyo bayaqalekisa.

5 Ziyekele ku-Tixo yedwa, mpfumlo wam : ngokuba livela kuye itemba lam.

6 Nguyeyedwa iliwa lam, nomsindisi wam, nehlati lam : andiyikushukunyiswa.

7 Kuno-Tixo ukusindiswa kwam nozuko lwam : liku-Tixo iliwa lokunqaba kwam, nehlati lam.

8 Tembeleni kuye ngamaxesha onke, nina bantu : tyilani intliziyo yenu pambi kwake, u-Tixo ulihlati kuti.

9 Bangumpunga kwapela onyana boluntu, ngamanga odwa onyana babantu : e-skaleni bangenyuka, bangumpunga bepela.

10 Ningakolosi ngokudl' abantu, ningaqayisi ngokupanga : bakwanda ubutyebi, ningabunyamekeli.

11 Inye into ayitetileyo u-Tixo; zimbini izinto endizivileyo : ukuti amandla ngaka-Tixo;

12 Nokuti inceba yeyako, Nkosi : ngokuba ubabuyekeza elowo ngokwezenzo zake.

I-NDUMISO LXIII.

TIXO, ungu-Tixo wam : ndiyakukufuna kwakusasa;

2 Umpefumlo wam unxanele wena, umzimba wam uyakulangazelela : ezweni elomileyo, elibafileyo, elingenamanzi.

3 Ndenjenjalo ukukangela kuwe engeweleni : ukuze ndibone amandla ako nobuqaqauli bako.

4 Ngokuba inceba yako ilungile ngapezu kobomi : umlomo wam uyakudumisa.

5 Ndiyakwenjalo ukukubonga logama ndihleliyo : ndipakamise izandla zam e-Gameni lako.

6 Umpefumlo wam uhluti ngokungati ngumongo namanqata : umlomo wam uyakudumisa ngelizwi lovuyelelo.

7 Ndakukukumbula emandlalweni wam : emilindweni yasebusuku ndicamanga ngawe.

8 Ngokuba waba luncedo kum : ndinokuvuyelela ndisetunzini lamapiko ako.

9 Umpefumlo wam utana-mbende nawe : isandla sako sokunene sindibambile.

10 Ke bona banxamele umpefumlo wam, ukuze bawutshabalalise : bayakutshona kwezizezantsi indawo zomhlaba.

11 Bayakucitelwa emandleni ecele : babe sisulu sempungutye.

12 Ke yena ukumkani uyakuvuyisa ngo-Tixo; bayakuqayisa bonke abo bafunga yena : ngokuba uya-kuvingcwa umlomo wabateta ubuxoki.

I-NDUMISO LXIV.

LIVE izwi lam, Tixo, ekukalazeni kwam : bu-londolozela ubomi bam kwizoyikiso zotshaba.

2 Ndisitilise egquguleni labanobubi : kwingxokolo yabasebenza ubungendawo.

3 Abalole njengecele ulwimi lwabo : batole ngentolo zabo, amazwi afafa;

4 Ukuba bamtole ogqibeleleyo besentsitelweni : bamtola ngesiqupe, bangoyiki.

5 Bayaziqinisela icebo elibi : bateta ngokufihla iziriintyelo; bati, bayakubonwa ngubanina?

6 Baceba ubugqweta, bati, Sigqibile icebo elihle : umxelo wabo bonke ngumhadi, kwa nentliziyo yabo.

7 Ke u-Tixo uyabatola ngotolo : bati ngesiqupe babe namanxeba.

8 Bayakutyekiswa, begwetywa lulwimi lwabo : bayahlunguzela intloko bonke abababonayo.

9 Basuke boyike bonke abantu; bawuxele umsebenzi ka-Tixo : bakuqike ukwenza kwake.

10 Liyakuvuyisa ilungisa nge-NKOSI, liziméle ngayo : baqayise bonke abantliziyo zite-tye.

UM-TANDAZO WANGO-KUHLWA.

I-NDUMISO LXV

INDUMISO ikulungele e-Tsiyon, wena Tixo : sizaliswa kuwe isibambiso.

2 Wena mpulapuli wemitandazo : luza kuwe uluntu lonke.

3 Zindoyisile izikohlakalo ezininzi : izigqito zetu uyakuzicima wena.

4 Hayi inyweba yalowo umnyulayo, umsondeze ukuba ahlale ezintendelezweni zako : tina ke masikoliswe kukulunga kwendlu yako, kwendawo engcwele ese-tempileni yako.

5 Usipendula ngezenzo ezoyikekayo ngobulungisa, Tixo osisindisayo : wena utenjwayo zizipélo zonke zomhlaba, nezolwandle olukude ;

6 Ulozinzisa intaba ngamandla ake : ewabinqile amandla.

7 Ulodambisa ukugquma kwelwandle, ukugquma kwamaza azo : nokuxokozela kwezizwe.

8 Baze boyike imiqondiso yako abemiyo ezipélweni zomhlaba : wena wenza ukuba kuvuyelelwe empumalanga nasentshonalanga.

9 Uwuvelele umhlaba, yapalala indyebó : uyawutyebisa kakulu.

10 Umlambo ka-Tixo uzele ngamanzi : ulungisa inqólówa yabo. kuba wenjenje ukuwulungisa umhlaba.

11 Uzalisa imisele yawo, unyakamisa imiqela yawo : uwutambisa ngemvula, usikelela ukucúma kwawo.

12 Uwutwesile umnyaka ngokulunga kwako : emkondweni wako kupalala ukutyeba ;

13 Kupalala emafiwini asentlango : nenduli zino-vuyo ngenxa zonke.

14 Amadlelo agutyungelwe yimihlambi : intili zihonjiswa ngenqólówa ; ziyaduma, ewe, ziyavuma.

I-NDUMISO LXVI.

DUMANI ku-Tixo, mhlaba wonke : dumisani uzuko lwe-Gama lake ; mzukiseni ngendumiso.

2 Yitini ku-Tixo, Hayi ukoyikeka kwemisebenzi yako : ngenxa yobukulu bamandla ako ziyakuzitobela kuwe intshaba zako.

3 Umhlaba wonke uyakukunqula : ukudumise, lidunyiswe i-Gama lako.

4 Yizani nibone imisebenzi ka-Tixo : engowoyikekayo ekwenzeni kwake kubantwana boluntu.

5 Waluguqula ulwandle lwaba ngumhlaba owomileyo : bawuwela umlambo ngenyawo ; apo savuya ngaye.

6 Ulolaula ngamandla ake ngonapakade ; amehlo ake ayaboniselela ezintlangeni : abanxaxayo mabangazipakamisi.

7 Mbongeni u-Tixo wetu, nina zizwe : nivakalise izwi lendumiso yake.

8 Ulomisa umpefumlo wetu ebomini : engavumi ukuba lutyibilike unyawo lwetu.

9 Ngokuba usicikidile, Tixo : wasinyibilikisa, nje-ngoko i-silvere inyibilikiswa ngako.

10 Wasingenisa elutanjeni : wabeka uxinezelo esi-nqeni setu.

11 Wenza ukuba sinyatelwe ngabantu : sacanda emlilweni nasemanzini ; waza wasikúpela endaweni enendyebó.

12 Ndiyakungena endlwini yako ndinamadini atshiswayo : ndiyakuzizalisa kuwe izibambiso zam, owazivulelayo umlomo wam, waziteta ndisembandezelweni.

13 Ndiyakukunika amadini emvana ezityebileyo, ndawonye neziqúmiso zenkunzi zegusha : ndiyakwenza awenkomo nawe-bokwe.

14 Yizani, nive, nonke nina bamoyikayo u-Tixo : udinixelele oko akwenzele umpefumlo wam.

15 Ndadanduluka kuye ngomlomo wam : kwaye kukó ukubonga elulwimini lwam.

16 Ukuba bendikangela inkohlakalo ngentliziyo yam : i-Nkosi ibingayikupulapula.

17 Okwenene u-Tixo upulapule : walibekela indlebe izwi lomtandazo wam.

18 Makabongwe u-Tixo, ongagxotanga umtandazo wam : ongabandezanga kum ububele bake.

I-NDUMISO LXVII.

NNGAMANA u-Tixo wasibabala inceba, wasisikelela : wasibonisa ukukánya kobuso bake.

2 Ukuze indlela yako yaziwe emhlabeni : usindiso lwako ezintlangeni zonke.

3 Izizwe mazikubulele, Tixo : zonke izizwe mazi-kubulele.

4 Intlanga mazivuye zimemelele : ngokuba uyakuzigweba izizwe ngokute-tye, uzilaule intlanga ezise-mhlabeni.

5 Izizwe mazikubulele, Tixo : zonke izizwe mazi-kubulele.

6 Umhlaba uyivelisile indyebayo yawo : u-Tixo, u-Tixo wetu, uyakusisikelela.

7 U-Tixo uyakusisikelela : zaziyakuti zonke izi-pélo zomhlaba zimoyike.

UM-TANDAZO WA-KUSASA.

I-NDUMISO LXVIII.

MAKAPAKAME u-Tixo, zicitacitwe intshaba zake : basabe ebusweni bake abamtiyayo.

2 Njengokupétshetwa komsi, mabapétshetwe bona : njengokunyibilika komtwebeba pambi komlilo, mabatshabalale abangendawo ebusweni buka-Tixo.

3 Ke wona amalungisa makavuye agcobe pambi ko-Tixo : ewe, makavuye abe nemihlali.

4 Vumani ku-Tixo, lidumiseni i-Gama lake : menzeleni umendo okwéla- ecanda intlango ; ngu-Yehova i-Gama lake ; vuyelelani pambi kwake.

5 Uyise wenkedama, umteteleli wabahlolokazi ngu-Tixo : ekáyeni lake elingewele.

6 U-Tixo ngohlalisa endlwini abebobodwa ; ngokúpela enywebeni ababanjiweyo : ngabanxaxáyo bodwa abahlala kwelibafileyo.

7 Tixo, ekupumeni kwako ubandulela abantu bako : ekucandeni kwako enkangala ;

8 Wanyikima umhlaba, lana imvula izulu ebusweni

buka-Tixo : i-Sinayi leya yanyikima ebusweni buka-Tixo, u-Tixo ka-Sirayeli.

9 Wanisa imvula enkulu ezweni, Tixo : walizimasa ilifa lako lakuxakeka.

10 Wahlala kóna umhlambi wako : wabalungisela abazintsizana ngobubele bako, Tixo.

11 I-NKOSI yakúpa ilizwi : waba mkulu umkosi wabavakalisayo indaba.

12 Okumkani benemikosi bayasaba nokusaba : osele ekáya uyawaba amaxóba.

13 Nolala pantsi na pakati kwentlanti : nixela amapiko ehobe alekelwe nge-silver, nentsiba zalo nge-golide ebengezelayo ?

14 Ekubaciteni u-Somandla okumkani : kwaba mhlope njengeképu e-Tsalimon.

15 Yintaba ka-Tixo intaba yase-Bashan : yintaba encopo zininzi intaba yase-Bashan.

16 Niyigxeleshela-nina, zintaba zincopo zininzi, intaba ayinqweneleyo u-Tixo ukuba ahlale kuyo : ewe, I-NKOSI iyakuhlala kuyo ngonapakade.

17 Inqwelo zika-Tixo ngamawaka angamashumi mabini, ngamawakawaka : i-Nkosi ipume e-Sinayi, yangena engweleni.

18 Unyuke waya pezulu, utimbe abatinjwa, wamkele izipó pakati kwabantu : ewe, pakati kwabangevayo, ukuba I-NKOSI u-Tixo ihlale kóna.

19 Mayibongwe i-Nkosi, etwala umtwalo wetu imihla ngemihla : ngu-Tixo umsindisi wetu.

20 Yena u-Tixo ngu-Tixo wosindiso kuti : kokwe-NKOSI u-Tixo ukukúpa ekufeni.

21 Kodwa u-Tixo uyakuyityumza intloko yentshaba zake : nokakayi lohambayo ngeziggito zake.

22 Yati i-Nkosi, Ndiyakubuyisa e-Bashan : ndibabuyise ezinzulwini zolwandle ;

23 Ukuze uluhlambe unyawo egazini : luti nolwimi lwezinja zako lube nesabelo salo ezintshabeni.

24 Bayabona ukuhamba kwako, Tixo : kwa ukuhamba ko-Tixo wam, ko-Kumkani wam engena engweleni.

25 Pambili ngabavumi, ngasemva ngababeti bohadl : bepahlwe zintombi ezibeta amagubu.

26 Ezintlanganisweni bongani u-Tixo i-Nkosi : nina basemtonjeni wakwa-Sirayeli.

27 Balapo o-Benjamin, umnci wabo, umpati wabo, inkosi zakwa-Yuda, iqela lazo : inkosi zakwa-Zebulon, inkosi zakwa-Nafetali.

28 Uté u-Tixo maube namandla : yomelela, Tixo, wena usisebenzeleyo use-tempileni yako.

29 Bayakunyuka beze e-Yerusalem okumkani : besiza neminikelo kuwe.

30 Kalimela ifamnwa lasezingcongolweni, umhlambi wenkunzi kunye namatole ezizwe, unyatela amaqosha abo e-silvere : zicite izizwe ezitand' imfazwe.

31 Kovela izikulu e-Yiputa : u-Kushe wozolulela msinya izandla zake ku-Tixo.

32 Nina mazwe omhlaba, vumani ku-Tixo : yidumiseni i-Nkosi ;

33 Ekwéla icanda emazulwini kwasepakadeni : ikupa izwi layo, izwi elinamandla.

34 Mnikeni amandla u-Tixo, bupezu ko-Sirayeli ubungangamsha bake : asesibakabakeni amandla ake.

35 Woyikeka, Tixo, ezingweleni zako : u-Tixo ka-Sirayeli ngobanika abantu amandla nokomelela. Makabongwe u-Tixo.

UM-TANDAZO WANGO-KUHLWA.

I-NDUMISO LXIX.

NDISINDISE, Tixo : ngokuba amanzi andifikele ada eza empefumlweni.

2 Nditshonile eludakeni olunzulu, akukó kuma : ndingene emanzini anzulu, umsinga uyandintywili-sela.

3 Ndidiniwe kudanduluka, womile umqala wam : apélile amehlo am, ndilindele ku-Tixo wam.

4 Abanditdiyayo kungekó sizatu baninzi ngapezu kwenwele zentloko yam : banamandla abandibangisayo, bezintshaba zam bexoka ; into endingayipanganga ndasuka ndayibuyisa noko.

5 Tixo, wena uyabazi ubudenge bam : izipóso zam azinakufihlwa kuwe.

6 Mabangadani ngam abakutembayo, Tixo, NKOSI yemikosi : mabangabi nahlazo ngam abakufunayo, Tixo ka-Sirayeli.

7 Ngokuba nditwele ingcikivo ngenxa yako : ihlazo libugqubutele ubuso bam.

8 Ndaba ngowasemzini kubazalwana bam : ndaba ngowolunye uhlanga kubantwana bakamá.

9 Ngokuba lindidlile ikwéle ngenxa yendlu yako : ingcikivo zabakungekivayo ziwe pezu kwam.

10 Ndakulila, ndisohlwaya umpefumlo wam ngokuzila ukudla : oko kwaba yingcikivo kum.

11 Ingubo zam zaba zezitwexayo : ndaba yinto yokuzekelisa kubo.

12 Bateta ngam abahleli esangweni : ndiyingoma yamanxila.

13 Ke mna nditandaza kuwe, NKOSI : ngexesha elikólekileyo.

14 Tixo, ngobuninzi benceba yako : ndipendule ngenyaniso yosindiso lwako.

15 Ndihlangule eludakeni, ndingatshoni : mandihlangulwe kwabanditdiyayo nasemanzini anzulu.

16 Mawungandintywiliseli umsinga wamanzi, ingandiginyi inzulu : mandingavalelwa esihogweni.

17 Ndipendule, NKOSI, ngokuba ilungile inceba yako : béka kum ngokobuninzi bezibele zako.

18 Ungasitelisi ubuso bako kumkonzi wako, ngokuba ndibandezekile : káuleza undipendule

19 Sondela empefumlweni wam, uwukúlule : ndikú-
lule ngenxa yentshaba zam.

20 Wena uyakwazi ukungeikivwa kwam, noku-
daniswa kwam, nokuhlazwa kwam : bapambi kwako
bonke abandibandezelayo.

21 Ingeikivo yapúla intliziyo yam, udapants'
ukufa : ndatamba ukukúzwa, akwabikò, nokututuze-
lwa, andakufumana.

22 Ukudla bandinika inyongo : bandiseza i-viniga
ekunxanweni kwam.

23 I-tafle yabo pambi kwabo mayibe ngungibe :
ibe sisirintyelo kwabahleli bonwabile.

24 Makabe mnyama amehlo abo, bangaboni : si-
hlale singcangazela isinqe sabo.

25 Bapalazele ngengqumbo yako : kubafikele uku-
vuta komsindo wako.

26 Ikáya labo malibe senkangala : kungahlali mntu
ezin-tenteni zabo.

27 Ngokuba bayamtshutshisa obetwe nguwe : ba-
nokole ngobuhlungu ababuvayo abo bahlatywe
nguwe.

28 Yongeza ubugwenxa ebugwenxeni babo : ba-
ngangeni ebulungiseni bako.

29 Mabacinywe enwadini yobomi : bangabálwa
namalungisa.

30 Ke mna ndiluzizana, ndiva ubuhlungu : usi-
ndiso lwako, Tixo, luyakundipakamisa.

31 Ndiyakulidumisa i-Gama lika-Tixo ngokuvuma :
ndimbonge ngokubulela.

32 Oko kuyakukòleka e-NKOSINI : ngapezu kwe-
nkomo enempondo nempupu.

33 Bakubona abalulamileyo, bovuya : nina ba-
mfunayo u-Tixo, intliziyo yenu mayipile.

34 Ngokuba i-NKOSI iyaweve amahlwempu : ayi-
badeli ababanjiweyo bayo.

35 Mayidunyiswe lizulu nomhlaba : lulwandle,
nento yonke ehambayo kulo.

36 Ngokuba u-Tixo uyakuyisindisa i-Tsiyon, ayaké
imizi yakwa-Yuda : bahlale kuyo abantu, bayime.

37 Ilidle ilifa inzala yabakonzi bake : bahlale kuyo
abalitandayo i-Gama lake.

I-NDUMISO LXX.

TIXO, káuleza undihlangule : NKOSI, káuleza undi-
ncede.

2 Mabadane babe nentloni abanxámele umpefumlo
wam : mababuye ngomva bahlazeke abavuyayo xa
ndinobubi.

3 Mababuye ngomva ngenxa yodano lwabo : abati,
Tshotsho, tshotsho.

4 Mababe nemihlali bavuye ngawe bonke abakufu-
nayo : abalutandayo usindiso lwako mabahlale besiti,
Makabongwe u-Tixo.

5 Ke mna, ndiluzizana ndilihlwempu : Tixo, káu-
leza uze kum.

6 Nguwe umncedi wam nomsindisi wam : unga-
libali, NKOSI.

UM-TANDAZO WA-KUSASA.

I-NDUMISO LXXI.

NDIZIMELA ngawe, NKOSI, mandingaze ndidani-
swe : ndihlangule ngobulungisa bako, undisize ;
nditobele indlebe yako, undisindise.

2 Yiba liliwa elilikáya kum, ndingene kulo ngama-
xesha onke : uté mandisindiswe, kuba uligwiba lam
nenqaba yam.

3 Tixo wam, ndihlangule esandleni songendawo :
esandleni sondipéte ngobumenemene, engenalusizi.

4 Ngokuba nguwe itemba lam : yi-NKOSI u-Tixo
otenjwe ndim kwasebuncinaneni bam.

5 Ndixáswe nguwe kwasekuveleni kwam : waba ngumncedi wam kwasekuzalweni kwam ; indumiso yam ingawe ngamaxsha onke.

6 Ndinjengesimanga kwabaninzi : ke wena ulihlati lam elinqabileyo.

7 Umlomo wam uyakuzaliswa yindumiso yako : ndikubonge imini yonke.

8 Ungandilahlil ngexesha lokwalupala : ungandishiyi akupéla amandla am.

9 Ngokuba ziteta ngam intshaba zam, nabalalala ubomi bam bayacebisana, besiti : U-Tixo umlahlile, msukeleni nimbambe, ngokuba akukó uhlangulayo.

10 Tixo, zungabi kude kum : Tixo wam, káuleza undincede.

11 Mabadane batshabalale abawucásayo umpefumlo wam : mabagqitywe yingcikivo nehlazo abanga bangandenzakalisa.

12 Ke mna, ndiyakuhlala ndinetemba : ndongeze endumisweni yako yonke.

13 Umlomo wam uyakubalisa ngemisebenzi yobulungisa bako neyosindiso lwako imini yonke : ngokuba ndingawazi amanani ayo.

14 Ndiyakuza ndibonga imisebenzi enamandla ye-NKOSI u-Tixo : ndiyakukankanya ubulungisa bako, bako wedwa.

15 Tixo, undifundisile kwasebuncinaneni bam : unangoku ndihlala ndiyixela imisebenzi yako ebalulekileyo.

16 Zungandishiyi, Tixo, ndakuba ndilixego ndinezimvi : ndide ndizixele izenzo zengalo yako kwisizukulwana esizayo, namandla ako kubo bonke abayakuvela.

17 Tixo, ubulungisa bako buye bafika pezulu ezulwini : wena uzenzayo into ezinkulu, Tixo, ngubanina onjengawe ?

18 Wena usibonisileyo imbandezelo ezininzi ezino-

bubi uyakubuya usipilise : ubúye usifole ezinzulwini zomhlaba.

19 Ngamana wandongezela ubukulu bam : ubuye wena unditutuzele.

20 Nam ndiyakubulela kuwe ngomrube, ndibulele inyaniso yako, Tixo wam : ndikudumise ngohadi, Wena Ngewele ka-Sirayeli.

21 Uyakumemelela umlomo wam, ndakukudumisa : nompefumlo wam owukúluleyo.

22 Nolwimi lwam luyakuxela ubulungisa bako imini yonke : ngokuba bedanile, benehlazo abanga bangandenzakalisa.

I-NDUMISO LXXII.

TIXO, mnike ukumkani imigwebo yako : mnike unyana wokumkani ubulungisa bako.

2 Uyakugweba ebantwini bako ngobulungisa : nakwabazintsizana zako ngentelekelelo.

3 Intaba zobatwalela uxolo abantu, kwa nenduli : ngabo ubulungisa.

4 Uyakugweba ityala labazintsizana : asindise abantwana bamahlwempu, amtyumze umbandezeli.

5 Bayakukoyika lonke ixesha kusahleli ilanga ne-nyanga : izizukulwana ngezizukulwana.

6 Uyakuhla njengemvula ehla pezu kotyani obusikiweyo : njengemvula ematontsi makulu emhlabeni.

7 Ngemihla yake ayakuhluma amalungisa : nobuninzi boxolo ide ingabi sabikó inyanga.

8 Makapáte ubukosi etabatela elwandle ase elwandle : etabatela kuwo um-Lambo ase ezipélweni zomhlaba.

9 Mabaqubude kuye abomi basentlango : zikóte utuli intshaba zake.

10 Mabati okumkani base-Tarshishe nabeziqiti batole i-fafu : bati okumkani base-Sheba nabase-Seba beze neminikelo.

11 Ewe, mabamtošele okumkani bonke : zimk-nze zonke intlanga.

12 Ngokuba uyakulihlangula ihlwempu elizibi-kayo : nolusizana, nongenaye umncedi.

13 Uyakubenzela inceba abasweleyo namahlwe-mpu : asindise imipefumlo yamahlwempu.

14 Akülule imipefumlo yawo ekuxinezelweni nase-kugonyamelweni : loba linqabile emehlweni ake igazi lawo.

15 Wanga angapila, anikwe i-golide yase-Sheba : mabahlale bemtandazela, bamsikelele imihla yonke.

16 Makubekò intabalala yenqólwa ezweni ise ezi-ncotsheni zentaba : ukuqama kwayo makufashaze njenge-Lebanon ; mabahlume emizini yabo njengemi-funo yomhlaba.

17 Malibe ngunapakade igama lake : lizinyaswe igama lake pantsi kwelanga ; zizisikelele ngaye zonke intlanga, ziti ngonetamsanqa.

18 Mayibongwe I-NKOSI u-Tixo, u-Tixo ka-Sirayeli : okupéla kowenzayo imimangaliso.

19 Malibongwe i-Gama lake elizukileyo ngonapa-kade : uzale wonke umhlaba luzuko lwake. Amen, Amen.

UM-TANDAZO WANGO-KUHLWA.

I-NDUMISO LXXIII.

ULUNGILE kwapéla u-Tixo ku-Sirayeli : kwaba-ntliziyo zinyulu.

2 Ke mna, bezipants' ukumka inyawo zam : kwa-fun' ukutyibilika ukunyatela kwam.

3 Ngokuba bendinekwele kubaqáyisayo : ndaku-bona uxolo lwabangendawo.

4 Ngokuba abanazintlungu : bapilile batyebile umzimba wabo.

5 Ebumini babantu abakò bona : abakatazwa nje-ngabanye abantu.

6 Ngako oko intamo yabo inxitywe ifatshi : bam-bate ukugonyamela ngokwengubo.

7 Intliziyo yabo ipupuma inkohlakalo : amabóngo entliziyo zabo apumela pandle.

8 Bahlalela ngentlamba, batete ngokubandezela, benobubi : bateta amazwi okukúkumala.

9 Bawubeka ezulwini umlomo wabo : ulwimi lwabo luhamba emhlabeni wonke.

10 Ngako oko abantu babo babuyela apa : bafince amanzi endebe ezeleyo.

11 Bati, Unokuti-nina ukwazi u-Tixo : kukò ukwazi na kuye Osenyangweni ?

12 Yabona, banjalo abangendawo ; bati besonwa-bile bandile ngokutyeba : ndati, Ndafumana ndayi-hlambulula intliziyo yam kanti, ndazihlamba kokum-sulwa izandla zam ;

13 Ndakatazeka imini yonke : ukohlwaywa kwam kwaba kokwemiso yonke.

14 Ukuba bendité, Ndiyakwenjenjalo ukuteta : ya-bona, ngendinginizile kwisizukulwana sabantwana bako.

15 Ndati ke ndakucinga ukuba ndikwazi oko : kwa-yinkohla emehlweni am ;

16 Ndada ndaya kungena engweleni ka-Tixo : ndakugqala ke ukupéla kwabo ;

17 Inene, uyabamisa ezindaweni ezibutelezi : uba-wise bayintshabalala.

18 Hayi ukupanziswa kwabo ngepanyazo : ba-pélile bagqityiwe kukoyika.

19 Njengepúpa ekuqabukeni komntu : ekuvukeni kwako, Nkosi, wowudela umfanekiso wabo.

20 Wabuhlungu umxélo wam : ndahlabeka entlizi-yweni.

21 Ndasityakala, ndingenakwazi : ndanjengesilo pambi kwako.

22 Mna ke ndihlala ndinawe : undibambile ngesandla sam sokunene.

23 Uyakundikápa ngecebo lako : unditabate emveni koku ndibe nozuko.

24 Ndinabanina ezulwini : ndinawe nje, akukó wumbi ndimtandayo emhlabeni.

25 Iyapéla inyama yam nentliziyo yam : iliwá lentliziyo yam, nesabelo sam ngu-Tixo ngonapakade.

26 Ngokuba abahlukana nawe bayakutshabalala : uyababangisa bonke abahenyuzayo bemke kuwe.

27 Mna ke, ukusondela ku-Tixo kulungile kum; udiyenza ihlati lam I-NKOSI u-Tixo : ukuze ndiyibalise yonke imisebenzi yako.

I-NDUMISO LXXIV.

YININA, Tixo, ukuba uhlale usilahlile : uqúme umsindo wako kwizimvu zedlelo lako ?

2 Likúmbule ibandla lako : olitengileyo kwakudala,

3 Olikúluleyo laba sisizwe selifa lako : intaba yase-Tsiyon ohleli kuyo.

4 Káunyatele uye kumanxuwa ahlala ehleli : kuko konke okuvikivwe lutshaba engweleni.

5 Abakucásayo baxokozele endlwini yokuhlangana : bamisa eyabo imiqondiso yayiyo eyimiqondiso.

6 Kwanga ngamadoda apéte amazembe : egaula imiti yehlati.

7 Bati ngoku yonke impahla eqoqiweyo : bayitiviti ngamazembe nangezando.

8 Bayifaka umlilo ingwelele yako : indawo elihleli kuyo i-Gama lako bayidyobile, bayiwisela emhlabeni.

9 Baté ezintliziyyweni zabo, Masibanyanzelele kupéle : bazitshisile zonke indawo zika-Tixo zokuhlangana ezweni apa.

10 Imiqondiso yetu asiyiboni ; akusekó m-profite : kuti akukó waziyo ukuba koda kuse pina kunjalo.

11 Koda kube ninina, Tixo, umbandezeli engcikiva : utshaba luhleli lugiba i-Gama lako ?

12 Usifinyezele-nina isandla sako, nesokunene sako : sifole esifubeni sako, ulutshabalalise.

13 Ke u-Tixo ngu-Kumkani wam kwakudala : esebenza usindiso pakati komhlaba.

14 Nguwe owahlula ulwandle ngamandla ako : owapúla intloko zengwenya emanzini.

15 Nguwe owatyumza intloko zengwenya : wazinika zakukudla kwabemiyo enkangala.

16 Nguwe owagqoboza yayimitombo, yayimilanjana : nguwe owomisa imilambo engatshiyo.

17 Yeyako imini, bobako nobusuku : nguwe owalungisa ukukánya nelanga.

18 Nguwe owamisa yonke imida yomhlaba : ihlobo, nobusika, nguwe owazidalayo ezonto.

19 Kukúmbule, NKOSI, ukungcikiva kotshaba : nokudelwa kwe-Gama lako sisizwe esinobudenge.

20 Zungalinikeli efamncweni ihobe lako : ungalhali ubulibele ubomi babazintsizana zako.

21 Béka emnqopisweni : ngokuba indawo ezinobunanyama zomhlaba zizele lugonyamelo nobuncwangu.

22 Abaxinezweyo mabangabuyi bedanile : makalidumise i-Gama lako olusizana nolihlwempu.

23 Yima, Tixo, ubambane nababambene nawe : kúmbula ukungcikiva kwesidenge yonke imini.

24 Ungalilibali izwi labakucásayo : ukungxola kwabavukelana nawe okuhlala kunyuka.

UM-TANDAZO WA-KUSASA.

I-NDUMISO LXXV.

SIYABULELA kuwe, Tixo : siyabulela kuwe,

2 Ngokuba lisondele i-Gama lako : babalisa imisebenzi yako ebalulekileyo.

3 Kwakufika ixesha elimisiweyo : mna ndogweba ngokulunga.

4 Uyetá amandla umhlaba nabo bonke abemi bawo : ke mna ndizizinzisile intsika zawo.

5 Ndití kubaqáyisi, Musan' ukuqáyisa : nakwabangendawo, Musan' ukupakamisa upondo.

6 Musan' ukulupakamisela pezulu upondo lwenú : ningateti ngokusa, nolule intamo.

7 Ngokuba uncedo aluveli empumalanga, nase-ntshonalanga : aluveli kóna entlango.

8 Hayi, ngu-Tixo ogwebayo : uyamtoba lo, ampakamise lowa.

9 Ngokuba indebe isesandleni se-NKOSI, ipupuma igwebu le-wayine : izele, ipitikeziwe, ati yena atulule kuyo ;

10 Inene, intlenga zayo : ziyakuselwa zifincwe ngabangendawo bonke bomhlaba.

11 Ke mna, ndiyakushumayela ngonapakade : ndiyakuvuma ku-Tixo ka-Yakobi.

12 Zonke impondo zabangendawo ndiyakuzinqumla : kodwa impondo zamalungisa ziyakupakanyiswa.

I-NDUMISO LXXVI.

WAZIWA kwa-Yuda u-Tixo : likulu kwa-Sirayeli i-Gama lake.

2 In-tente yake ise-Salem : nekáya lake lise-Tsiyon.

3 Wazapúla apo intolo zesapéta : ikáka, nefele, nezixóbo zemfazwe.

4 Unenkazimlo, unobungangamsha : ezintabeni ezinamaxóba.

5 Bapángiwe abantliziyo zilukuni, balele ubutongo babo bokugqibela : apélelwa ngamandla amafoti onke.

6 Ekukalimeni kwako, Tixo ka-Yakobi : kwasi-ndwa butongo inqwelo zokulwa namahashe.

7 Unguwena woyikekayo : wakuba nomsindo, ngubanina onokuma pambi kwako ?

8 Isigwebo wasivakalisa usezulwini : woyika umhlaba, wazola,

9 Ekusukeni kuka-Tixo ukuba agwebe : abasindise bonke abalulamileyo bomhlaba.

10 Ngokuba ubushushu babantu bosingisela ekudumiseni wena : uyakuwatintela amasalela obushushu.

11 Yenzani izibambiso, nizizalisekise e-NKOSINI u-Tixo wenu : bonke abamngqongileyo mabeze nezipó kofanele kukoyikwa.

12 Uyawunqumla umsindo wenkosi : uyoyikeka kokumkani bomhlaba.

I-NDUMISO LXXVII.

IZWI lam lisingisa ku-Tixo, ndikála : izwi lam lisingisa ku-Tixo, ukuba andibekele indlebe.

2 Ngemini yokubandezelwa kwam ndayifuna i-NKOSI : isandla sam solulwa ebusuku, asadinwa ; awavuma ukututuzeleka umpefumlo wam.

3 Ndikúmbula u-Tixo, ndincwine : ndicamanga nditandaza, utyafe umoya wam.

4 Uzibambile inkope zamehlo am, ndingaláli : ndaxakeka, andabi nakuteta.

5 Ndacinga ngemihla yamandulo : iminyaka yakúdala.

6 Ndatí, Ndokúmbula ebusuku indumiso yam : ndoteta nentliziyo yam ; waza umoya wam wapengulula, usiti,

7 Iyakulahla ngonapakade na i-NKOSI : ingabi sapinda ipáte ngetaú ?

8 Ipéle yapéla na inceba yayo : sigqibele na isitembiso sayo kwisizukulwana ngesizukulwana ?

9 U-Tixo ukulibele na ukuba nobubele : uyivingecele ngomsindo kusinina imfesane yake ?

10 Ndatí ke, Sisifo sam esi : ndosuka ndiyikúmbule iminyaka yesandla sokunene s-Osenyangweni.

11 Ndiyakuzikankanya izenzo ze-NKOSI : ndikúmbule imimangaliso yako yakudala.

12 Ndiyakucamanga ngako konke ukusebenza kwako : ndicamnge ngezenzo zako.

13 Tixo, isebungweleni indlela yako : ngubanina ongutixo omkulu njengo-Tixo wetu ?

14 Ungulo-Tixo wenza imimangaliso : wazazisa izizwe amandla ako.

15 Wabakúlula ngengalo yako abantu bako : onyana baka-Yakobi no-Yosefu.

16 Akubona amanzi, Tixo, akubona amanzi, axakeka : ewe, zangeangcazela inzulu.

17 Amafu apalala amanzi, isibákabáka savakalisa isandi : ewe, intolo zako zahambahamba.

18 Izwi lokududuma kwako laba sesaqwitini : imibane yalíkányisa elimiweyo ; lagungqa, lanyikima ihlabati.

19 Yaba selwandle indlela yako, nomendo wako wawusemanzini amakulu : awaziwa umkondo wako.

20 Wabakokela njengezimvu abantu bako : ngesandla sika-Moses no-Arone.

UM-TANDAZO WANGO-KUHLWA.

I-NDUMISO LXXVIII.

WUBEKELENI indlebe umyalo wam, bantu bam : watobeleni indlebe amazwi omlomo wam.

2 Ndiyakuwuvula umlomo wam ngomzekeliso : ndixele intsonkota zamaxesha akudala.

3 Esakuvayo sakwazi : abasibaliselayo obawo.

4 Asiyikubafihlela abantwana babo : sobalisela isizukulwana esizayo indumiso ze-NKOSI, namandla ayo, nemimangaliso eyenzileyo.

5 Ngokuba yamisa isinqiniso kwa-Yakobi, yabeka umyalelo kwa-Sirayeli : eyawumisela obawo, ukuba bawazise abantwana babo ;

6 Ukuze siwazi isizukulwana esizayo : abantwana abazakuzalwa ;

7 Basuke bababalisele : ababo abantwana.

8 Baze batembele ku-Tixo : bangazilibali izenzo zika-Tixo, bayibambe imiteto yake ;

9 Bangabi njengoyise, isizukulwana esingevayo esinenkani : isizukulwana esingalungisanga intliziyo yaso, esimoya unganyanisekanga ku-Tixo.

10 Onyana baka-Efrayim : bexóbile bezintoli ezinezapéta, bajika ngemini yemfazwe.

11 Abawugcinanga umnqopiso ka-Tixo : abavumanga ukuhamba ngomyalelo wake ;

12 Basuka balibala oko akwenzileyo : nemimangaliso awababonisayo.

13 Pambi koyise wenza ngokuncamisayo : ezweni lase-Yiputa, emhlabeni wase-Tsohan.

14 Waludabula ulwandle, wabaweza : wawamisa amanzi njengemfumba.

15 Wabakápa ngelifu emini : ngokukánya komlilo ubusuku bonke.

16 Walicanda iliwa entlango : wabaseza amanzi amaninzi ngati ngawenzulu.

17 Wavelisa imiqukuqela yamanzi etyeni : wahlisa amanzi njengemilambo.

18 Baqokela noko ukona kuye : nokumpikisa Opezu konke emqwebedini.

19 Bamlinga u-Tixo ngentliziyo yabo : ngokuyibizela inkanuko yabo ukudla.

20 Bateta ngo-Tixo, batl : Unako na u-Tixo ukulungisa ukudla entlango ?

21 Yabona, walibeta iliwa, abaleka amanzi, yakúkula nemilanjana : wobanako na nokubanika isonka, nokubalungiselela inyama abantu bake ?

22 Weva ke u-Tixo, waba nomsindo : watsha umlilo kwa-Yakobi, kwenyuka kwaya umsindo kwa-Sirayeli ;

23 Ngokuba bengakólwanga ku-Tixo : bengatembanga usindiso lwake.

24 Wasiwisela ke umteto isibákabáka pezulu : wazivula ingeango zezulu.

25 Wabanisela nge-mana ukuze badle : wabanika inqólowa yasezulwini.

26 Abantu badla isonka se-ngelosi : wabatumela ukudla bada bahluta.

27 Wandulula umoya wasempumalanga ezulwini : wawuqúba ngamandla ake umoya wase-Zantsi.

28 Wabahlisela inyama njengotuli : nentaka ezinamapiko njengentlabati yaselwandle ;

29 Wayiwisa pakati kweminquba yabo : ngenxa zonke ezin-tenteni zabo.

30 Badla, bahluta kakulu : ngokuba wabazisela oko bakukánukayo.

31 Bengekashenxi enkanukweni yabo, kusekò ukudla emlonyeni wabo, kwenyuka umsindo ka-Tixo waya kubo : wabulala pakati kwabatyebileyo babo, wawawisa amadodana akwa-Sirayeli.

32 Kuyo yonke lonto bahambisa ngokona : abakólwa yimimangaliso yake.

33 Wayipélisa ke imihla yabo njengompúnga : neminyaka yabo ngokukwánqisa.

34 Xa wati wababulala, bamfuna : babuya bamfuna u-Tixo ngenyameko.

35 Bakúmbula ukuba u-Tixo liliwa labo : nokuba u-Tixo Opezu konke ngumkúluli wabo.

36 Ke bamkohlisa ngomlomo wabo : bamxokisa ngolwimi lwabo ;

37 Ngokuba intliziyo yabo ayaqina kuye : abanyaniseka emnqopisweni wake.

38 Ke yena unemfesane : uxolela ubugwenxa, akatshabalalisi ;

39 Ubuyisa futi umsindo wake : akavutisi bonke ubushushu bake.

40 Wakúmbula ke ukuba bangabantu nje : bangu-moya omkayo, ongabuyiyo.

41 Kukangapina bempikisa entlango : bemenza buhlungu enkangala !

42 Babuya bamlinga u-Tixo : bamdanisa Oyingcwele wakwa-Sirayeli.

43 Abasikúmbula isandla sake : nemini awabakú-lula ngayo embandezelweni ;

44 Awamisa ngayo imiqondiso yake e-Yiputa : nezimanga zake emhlabeni wase-Tsohan.

45 Wayiguqula imijelo yabo yaba ligazi : ababi nakusela emilanjani.

46 Watumela kubo izibawu, zabadla : namasele, abatshabalalisa.

47 Izilimo zabo wazinika kumqikela : nokudla abakusebenzeleyo wakunika kwinkumbi.

48 Wagqiba ngesicòto imi-diliya yabo : nemikiwane yabo ngengqele.

49 Inkomo zabo wazibeta ngezicòto : nemihlambi yabo ngemibane.

50 Wababúqa ngokuvuta komsindo wake, ubuñalafume, nobushushu, nenkatazo : ibuto le-ngelosi zobubi.

51 Wawuvulela umsindo wake indlela, akawunqanda ekufeni umpefumlo wabo : wabunikela ke ubomi babo kwisifo esibúbisayo ;

52 Wababulala bonke abamazibulo e-Yiputa : ulibo lwamandla abo ezin-tenteni zakwa-Ham.

53 Ke abantu bake wabafudusa njengezimvu : wabaqúba njengomhlambi entlango.

54 Wabakápa begciniwe, bengenakoyika : ke zona intshaba zabo lwazigubungela ulwandle.

55 Wabazisa emdeni wake ongwele : kulentaba sayizuzayo isandla sake sokunene.

56 Wagxota intlanga pambi kwabo : wawabela izizwe zo-Sirayeli umhlaba ube lilifa ezilicandelweyo, wazihlalisa ezin-tenteni zazo.

57 Kodwa bamlinga bampikisa u-Tixo Opezu konke : abazigcina izingqiniso zake.

58 Babuya ngomva, batshiniza njengoyise : babéka ecaleni njengesapéta esikohlisayo.

59 Ngokuba bamqumbisa ngeziganga zabo : bame-nza waba nekwéle ngemifanekiso yabo eqingqiweyo.

60 Weva u-Tixo, wanomsindo : wamlahla mpela u-Sirayeli ;

61 Wayishiya indlu yase-Shilo : in-tente abeyimise pakati kwabantu ;

62 Wayinikela ityeya yake ekutinjweni : into yo-zuko lwake esandleni sentshaba.

63 Abantu bake wabanikela kwirele : waliqumbela ilifa lake.

64 Amadodana abo adliwa ngumlilo : intombi zabo azagcotyelwa.

65 Ababingeleli babo bawa ngefele : abahlolokazi babo ababanga nakulila.

66 Yaza i-Nkosi yavuka njengobelele : njengefoti elivuselelwe yi-wayine.

67 Yazoyisa intshaba zayo, zabuyiswa : yazenza ingcikivo engunapakade.

68 Yayicekisa in-tente yakwa-Yosefu : ayasinyula isizwe sakwa-Efrayim ;

69 Yanyula isizwe sakwa-Yuda : intaba yase-Tsiyon eyayitandayo.

70 Yayaká njengokupakama kwamazulu ingewe-le yayo : njengehlabati eli alisekileyo ngonapakade.

71 Yanyula u-Davide isicaka sayo : yamtabata ezibayeni zezimvu ;

72 Yamtabata ehamba nezimvu ezányisayo : ukuba abe ngumalūsi ka-Yakobi abantu bayo, ka-Sirayeli ilifa layo.

73 Wabalūsa ke ngentliziyo egqibeleleyo : waba-kápa ngokwazi kwezandla zake.

UM-TANDAZO WA-KUSASA.

I-NDUMISO LXXIX.

TIXO, intlanga zingene elifeni lako : ziyincólisile i-tempile yako engcwele ; i-Yerusalem ziyenze imiwewe.

2 Izidumbu zezicaka zako zizinike intaka zasendle ukuba zizidle : nenyama yentanda zako ziyinike amafamncwa elizwe.

3 Zilipalazile igazi labo njengamanzi ngenxa zonke e-Yerusalem : akwabikó ubancwabayo.

4 Senziwe ingcikivo kubamelwane betu : isigculelo nento yokuhlekisa kwabasingqongayo.

5 Koda kube ninina, NKOSI, uhleli uqumbile : livute njengomlilo ikwéle lako ngonapakade na ?

6 Palaza ubufalarume bako ezintlangeni ezingakwaziyo : nasezizweni ezingalinqulayo i-Gama lako.

7 Ngokuba zimdlile u-Yakobi : zalenza inxwa ikáya lake.

8 Ungakumbuli kuti ubugwenxa bamanyange etu, mayinxáme isikáulele imfesane yako : ngokuba sitoyiwe kakulu.

9 Sincede, Tixo, msindisi wetu, ngenxa yozuko lwe-Gama lako : sihlangule, uzicime izono zetu ngenxa ye-Gama lako.

10 Yinina ukuba intlanga ziti : Upina u-Tixo wabo ?

11 Makuti ukupindezelwa kwegazi lezicaka zako elipalaziweyo : kwazeke ezintlangeni emehlweni etu.

12 Makuze pambi kwako ukugcuma kwamakónxwa : ngokobukulu bamandla ako bakúlule abasi-tyekelwe kukufa.

13 Uyibuyisele kubamelwane betu kasixénxe esifubeni sabo : ingcikivo abakungcikive ngayo, Nkosi.

14 Ke tina bantu bako, zimvu zaluswa nguwe, siyakubulela kuwe ngonapakade : sibalise ngendumiso yako kwizizukulwana ngezizukulwana.

I-NDUMISO LXXX.

BEKA indlebe, wena Malūsi ka-Sirayeli, okāpa u-Yosefu njengomhlambi : zibonakalise, wena uhleli pezu kwe-kerubime.

2 Pambi ko-Efrayim no-Benjamin no-Manase : vusa amandla ako, uze kuisindisa.

3 Tixo, sibuyise : ukānyise ubuso bako, sisindiswe.

4 NKOSI, Tixo wemikosi : koda kube ninina upāta ngomsindo umtandazo wabantu bako ?

5 Ubadlise isonka senyembezi : wabaseza inyembezi ngokukulu.

6 Usenza into abaxabana ngayo abamelwane betu : intshaba zetu ziyasigculela ngokutanda kwazo.

7 Tixo wemikosi, sibuyise : ukānyise ubuso bako, sisindiswe.

8 Watabata um-diliya e-Yiputa : wagxota intlanga, wawutya ;

9 Wawuhlahlela indawo : wati wona wendelisa ingcambu, wazalisa ilizwe.

10 Zagutyungelwa intaba ngumtunzi wawo : nemi-sedare ka-Tixo ngamasebe awo.

11 Wasa amasebe awo elwandle : namagatya awo kuwo um-Lambo.

12 Uzityobozele-nina intango zawo : baze bawuké bonke abadlula ngendlela ?

13 Ingulube yasehlatini iyawubūqa : nento edakasa endle iyawudla.

14 Kāubuye, Tixo wemikosi, siyakutandaza : uqondele usezulwini, ubone, uwuvelele lo-mdiliya ;

15 Uwukūsele umti esawutyalayo isandla sako sokunene : nesebe owazihlumisela lona.

16 Utshisiwe ngimlilo, wagaulwa : kutshabalalisa ukutetisa kwako.

17 Isandla sako masibe pezu komntu oyintanda yako : pezu konyana womntu owamqinisa aze abe ngowako.

18 Size singagwiliki kuwe : sipilise, sinqule i-Gama lako.

19 NKOSI, Tixo wemikosi, sibuyise : ukānyise ubuso bako, sasiyakusindiswa.

I-NDUMISO LXXXI.

VUYELELANI ku-Tixo ongamandla etu : dumani ku-Tixo ka-Yakobi.

2 Hlabelani ingoma, nize negubu : uhadi olumnandi kunye nomfube.

3 Vutelani isigodlo ukutwasa kwenyanga : vutelani nxa ihlangene, ngemini yomtendeleko wetu.

4 Ngokuba ngummiselo lowo ku-Sirayeli : lisiko lika-Tixo ka-Yakobi.

5 Sisingqiniso awasimisayo kwa-Yosefu, ekucandeni kwake ezweni lase-Yiputa : ndeva inteto endingayaziyo.

6 Ndawususa umtwalo egxalabeni lake : izandla zake zasuswa ezingobozini zokutwala.

7 Wabizela kum usembandezelweni, ndaza ndakuhlangula : ndakupendula ndisefini elinendudumo ; ndakuvavanya emanzini ase-Meriba.

8 Ndati, Yivani, bantu bam, ndinqine kuni : Sirayeli, ukuba unokupulapula kum ;

9 Bekungayikubakō tixo wasemzini kuwe : ungaqubudi kutixo wolunye uhlanga.

10 Ndim I-NKOSI u-Tixo wako, owakukūpayo ezweni le-Yiputa : yakāmisa, ndiwuzalise umlomo wako.

11 Ke abantu bam abaliva izwi lam : u-Sirayeli akandivumanga.

12 Ndaza ndabanikela ebunqōleni bentliziyo zabo : ukuze bahambe ngawabo amaqinga.

13 Akwaba abantu bam babendiva : akaba u-Sirayeli ubehamba ngendlela zam ;

14 Bendiyakuzitoba kamsinya intshaba zake : ndibase isandla ababandezeli bake.

15 Abayitiyayo I-NKOSI babeyakuzitobela kuyo : libe ngunapakade ixesha lake.

16 Bendiya kumdlisa inqolowa etyebileyo : ndimhlutise ngobusi basemaweni.

UM-TANDAZO WANGO-KUHLWA.

I-NDUMISO LXXXII.

U-TIXO umi ebandleni lika-Tixo : ugweba epakati kwezipátamandla ;

2 Uti, Koda kube ninina nigweba ngobugqweta : namkele abantu abangendawo ?

3 Tetani ityala losweleyo nelenkedama : gwebelani olusizana nolihlwempu.

4 Sizani osweleyo nehlwempu : bahlanguleni esandleni sabangendawo.

5 Abazi, abaqondi, bahambahamba ebumnyameni : ziyashukuma zonke iziseko zomhlaba.

6 Ndité mna, Ningotixo : nonke ningonyana b-Opezu konke.

7 Noko niyakufa njengabantu : niwe njengomuye kubateteli.

8 Pakama, Tixo, gweba emhlabeni : ngokuba uyakuzidla ilifa wena zonke intlanga.

I-NDUMISO LXXXIII.

TIXO, ungati-cwaka : ungati-tu, ungazoli, Tixo.

2 Ngokuba nanzo intshaba zako zixokozela : abakutiyayo bapakamisa intloko.

3 Bagqugula amaqinga ngabantu bako : bacebisane ngabagcinwe nguwe.

4 Bati, Yizani sibanqumle bangabi luhlanga : lingabi sakunjulwa igama lika-Sirayeli.

5 Ngokuba bacebisana ngamxélo mnye : benza umnqopiso ngawe :

6 In-tente zakwa-Edom, nezakwa-Ishmayeli : ama-Mowabi nama-Hagari,

7 Ama-Gebali nama-Amon nama-Amaleki : ama-Filisti nabemi base-Tire ;

8 Ama-Asuri atélele kubo : bancedisana nabantwana baka-Loti.

9 Yenza kubo njengoko wenza ngako kuma-Midiyan : naku-Sisera, naku-Yabin emlanjeni oyi-Kishon ;

10 Abati bona batshabalala e-Endore : baba ngumgquba wokugalelwa emhlabeni.

11 Wenze amanene abo abe njengo-Orebe no-Zebe : zonke inkosi zabo zibe njengo-Zeba no-Tsalimuna ;

12 Bona bati, Masizihlute zibe zezetu : zonke izindlu zika-Tixo.

13 Tixo wam, benze babe njengesaqwiti : njengomququ opétshetwe ngumoya.

14 Njengomlilo ogqiba ihlathi : njengedangatye elitshisa intaba ;

15 Yenjenjalo ukubasukela ngoqwitela lwako : ubakwánqise ngomoya wako ovutuzayo.

16 Buzalise ubuso babo ngehlazo : balifune i-Gama lako, NKOSI.

17 Mabadane bakwánqiswe ngonapakade : babe nentloni, batshabalale ;

18 Ukuze bazi ukuba wena wedwa o-Gama lingu-Yehova : usenyangweni pezu komhlaba wonke.

I-NDUMISO LXXXIV.

HAYI ukutandeka kwezindlu zako : wena NKOSI yemikosi !

2 Umpefumlo wam ulangazelela, uyapéla kukulangazelela intendezezo ze-NKOSI : intliziyo yam nyenya yam zigcobeke ku-Tixo opilileyo.

3 Intakana ifumene ikáya, inkonjane izifumanele indlu, apo izalela kóna amatóle ayo : kwa izibingelelo zako, NKOSI yemikosi, Kumkani wam, Tixo wam.

4 Hayi inyweba yabahlala endlwini yako : bayakuhlala bekubonga.

5 Hayi inyweba yomntu omandla akuwe : okumbula umendo oya e-Tsiyon.

6 Bepumele entilini ebafileyo, bayenze ibe nemitombo : ewe, imvula iyivatisa ngamatamsanqa.

7 Baya besomelela ngokomelela : babonakale bonke pambi ko-Tixo e-Tsiyon.

8 Nkosi, Tixo wemikosi, yiva umtandazo wam : wubekele indlebe, Tixo ka-Yakobi.

9 Kangela, Tixo, kaka letu : bukangele ubuso bontanjiswa wako.

10 Inene, imini enye endlwini yako : ilungile kune-waka.

11 Ndingaba ndingumgcini-mnyango endlwini ka-Tixo wam : kunokuhlala ezintenteni zenkohlakalo.

12 Ngokuba i-NKOSI u-Tixo ililanga ilikaka : i-NKOSI inika ufefe nozuko ; ayiyikubavimba nto ilungileyo abahamba ngokufezekileyo.

13 Wena NKOSI yemikosi : hayi inyweba yomntu otembele kuwe !

I-NDUMISO LXXXV.

NKOSI, waba netafu kwilizwe lako : ubuyisile abantinjwa baka-Yakobi.

2 Ubuxolele ubugwenxa babantu bako : uziselele zonke izono zabo.

3 Uwufinyezile wonke umsindo wako : wabuya ekuvuteni komsindo wako.

4 Sibuyise, Tixo, Msindisi wetu : uyisuse ingqumbo yako kuti.

5 Uyakusiqumbela ngonapakade na : uvutise umsindo wako kuzo zonke izizukulwana ?

6 Akuyikubuya na, usipilise : baze abantu bako bavuye ngawe ?

7 Sibonise ububele bako, NKOSI : usipe usindiso lwako.

8 Mandive oko ayakukuteta u-Tixo, i-NKOSI : kuba uyakuteta uxolo kubantu bake nakwintanda zake ; mabangabuyeli ke ebudengeni.

9 Inene, usindiso lwake lusondele kwabamoyikayo : ukuze luhlale uzuko lwake ezweni lakowetu.

10 Kuhlangene inceba nenyano : kwangene ubulungisa noxolo.

11 Inyaniso iyantshula emhlabeni : ubulungisa buqondele busezulwini.

12 I-NKOSI yona iyakusinika okulungileyo : liti ilizwe letu livelise indyebo yalo.

13 Ubulungisa buyakuhamba pambi kwake : buwenzela amanyatela ake abe yindlela yokuhanjwa.

UM-TANDAZO WA-KUSASA.

I-NDUMISO LXXXVI.

TOBABA indlebe yako, NKOSI, undipendule : ngokuba ndilusizana ndiluhlwempu.

2 Wugcine umpefumlo wam, ngokuba ndiyintanda yako : msindise, wena Tixo wam, umkonzi wako lo utembele kuwe.

3 Nkosi, yiba nofefe kum : ngokuba ndidanduluka kuwe yonke imini.

4 Wuvuyise umpefumlo womkonzi wako : kuba umpefumlo wam ndiwupakamisela kuwe, Nkosi.

5 Ngokuba ulungile wena, Nkosi, uhlalel' ukuxolela : umkulu ngobubele kubo bonke ababizela kuwe.

6 Wubekele indlebe umtandazo wam, NKOSI : ulipulapule izwi lokutafuzisa kwam.

7 Ngemini yokubandezelwa kwam ndiyakubizela kuwe : uyakundipendula ke.

8 Akukho unjengawe, Nkosi, pakati kotixo : akukho zenzo zinjengezako.

9 Zonke intlanga owazenzayo ziyakuza ziqubude pambi kwako, Nkosi : zizukise i-Gama lako.

10 Ngokuba umkulu, wenza imimangaliso : ungu-Tixo wena wedwa.

11 Ndiyalele, NKOSI, indlela yako, ndihambe nge-nyaniso yako : yibandakanye intliziyo yam, ukuba ndiloyike i-Gama lako.

12 Ndiyakubulela kuwe, Nkosi Tixo wam, ngentli-ziyo yonke : ndilizukise i-Gama lako ngonapakade.

13 Ngokuba bukulu ububele bako kum : wawuhla-ngula umpefumlo wam kwelabafileyo.

14 Tixo, abanefatshi basukele pezulu kum : iban-dla labanobuncwangu linxâmele ubomi bam, aku-kâtaaleleki wena emehlweni abo.

15 Ke wena, Nkosi, ungu-Tixo onemfesane, ono-fefe : ozeka kâde umsindo, omkulu ngenceba nenyani-so.

16 Ndibêke, ube nofefe kum : mpé amandla ako umkonzi wako, umsindise unyana womkonzazana wako.

17 Ndenzele umqondiso wokulungileyo, bawubone abanditayayo, badane : kuba wena, NKOSI, undince-dile, wandituzela.

I-NDUMISO LXXXVII.

USEKO alusekileyo lusezintabeni ezingewele : I-NKOSI iyawatanda amasango e-Tsiyon ngapezu kwayo yonke imizi yakwa-Yakobi.

2 Kutetwa into ezizukileyo ngawe : wena sixeko sika-Tixo.

3 Ndiyakukankanya u-Rahabe ne-Babeli : bengabo bandaziyo ;

4 Bonani i-Filisti, ne-Tire, kunye ne-Kushe : lc wazalelwa kôna.

5 Nangayo i-Tsiyon kuyakutiwa, Lo naló wazalelwa kuyo : abe yena Opezu konke eyizinzisa.

6 I-NKOSI iyakubala ekuzibâleni izizwe : iti, Lo wazalelwa kôna.

7 Baze abavuyayo ngokuvuma nangokududa bati : Yonke imitombo yam ikuwe.

I-NDUMISO LXXXVIII.

NKOSI, Tixo wam, emini ndazibika kuwe, nasebu-suku safikelela kuwe isikâlo sam : mawuze pambi kwako umtandazo wam, toba indlebe yako ekuhlahlambeni kwam.

2 Ngokuba umpefumlo wam uzele zizinto ezimbi : ubomi bam busondele encwâbeni.

3 Ndibalelwe kwabahla baye emhadini : ndaba nje-ngomntu ongenamandla.

4 Ndilahliwe pakati kwabafileyo, njengababule-weyo belele encwâbeni : ongasabakumbuliyo, bengasekó esandleni sako.

5 Undibeke emhadini ongapantsi : ezindaweni ezi-mnyama, ezinzulwini.

6 Ubushushu bako bundishicilele : undibandezele ngawo onke amaza ako.

7 Ubashenxisele kude kum abo ndazana nabo : undenze ndalisikizi kubo.

8 Ndivalelwe : andinako ukupuma.

9 Iliso lam liyapêla zintsizi : ndidanduluka kuwe, NKOSI, imihla yonke, ndizolulele kuwe izandla zam.

10 Abafileyo uyakubenzela na imimangaliso : kuyaku-vuka izitunzela kusinina, zibulele kuwe ?

11 Kungabaliswa enwâbeni na ububele bako : nokunyaniseka kwako kwelabafileyo ?

12 Yaziswa ebumnyameni na imisebenzi yako ebalulekileyo : nobulungisa bako apo kulityalwa konke ?

13 Ke mna, NKOSI, ndizibika kuwe : kwakusasa umtandazo wam wokuhlangabeza.

14 Uwulahlela-nina, NKOSI, umpefumlo wam : ubusitelise ubuso bako kum ?

15 Ndibandezelwe, ndiyinto efayo kwasebuncinani bam : nditwele izitúso zako, lindikóhlike.

16 Kugqite pezu kwam ukuvuta kwengqumbo yako : izidandatekiso zako zindibángisile.

17 Zindingqongile njengamanzi imini yonke : zindijikelezile kwapéla.

18 Intanda zam nabalingane bam ubakwélelise kude kum : endaweni yezihlobo zam bubumnyama bodwa.

UM-TANDAZO WANGO-KUHLWA.

I-NDUMISO LXXXIX.

NDIYAKUHLALA ndivuma ngezibele ze-NKOSI : ndiyakwazisa ukutembeka kwako ngomlomo wam kuzo zonke izizukulwana.

2 Ngokuba ndité, Iyakuqiniseka ngonapakade inceba : ukutembeka kwako uyakukuzinzisa emazulwini.

3 Wena uté, Ndenze umnqopiso nomnyulwa wam : ndifungile ku-Davide isicaka sam ;

4 Ndiyakuyizimasa ngonapakade inzalo yako : ndiyimise i-trone yako kwisizukulwana ngesizukulwana.

5 Amazulu ayakudumisa imimangaliso yako, NKOSI : nokutembeka kwako ebandleni labangewe.

6 Ngokuba ngubanina esibákabákéni olingana ne-NKOSI : ngubanina ofana ne-NKOSI pakati konyana baka-Tixo ?

7 U-Tixo ungowokungcangcazelelwa ebúngeni lengelosi : ungo fanelwe kukoyikwa ngapezu kwabo bonke abamngqongileyo.

8 NKOSI, Tixo wemikosi, ngubanina onamandla njengawe : ukutembeka kwako kukungqongile.

9 Nguwena mlauli weratshi lolwandle : ekupakameni kwamaza alo uyawadambisa.

10 Nguwena mtyumzi ka-Yiputa njengobuleweyo : wazicita intshaba zako ngengalo yako eqinileyo.

11 Lelako izulu, ukwangowako umhlaba : nguwe owalisekayo elimiweyo nenzaliseko yalo.

12 Um-Ntla nom-Zantsi wadalwa nguwe : i-Tabore ne-Hermon zimemelela nge-Gama lako.

13 Yeyako ingalo enamandla : somelele isandla sako, sipakamile esokunene sako.

14 Ummiso we-trone yako bubulungisa noku-gwebwa : inceba nenyano zimi pambi kwako.

15 Hayi inyweba yabantu abakwaziyo ukuduma ngovuyo : bahamba ekukányeni kobuso bako, NKOSI.

16 Bagcoba nge-Gama lako imini yonke : bapakaniswa ngobulungisa bako.

17 Ngokuba isihombo samandla abo nguwe : ekusitandeni kwako upondo lwetu luyakupakanyiswa.

18 Ngokuba likuyo i-NKOSI ikáka letu : ukuye Oyingewe ka-Sirayeli ukumkani wetu.

19 Waká wateta ngombono kubangewe bako, wati : Ndimpátisile onamandla igunya lokunceda, ndipakamise onyuliweyo ebantwini.

20 Ndifumene u-Davide isicaka sam : ndimtambisile nge-oli yam engewe ;

21 Soqiniseka kuye isandla sam : iti ingalo yam imomeleze.

22 Utshaba aluyikumqubula : nonyana wobugqweta akayikumcinezela.

23 Ndiyakubaqoba pambi kwake ababandezeli bake : ndibabulale abo bantiyayo.

24 Inyaniso yam nenceba yam iyakuba naye : luyakupakama upondo lwake nge-Gama lam.

25 Ndiyakusisa elwandle isandla sake : nesokunene sake kwimilambo.

26 Yena uyakundibiza esitl, Ungu-Bawo : u-Tixo wam, neliwa lokundisindisa.

27 Mna ke ndiyakumenza owamazibulo : abe pezu kokumkani bomhlaba.

28 Ndiyakumgecinela inceba yam ngonapakade : uti umnqopiso wam uqiniselwe kuye.

29 Ndiyakuyimisa ngonapakade inzalo yake : ne-trone yake njengemihla yezulu.

30 Ukuba bate abantwana bake bawulahla umyalelo wam : abahamba ngamasiko am ;

31 Ukuba bate bayihlambela imimiselo yam : abayigcina imiteto yam ;

32 Ndoluvelela ureqo lwabo ngentonga : nobugwenxa babo ngemivumbo.

33 Ke yona inceba yam andiyikuyisusa kuye : ndingatshitshi ekutembekeni kwam ;

34 Andiyikuwuhlambela umnqopiso wam : ndiyijike into epumē emlonjeni wam.

35 Ndabufunga kwakanye ubungewele bam : ndatl, Inene, andiyikumkohlisa u-Davide.

36 Inzalo yake iyakubakò ngonapakade : ne-trone yake njengelanga pambi kwam.

37 Iyakuqiniseka njengenyanga ngonapakade : nje-ngenqina elitembekileyo ezulwini.

38 Ke wena umcekisile, umlahlile : umpéte ngomsindo umtanjiswa wako.

39 Uwudelile umnqopiso wesicaka sako : usidyo-bile wasikáhlela pantsi isitsaba sake.

40 Uzityobozile zonke intango zake : uzenze inxawa inqaba zake.

41 Bayampánga bonke abadlula ngendlela : waba yingcikivo kubamelwane bake.

42 Usipakamisile isandla sokunene sabambandezelayo : uzivuyisile zonke intshaba zake.

43 Walubuyisa uhlangoti lwefele lake : akwammisa emfazweni.

44 Ulucimile uzuko lwake : uyikáhlele emhlabeni i-trone yake.

45 Imihla yobutsha bake uyunqumle : wamambatisa ngokudana.

46 Koda kube ninina, NKOSI, uyakuzisitelisa : uvute njengomlilo umsindo wako ngonapakade na ?

47 Kumbula ukuba futshane kwexesha lam : ubadalele-nina baba yinto engento bonke abantwana babantu ?

48 Nguwupina ohleliyo ongayikukubona ukufa : enokusindisa umpefumlo wake emandleni enwaba ?

49 Zipina izibele zako zangapambili, Nkosi : owamfungela zona u-Davide ngokutembeka kwako ?

50 Kumbula, Nkosi, ukungcikiveka kwezicaka zako : nokutwala kwam entliziyweni ingcikivo zezizwe ezininzi ;

51 Ezati intshaba zako, NKOSI, zangcikiva ngazo : zingcikiva amanyatela omtanjiswa wako.

52 Mayibongwe I-NKOSI : kude kube ngunapakade. Amen.

UM-TANDAZO WA-KUSASA.

I-NDUMISO XC.

NKOSI, ulikáya letu : izizukulwana ngezizuku-lwana.

2 Kungekazalwa ntaba, ungekavelisi hlabati nazwe limiweyo : kususela kwasepakadeni kude kuse epakadeni ungu-Tixo wena.

3 Umbuyisela umntu elutulini : uti, Buyani, bonnyana babantu.

4 Ngokuba iwaka leminyaka emehlweni ako linjengemini yezolo xa idlulayo : linjengomlindo wasebusuku.

5 Uyabakúkúlisha, banjengobutongó : ngengomso banjengencá ehlumayo.

6 Kusasa iyatyatyamba, ibuye ihlume : ngokuhlwa iyasikwa, yome.

7 Ngokuba siyapela ngumsindo wako : sikwanqiswe bubushushu bako.

8 Ububeke ubugwenxa betu pambi kwako : nezono zetu zangasese uzibeke ekukanyiseleni kobuso bako.

9 Ngokuba yonke imihla yetu isangene ngomsindo wako : siyipelise iminyaka yetu njengencwina.

10 Imihla yeminyaka yetu iseminyakeni engamashumi asixenxe; ukuba site somelela, ibe ngamashumi asibizo : liti iqayiya layo libe kukwapuka nenkatazo, kuba ipela kamsinya, simke singabi sabikó.

11 Ngubanina owaziyo amandla onisindo wako nobulalafume bako : ngoko ufanele ukoyikwa ngako ?

12 Sazise kanye ukuyibala imihla yetu : ukuze sizuze intliziyo elumkileyo.

13 Buya, NKOSI, koda kube ninina : uzohlwaye ngenxa yabakonzi bako.

14 Sikólise kwakusasa ngenceba yako : simemelele sivuye yonke imihla yetu.

15 Sivuyise ngokwemihla owasicinezela ngayo : ngokweminyaka esabona ububi ngayo.

16 Mayibonakale kubakonzi bako imisebenzi yako : nobungangamsha bako kubantwana babo.

17 Ububele be-NKOSI u-Tixo wetu mabube pezu kwetu : zimasa, Tixo, izenzo zezandla zetu pezu kwetu, izenzo zezandla zetu uzizimase zona.

I-NDUMISO XCI.

OHLELI esiteni l-Osenyangweni : ikaya lake lise-
mtunzini ka-Somandla.

2 Ndiyakuti e-NKOSINI, Hlathi lam, mboniselo yam : Tixo wam, enditembela kuye.

3 Kuba nguye oyakukhlangula emgibeni womtiyeli : nakwisifo esibubisayo.

4 Wokugubungela ngentsiba zake, uzimele pantsi kwamapiko ake : inyaniso yake iyakuba likaka kuwe.

5 Akuyikoyikiswa zitiso zasebusuku : nalutolo lutolwa emini ;

6 Nandyikitya yakufa ihamba ebunmyameni : nasifo sibubisayo sibuka emini enkulu.

7 Kungawa iwaka ecaleni kwako, neshumi lamwaka ngasekunene kwako : kodwa kungasondeli nto kuwe.

8 Wokangela ngamehlo ako odwa : ubonele ukubuyezekwa kwabangendawo.

9 Ngokuba nguwe, NKOSI, ihlathi lam : umenze Opezu konke ikaya lako ;

10 Akuyikuhlelwa bubi : kungafiki sibeto ententeni yako.

11 Ngokuba i-ngelosi zake uziwisele umteto ngawe : ukuba zikugcine ezindleleni zako zonke.

12 Zikutwale ngezandla zazo : hleze ubeteke ngonyawo lwako etyeni.

13 Wonyatela pezu kwengonyama nenyushu : ingonyama entsha nenamba uyinyashe ngenyawo.

14 Ngokuba enditandile ndomsiza : ndimpakamise, ngokuba elazile i-Gama lam.

15 Wobizela kum, ndimpandule : ndoba naye embandezelweni ; ndomhlangula, ndimzukise ;

16 Ndimanelise ngento emenzi yemihla : ndimbonise ukusindisa kwam.

I-NDUMISO XCII.

KULUNGILE ukubulela e-NKOSINI : ukudumisa i-
Gama lako, wena Usenyangweni ;

2 Ukuyixela kwakusasa inoeba yako : nenyano yako ebusuku,

3 Ngowentambo ezilishumi nangomfube : nango-hadi lusitsho kalusizi.

4 Ngokuba undivuyisile, NKOSI, ngomsebenzi wako : ndomemelela ngezenzo zezandla zako.

5 Hayi ukuba zikulu kwezenzo zako, NKOSI : zinzulu kakulu ingcinga zako.

6 Osityakala akanakwazi : isidenge asikuqondi oku ;

7 Ekuhlumeni kwabangendawo njengotyani, eku-cumeni kwabasebenza inkohlakalo, kukuze batsha-balale ngonapakade : ke wena, NKOSI, upezu konke ngonapakade.

8 Ngokuba intshaba zako, NKOSI, inene, intshaba zako ziyakutshabalala : bayakucitacitwa bonke abase-benza inkohlakalo.

9 Kanti upondo lwam ulupakamisile njengolwe-nyati : ndigalelwe i-oli entsha.

10 Iliso lam libonele okwenziwe kwintshaba zam ezindilalelayo : indlebe zam zivile ngabandisukelayo, bengabenzi bobubi.

11 Amalungisa ayakuhluma njengesundu : akule njengom-sedare wase-Lebanon.

12 Bemiliswe nje endlwini ye-NKOSI : bayaku-hluma ezintendelezweni zo-Tixo wetu.

13 Bayakucuma besebenzimvi : bayakuba betye-bile, beluhlaza ;

14 Kukuze baxele ukuba i-NKOSI ilungile : ililiwa lam, kungekó kungalungisi kuyo.

UM-TANDAZO WANGO-KUHLWA.

I-NDUMISO XCIII.

I-NKOSI ingu-Kumkani ; izambatise ubunganga-msha : i-NKOSI yazambatisa, izibinqise amandla.

2 Lizinzile ke elimiweyo : alinakushukunyiswa.

3 I-trone yako izinzile kwakudala : kwasepakadeni ukó wena.

4 Imilambo ipakamisile, NKOSI, imilambo ipakamise izwi layo : imilambo ipakamise isandi sayo.

5 Ngapezu kwezandi zamanzi amaninzi anamandla, ngapezu kwamaza olwandle : inobungangamsha i-NKOSI epezulu.

6 Izingqiniso zako, NKOSI, ziqinisekile kunene : ubunge-wele buyifanele indlu yako ngonapakade.

I-NDUMISO XCIV.

TIXO wempindezelo, NKOSI : Tixo wempindezelo, zibonakalise.

2 Zipakamise, Mgwebi womhlaba : babuyisele impáto yabo abanefatshi.

3 NKOSI, koda kuba ninina abangendawo : kuninina abangendawo bevuyelela ?

4 Bapololoza, bateta ngokusa : bonke abenzi bobubi bazipáta ngeratshi.

5 Batyumza abantu bako, NKOSI : bacinezela ilifa lako.

6 Babulala umhlokokazi nowasemzini : bancinita nenkedama.

7 Batí ke, Ayiboni i-NKOSI : akagqali u-Tixo ka-Yakobi.

8 Qondani, nina bazityakala ebantwini : nina zidenge, noda niqonde ninina ?

9 Omilisele indlebe, akayikuva na : obumbe iliso, akayikukangela na ?

10 Umtetisi wentlanga akayikohlwaya na : engofundisa abantu ukwazi ?

11 I-NKOSI iyazazi ingcinga zabantu : kuba bangu-mpúnga wodwa.

12 Hayi inyweba yomntu omtetisayo, NKOSI : omfundisayo ngomyalelo wako ;

13 Ukuba umzolise emihleni yobubi : ade ambélwe isihogo ongendawo.

14 Ngokuba I-NKOSI ayiyikubalahla abantu bayo : ingalishiyi ilifa layo.

15 Ngokuba umgwebo uyakubuya udibane nobulungisa : bawulandele bonke abantliziyo zite-tye.

16 Ngubanina oyakumelana nabanobubi ngenxa yam : ngubanina oyakumelana nabasebenza inkohlakalo ngenxa yam ?

17 Ukuba I-NKOSI ibingandinceedanga : umpfumlo wam unge uhle msinya, waya apo kutiwa-cwaka.

18 Ukuba nditl, Unyawo lwam luyatyibilika : isuka inceba yako, NKOSI, indixáse.

19 Ekupazameni kwam zingcingane ezininzi : intatuzelo zako ziwuyolisa umpfumlo wam.

20 Ingaqélana nawe na i-trone yentshabalaliso : eqinga ububi ngommiselo ?

21 Bahlanganyela umpfumlo welungisa : bali-gwebe igazi elingenatyala.

22 Kanti ke I-NKOSI yayinqaba kum : u-Tixo wam waba liliwa endiziméla ngalo.

23 Uyakubuyisela kubo inkohlakalo yabo, ababá-ngise ngobubi babo : iyakubabángisa I-NKOSI, u-Tixo wetu.

UM-TANDAZO WA-KUSASA.

I-NDUMISO XCV.

YIZANI siculele I-NKOSI : sigcobebe kwiliwa losindiso lwetu.

2 Masize pambi kwayo sinombulelo : sigcobebe kuyo ngamaculo.

3 Ngokuba I-NKOSI ingu-Tixo omkulu : ingu-Kumkani omkulu pezu kwabo bonke otixo.

4 Inzulu zomhlaba zisesandleni sake : nencopo zentaba zezake.

5 Ulwandle lolwake, walwenza : nezandla zake zawubumba umhlaba owomileyo.

6 Yizani, masiqubude siwe pantsi : siguqe pambi kwe-NKOSI u-Mdali wetu.

7 Ngokuba ngu-Tixo wetu yena : tina singabalúswa nguye, sizigusha zesandla sake.

8 Namhla, ukuba ninokuliva izwi lake ! Musan' ukuzenza lukuni intliziyo zenu : njengomhla wempikiswano, mini nandilingayo entlango.

9 Oko bandilingayo oyihlo : bandicikida, bewubona umsebenzi wam.

10 Iminyaka emashumi mane ndaruquka sesisizukulwana, ndatl : Ngabantu abapambukayo ngentliziyo, abazazi indlela zam.

11 Ndada ndafunga ndinomsindo, ndatl : Abasayikungena ekupumleni kwam.

I-NDUMISO XCVI.

VUMANI e-NKOSINI ingoma entsha : vumani e-NKOSINI, mhlaba wonke.

2 Vumani e-NKOSINI, bongani i-Gama layo : shumayelani imini ngemini indaba ezilungileyo zosindiso lwayo.

3 Balisani ezintlangeni uzuko lwayo : nemimangaliso yayo ezizweni zonke.

4 Ngokuba inkulu I-NKOSI, yeyokudunyiswa kune : iyoyikeka yona ngapezu kotixo bonke.

5 Ngokuba bonke otixo bezizwe abanto zanto : I-NKOSI yona yenza amazulu.

6 Bubungamsha nobukulu pambi kwayo : ngamandla nokuhomba engeweleni yayo.

7 Yimikeni I-NKOSI, nina mizalwane yezizwe : yimikeni I-NKOSI uzuko namandla.

8 Yimikeni I-NKOSI uzuko lwe-Gama layo : zisani iminikelo, nize ezintendelezweni zayo.

9 Qubudani e-NKOSINI, nivete ezingwele : tutu-melani pambi kwayo, mhlaba wonke.

10 Yitini ezintlangeni, I-NKOSI ingu-Kumkani : lizi-nzile ngoko elimiweyo, alinakushukunyiswa ; iyaku-gweba pakati kwezizwe ngobulungisa.

11 Malivuye izulu, ugcobe umhlaba : malugqume ulwandle, nenzaliseko yalo.

12 Malivuye ilizwe, nento yonke ekulo : ize yonke imiti yehlati imemelele pambi kwe-NKOSI,

13 Ngokuba isiza ; isiza kugweba elimiweyo : iya-kugweba elimiweyo ngobulungisa, nezizwe ngokunya-nisa kwayo.

I-NDUMISO XCVII.

I-NKOSI ingu-Kumkani, mawugcobe umhlaba : ma-bavuye abeziqiti ezininzi.

2 Ngamafu nesitokotoko ngenxa zonke kuyo : bu-bulungisa nokugweba ummiso we-trone yayo.

3 Kuhamba umlilo pambi kwayo : utshisa intshaba zayo ngenxa zonke.

4 Yakanyisa elimiweyo imibane yayo : wabonela umhlaba, watutumela.

5 Intaba zanyibilika njengomtwebeba pambi kwe-NKOSI : pambi kwe-Nkosi yomhlaba wonke.

6 Amazulu axela ubulungisa bayo : zilubone uzuko lwayo zonke izizwe.

7 Mabadaniswe bonke abakonza imifanekiso equ-ngqiweyo, abaqayisa ngento ezingento : qubudani kuyo, nonke nina botixo.

8 Yeva yavuya i-Tsiyon : zagcoba intombi zakwa-Yuda, ngenxa yezigweba zako, NKOSI.

9 Ngokuba nguwe, NKOSI, osenyangweni pezu ko-mhlaba wonke : upakanyiswe kunene ngapezu kotixo bonke.

10 Nina nitanda I-NKOSI, kutiyeni okubi : iyayi-

gcina imipefumlo yentanda zayo ; izihlangule esan-dleni sabangendawo.

11 Ukukanya kuwavelele amalungisa : novuyo lubavelele abantliziyo inyanisekileyo.

12 Vuyani nge-NKOSI, nina malungisa : nibulele kwi-Gama layo elingwele.

UM-TANDAZO WANGO-KUHLWA.

I-NDUMISO XCVIII.

VUMELANI I-NKOSI ingoma entsha : ngokuba yenze imimangaliso.

2 Isandla sayo sokunene, nengalo yayo engwele : iyizuzele uloyiso.

3 I-NKOSI ilwazisile usindiso lwayo : ubulungisa bayo ibutyilile emehlweni entlanga.

4 Ikumbule inceba yayo nokunyaniseka kwayo kwindlu ka-Sirayeli : zonke izipelo zomhlaba zilubonile usindiso lo-Tixo wetu.

5 Vumelani I-NKOSI, nonke nina mihlaba : culani, nimemelele ngovuyo, nidumise.

6 Yibeteleni I-NKOSI uhadi : uhadi nelizwi lendu-miso.

7 Ngamaxilongo nangezwi lesigodlo : dumani pambi kwe-NKOSI u-Kumkani.

8 Malugqume ulwandle nenzaliseko yalo : elimi-weyo nabemi balo.

9 Imilambo mayibete izandla, nentaba zimemelele kunye pambi kwe-NKOSI : ngokuba isiza kugweba umhlaba.

10 Iyakugweba elimiweyo ngobulungisa : nezizwe ngokulungileyo.

I-NDUMISO XCIX.

I-NKOSI ingu-Kumkani ; ziyangcangazela izizwe : ihleli ngapezu kwe-kerubime ; uyashukuma umhlaba.

2 I-NKOSI inkulu e-Tsiyon : ipakamile ngapezu kwelizwe zonke.

3 Mababulele kwi-Gama lako elikulu eloyikekayo : ung-Oyingewele yena.

4 Amandla okumkani atanda umgwebo ; nguwe ozimasile ubulungisa : nguwe owenze umgwebo nobulungisa kwa-Yakobi.

5 Yipakamiseni I-NKOSI u-Tixo wetu : niqubude pambi gawe-situlo senyawo zayo ; ung-Oyingewele yena.

6 O-Moses no-Arone pakati kwababingeleli bake, no-Samuweli pakati kwabalingulayo i-Gama lake : babizela e-NKOSINI, yabapendula ke yona.

7 Wateta kubo esemqulwini welifu : bazigcina izinqiniso zake, nommiselo awabanika wona.

8 NKOSI, Tixo wetu, nguwe owabapendulayo : waba ngu-Tixo oxolelayo kubo, waba ngumpindezeli wentlondi zabo.

9 Yipakamiseni I-NKOSI u-Tixo wetu, niqubude entabeni yayo engewele : ngokuba ingewele I-NKOSI u-Tixo wetu.

I-NDUMISO C.

GCOBELANI I-NKOSI, mhlaba wonke : yikonzeni I-NKOSI nivuya, nize pambi kwayo nine-ngoma.

2 Yazini ukuba I-NKOSI ingu-Tixo yona : nguywe owasenzayo, singabake tina ; singabantu bake, negusha zedlelo lake.

3 Ngenani emasangweni ake nibulela, ezintendelezweni zake nidumisa : bulelani kuye, nilincome i-Gama lake.

4 Ngokuba I-NKOSI inomsa, itafu layo lingunapakade : ukunyaniseka kwayo kukwizizukulwana ngezizukulwana.

I-NDUMISO CI.

NDIYAKUVUMA ngenceba nomgwebo : ndidumise wena, NKOSI.

2 Ndiyakunyamekela : indlela yengqibelelo ;

3 Uyakuza ninina kum : ndiyakuhlala endlwini yam ngengqibelelo yentliziyo.

4 Andiyikubeka nto ilisikizi pambi kwamehlo am ; nditiyile izenzo zobugwenxa : into enjalo ayiyikunamatela kum.

5 Intliziyo enamamenemene iyakumka kum : into embi andiyikuyazi.

6 Omhlebayo ummelwane wake ngasese : lowo ndiyakumbangisa.

7 Omehlo anefatshi, ontliziyo ikukumeleyo : lowo andiyikumnyamezela.

8 Amehlo am akangela abanyanisekileyo ezweni : ukuze bahlale nam.

9 Ohamba ngendlela yengqibelelo : lowo woba ngumkonzi wam.

10 Owenza inkohliso akayikuhlala endlwini yam : oteta ubuxoki akayikuma pambi kwamehlo am.

11 Imini ngemini ndiyakubabangisa bonke abakohlakeleyo belizwe : ukuze ndibanqumle emzini we-NKOSI bonke abasebenza ubungendawo.

UM-TANDAZO WA-KUSASA.

I-NDUMISO CII.

NKOSI, wuwe umtandazo wam : kufike kuwe ukuzibika kwam.

2 Ubuso bako ungabusitelisi kum ngemini yokubandezelwa kwam : nditobele indlebe yako ; ngemini endidanduluka ngayo kauleza undipendule.

3 Ngokuba iyapela imihla yam njengomsa : ati amatambo am avute njegeziko.

4 Ibetwe yoma njengotyani intliziyo yam : ngokuba ndilibele nokudla isonka sam.

5 Ngenxa yezwi lokugcuma kwam : amatambo am atshele enyameni yam.

6 Ndifana nengwangube entlango : ndinjengesi-kôva sasemanxuweni.

7 Andilali, ndinjengentaka : eyodwa pezu kwen-
ndlu.

8 Imini yonke ziyandingcikiva intshaba zam : abagezela kum bayandituka.

9 Ngokuba ndidile ututu njengesonka : into endiyiselayo ndiyipitikeze nenyembezi,

10 Ngenxa yobufalafume nomsindo wako : ngokuba undifunqule wandilahla.

11 Imihla yam injengamatunzi okuhlwa : ndiyabuna njengotyani.

12 Ke wena, NKOSI, uhleli ngonapakade : i-Gama lako likwizizukulwana ngezizukulwana.

13 Nguwe oyakuma uyipâte i-Tsiyon ngemfesane : selilixesha lokuba ube nobubele, ngokuba lifikile ixesha elimisiweyo.

14 Ngokuba izicaka zako ziyawatanda amatye ayo : ziba nosizi ngenxa yenkunkuma yayo.

15 Intlanga zona ziyakuloyika i-Gama le-NKOSI : nokumkani bonke bomhlaba boyike ubuqaqauli bayo ;

16 Ngokuba I-NKOSI iyakile i-Tsiyon : ibonakele ebuqaqaulini bayo ;

17 Iwubékile umtandazo wabazintsizana : ingawudelanga umtandazo wabo.

18 Oko kuyakubálelwa isizukulwana esizayo : abantu abazakudalwa bayakuyidumisa I-NKOSI.

19 Ngokuba iqondele isendaweni yayo engewele : I-NKOSI isezulwini yondela emhlabeni ;

20 Ukuba ikuve ukugcuma kwabakonxiweyo : ibakúlule abasemgcipekweni wokufa ;

21 Ukuze babalisele e-Tsiyon nge-Gama le-NKOSI : nangendumiso yayo e-Yerusalem ;

22 Zakuhlanganisana izizwe, nezikumkani : ukuba zikonze I-NKOSI.

23 Yena uwatobile endleleni amandla am : wayifinyeza imihla yam.

24 Ndiyakutí, Tixo wam, ungandisusi pakati kwemihla yam : ikwizizukulwana ngezizukulwana iminyaka yako.

25 Wawuseka kudala umhlaba : amazulu angumsebenzi wezandla zako.

26 Ziyakutshabalala ezonto, wena ke ume : zona zonke ziyakonakala njengengubo ;

27 Woziguqula njengesambato, ziguqulwe ke : kanti wena ungokôyo, iminyaka yako ayiyikuba nasipêlo.

28 Abantwana bezicaka zako bayakuhlala : iti inzalo yabo izimaseke pambi kwako.

I-NDUMISO CIII.

YIBONGE I-NKOSI, mpefumlo wam : ilibonge i-Gama layo into yonke engapakati kwam.

2 Yibonge I-NKOSI, mpefumlo wam : ungazilibali zonke izincedo zayo ;

3 Uloxelela bonke ubugwenxa bako : ulopilisa zonke izifo zako ;

4 Ulokúlula ubomi bako esihogweni : akutwese inceba nemfesane ;

5 Lo uwuzalisayo umlomo wako ngento ezilungileyo : buhlaziyeke ubutsha bako njengobexálanga.

6 Yi-NKOSI umenzi wobulungisa nezigwebo : ngenxa yabaxinezweyo bonke.

7 Indlela zayo yazixela ku-Moses : nezenzo zayo kubantwana baka-Sirayeli.

8 Inemfesane, inobubele I-NKOSI : izeka kade umsindo, inkulu ngenceba.

9 Ayiyikuhlala itetisa : ayiwugcini umsindo ngonapakade.

10 Ayenzanga kuti ngokwezono zetu : ayisipátanga ngokobugwenxa betu.

11 Ngokuba njengokupakama kwezulu pezu komhlaba : kunjalo ubukulu benceba yayo kwabayoyikayo ;

12 Kunjengokuba kude kwempumalanga entshonalinga : ukuzikwélelisa kwake kuti izigqito zetu.

13 Kunjengokusikwa yimfesane koyise kubantwana : ukusikwa yimfesane kwe-NKOSI kwabayoyikayo.

14 Ngokuba iyakwazi yona ukudalwa kwetu : ikumbula ukuba silutuli.

15 Hayi umntu, injengotyani imihla yake : njengentyantambo yasendle kunjalo ukutyatyamba kwake.

16 Xa ute umoya wadlula kuyo, ayibikò : ingabi sazana nayo indawo yayo.

17 Ke yona inceba ye-NKOSI ikwabayoyikayo kususela epakadeni kude kuse epakadeni : nobulungisa bayo bukubantwana babantwana ;

18 Kwabawugeinayo umnqopiso wayo : kwabazikumbulayo iziyalezo zayo ukuba bazenze.

19 I-NKOSI iyizinzisile ezulwini i-trone yayo : ubukumkani bayo bulaula into yonke.

20 Yibongeni I-NKOSI, nina zi-ngelosi zayo, nina nigqitisele ngamandla : nisenza ilizwi layo, nipulapula izwi lomteto wayo.

21 Yibongeni I-NKOSI, nonke mikosi yayo : nina bakonzi bayo, benzi bokutanda kwayo.

22 Yibongeni I-NKOSI, nonke misebenzi yayo, ezindaweni zonke zokulaula kwayo : yibongeni I-NKOSI, wena mpefumlo wam.

UM-TANDAZO WANGO-KUHLWA

I-NDUMISO CIV.

YIBONGE I-NKOSI, mpefumlo wam : NKOSI, Tixo wam, umkulu kakulu ; wambete ubungangamsha nobuhandiba.

2 Ulowambete ukukanya njengengubo : ulowaneka amazulu njengelengalenga len-tente ;

3 Ulomisa emanzini intsika zesibákabáka : ulowenza amafu inqwelo yake, ahambe ngamapiko omoya ;

4 Ulowenza izitunywa zake imimoya : abakonzi bake umlilo olenyayo.

5 Wawumisa umhlaba pezu kweziseko zawo : ukuba ungabi nakushukunyiswa napakade.

6 Wawugubungela ngamanzi enzulu njengesambato : ema amanzi ngapezu kwentaba.

7 Ekukalimeleni kwako asaba : ezwini lendudumo yako abaleka ngokunkwantya.

8 Kwenyuka intaba, kwehla intlambo : aya amanzi kulandawo ubuwamisele yona.

9 Wamisa umda ukuba angegqiti : angabuye awugungele umhlaba.

10 Ulotuma imitombo iye ezihlanjeni : ihamba pakati kwentaba ;

11 Iseza zonke inyamakazi zasendle : amaqwaqa aqabala inxano lawo.

12 Kuhlala pezu kwayo intaka zasendle : zicula pakati kwamasebe.

13 Ulonyakamisa intaba ngemvula yakumagumbi ake apezulu : uhluti umhlaba ziqámo zezenzo zako.

14 Ulontshulisela inkomo utyani : nemifuno yokunceda abantu ;

15 Ukuze kupume isonka emhlabeni, ne-wayine yokuvuyisa intliziyo yomntu : ne-oli ekazimlisa ubuso, nesonka sokuxása intliziyo yomntu.

16 Imiti ye-NKOSI ihluti nayo : kwa imi-sedare yase-Lebanon eyayityalayo ;

17 Apo zakéla kóna intaka : ingwamza, isemikó-beni indlu yayo.

18 Intaba zona ezipakamileyo zezamagogo : amawa ayaqaba yembila.

19 Inyanga wayenza ibe yeyamaxsha amisiweyo : ilanga liyakwazi ukutshona kwalo.

20 Wenza ubumnyama, kube sebusuku : apume ngabo onke amařamncwa ehlati.

21 Ingonyama ezintsha zigqumela into edliwayo : zifuna ukudla kwazo ku-Tixo.

22 Lakupuma ilanga, ziyemka kunye : ziye kubutuma ezindaweni zazo.

23 Ati umntu apume aye emsebenzini wake : nasekukonzeni kwake, kude kuhlwe.

24 Hayi ukuba zininzi izenzo zako, NKOSI : zonke zipéla uzenze ngobulumko ; uzele umhlaba zizidalwa zako.

25 Naluya ulwandle, lukulu, lubanzi : kulapo zikóna izinto ezihambayo ezingenakubalwa, izinto ezipilileyo, ezinkulu nezincinane.

26 Kulapo kuhamba inqanawa : kwa nomnenga, owawudalela ukuba udlale kulo.

27 Zonke ezonto zipéla zikangela kuwe : ukuba uzinike ukudla kwazo ngexesha elililo.

28 Uyazinika, zicóle : uyasivula isandla sako, zihlute kokulungileyo.

29 Uyabusitelisa ubuso bako, zisuke zotúswe : uyawususa umpefumlo wazo, ziti-bānga, zibuyele elutulini lwazo.

30 Utuma umoya wako, ziyadalwa : ubuhlaziye ubuso bomhlaba.

31 Uzuko lwe-NKOSI maluhlale ngonapakade : I-NKOSI mayivuye ngezenzo zayo.

32 Ulobéka emhlabeni, uzamazame : ulocúkumisa intaba, ziqúme ke.

33 Ndiyakuvuma e-NKOSINI logama ndidla ubomi : ndiyakumdumisa u-Tixo wam ekubeni ndingokóyo.

34 Ukucamanga kwam makwamkeleke kuye : mna ke, ndiyakuvuya ngayo I-NKOSI.

35 Mabagqitywe emhlabeni aboni, bangabi sabikó abangendawo : yibonge I-NKOSI, wena mpefumlo wam. Haleluya.

UM-TANDAZO WA-KUSASA.

I-NDUMISO CV.

BULELANI e-NKOSINI, livakaliseni i-Gama layo : yazisani ezizweni izenzo zayo.

2 Vumani kuyo, niyidumise : xoxani ngemisebenzi yake wonke ebalulekileyo.

3 Qáyisani nge-Gama layo elingcwele : mayivuye intliziyo yabayifunayo I-NKOSI.

4 Nxámelani I-NKOSI namandla ayo : funani ubuso bayo ngamaxesha onke.

5 Kúmbulani imisebenzi yayo ebalulekileyo eyayenzayo : izimanga zayo, nezigwebo zomlomo wayo ;

6 Nina nzala ka-Abraham, umkonzi wayo : bonyana baka-Yakobi, eningabanyulwa bayo.

7 Yi-NKOSI u-Tixo wetu yena : zisemhlabeni wonke izigwebo zake.

8 Ukúmbula ngonapakade umnqopiso wake : ilizwi awalimisela iwaka lezizukulwana ;

9 Kwa umnqopiso awawenzayo no-Abraham : nesi-fungo awasifungelayo u-Isake.

10 Awawumisayo ukuba ube ngummiselo ku-Yakobi : ube ngumnqopiso ongunapakade ku-Sirayeli ;

11 Esiti, Ndiyakunikani ilizwe lase-Kanan : libyindawo yelifa lenu ;

12 Besengamadoda ambalwa : bebancinane, benga-bapambukeli kulo.

13 Babehamba besuka kolunye uhlanga, besiya kolunye : besuka kwelinye ilizwe, besiya kwabanye abantu.

14 Akavumelanga mntu ukuba abaxinezele : wahlwaya okumkani ngenxa yabo ;

15 Esiti, Ningabacukumisi abatanjiswa bam : ningabapáti kakubi aba-profite bam.

16 Wabiza indlala, yeza pezu kwelizwe : wawapúla wonke umsimelelo wabo osisonka.

17 Watuma indoda pambi kwabo, u-Yosefu : kwatengiswa ngaye waba líkóboka.

18 Bazicinezela inyawo zake ngamakamandela : wangenwa bubufára umpefumlo wake ;

19 Kwada kwafika ixesha lokuba kuzaliseke ilizwi lake : isitembiso se-NKOSI samcikida.

20 Watuma ukumkani, wamkúlula : umlauli wezi-zwe wamvulela.

21 Wamenza umpáti wendlu yake : umlauli wempahla yake yonke ;

22 Ukuba abakonxe abateteli bake ngokuzitandela kwake : amadoda ake amakulu awafundise ubulumko.

23 Wati u-Sirayeli weza e-Yiputa : u-Yakobi wapambukela ezweni lakwa-Ham.

24 Wacúmisa kakulu abantu bake : wabomeleza ngapezu kwababandezeli babo.

25 Wajika intliziyo zabo ukuba babatiye abantu bake : babapáte abakonzi bake ngenkohliso.

26 Watuma u-Moses isicaka sake : no-Arone awamnyulayo.

27 Wayenza pakati kwabo imiqondiso yake : nezimanga zake ezweni lakwa-Ham.

28 Watumela ubumnyama, kwaba mnyama kanye : ababa nakuwapikisa amazwi ake.

29 Wawaguqula amanzi abo, aba ligazi : wazibulala intlanzi zabo.

30 Ilizwe labo lanyakazela amasele : emagumbini okumkani babo.

31 Wateta, zafika izibawu : nengcongconi emimandleni yabo yonke.

32 Imvula zabo wazenza zasicóto : umlilo walenya ezweni labo.

33 Wagqiba imi-diliya nemikiwane yabo : wayapúla imiti emimandleni yabo.

34 Watsho, kwafika inkumbi : nomqikela, into engenakubalwa,

35 Zayidla imifuno yonke ezweni labo : zazidla iziqámo zomhlaba wabo.

36 Waza wababulala bonke abamazibulo ezweni labo : ulibo lwamandla abo onke.

37 Wabakúpa ke abake bene-silvere ne-golide : akwabikó ukúbekayo ezizweni zake.

38 Yavuya i-Yiputa ekupumeni kwabo : ngokuba yafikelwa kukoyika ngenxa yabo.

39 Waneka ilifu lokubasitelisa : nomlilo wokukányisa ebusuku.

40 Bacela, waza wazisa izagwityi : wabahlutisa nangesonka sasezulwini.

41 Wavula iliwa, ampompoza amanzi : ahamba engumlambo enkangala.

42 Ngokuba wakúmbula ilizwi lake elingwele : wakúmbula u-Abraham isicaka sake.

43 Wabakúpa abantu bake benemihlali : abanyulwa bake bememelela.

44 Wabanika amazwe entlanga : bazitabatela inzu-zo yokwapúka kwezizwe.

45 Ukuze bayigcine imimiselo yake : bayibambe imiyalelo yake. Haleluya.

UM-TANDAZO WANGO-KUHLWA.

I-NDUMISO CVI.

HALELUYA. Bulelani e-NKOSINI, ngokuba ilungile : ngokuba ingunapakade inceba yayo.

2 Ngubanina onokuyixela imimangaliso ye-NKOSI : onokuyivakalisa yonke indumiso yayo ?

3 Hayi inyweba yabagcina inyaniso : yabenza ubulungisa ngamaxesha onke !

4 Ndikumbule, NKOSI, undamkele ndawonye nabantu bako : ndivelele ngosindiso lwako ;

5 Ukuze ndibone inyweba yabanyulwa bako : ndivuye ekuvuyeni kohlanga lwako, ndiqayise kunye nelifa lako.

6 Sonile tina nobawo : senze ubugwenxa, senze okungendawo.

7 Obawo abagqalanga imiqondiso yako e-Yiputa, abakumbulanga ubuninzi bezibele zako : bapika elwandle, e-Lwandle olu-Bomvu.

8 Kanti noko u-Tixo wabasindisa ngenxa ye-Gama lake : ukuze abazise amandla ake.

9 Walukalimela u-Lwandle olu-Bomvu, loma : wabahambisa ezinzulwini zamanzi, kwanga kuse-ntlango.

10 Wabahlangula esandleni sababatiyayo : wabakulula esandleni sotshaba.

11 Amanzi agubungela ababandezeli babo : akwasala namnye kubo.

12 Bakolwa ke ngamazwi ake : bayivuma indumiso yake.

13 Kanti bayabla bazilibale izenzo zake : bengalilindi icebo lake.

14 Bakanuka nokukanuka entlango : bamlinga u-Tixo enkangala.

15 Wabanika abakucelayo : koko watumela ubityo empefumlweni wabo.

16 Bamenzela umona u-Moses eminqubeni : no-Arone, umngwaliswa we-NKOSI.

17 Wavuleka umhlaba, wamginya u-Datan : waliselela ibandla lika-Abiram ;

18 Umlilo walidla ibandla labo : amalangatye abatshisa abakohlakeleyo.

19 Benza ke itole e-Horebe : baqubuda kumfanekiso otyidiweyo.

20 Bamlahla oluzuko lwabo : batabata into emilise okwenkomo edla utyani.

21 Bamlibala u-Tixo umsindisi wabo : owenza imisebenzi emikulu e-Yiputa ;

22 Imisebenzi ebalulekileyo ezweni lakwa-Ham : izenzo ezoyikekayo e-Lwandle olu-Bomvu.

23 Wati uyakubatsabalalisa, koko wesukayo u-Moses, umnyulwa wake, wema etubeni pambi kwake : ebuyisa ubushushu bake, ukuba angatshabalalisi.

24 Bati kanjalo bacekisa ilizwe elinqwenelekayo : abakolwa lilizwi lake.

25 Bafofa ezintenti zabo : abalipulapula izwi le-NKOSI.

26 Yabapakamisela isandla sayo : ifungela ukuba ibawise entlango ;

27 Iyiwise inzalo yabo pakati kwentlanga : ibacitacite amazweni.

28 Bazibandakanya no-Bahali-pehore : badla amadini abafileyo,

29 Baiqumbisa ngentloni zabo : sada sagaleleka pakati kwabo isibeto.

30 Wesuka wema u-Pinehasi, walamla : satintelwa isibeto.

31 Oko kwabalelwa kuye ekutini bubulungisa : izizukulwana ngezizukulwana kude kuse epakadeni.

32 Babuya baiqumbisa emanzini ase-Meriba : kwehla ububi ku-Moses ngenxa yabo ;

33 Ngokuba bawupikisa umoya wake : wapòsisa ke ngomlomo wake.

34 Abazitshabalalisa izizwe : eyayitete ngazo I-NKOSI ;

35 Baxubana nentlanga ezo : bafunda izenzo zazo ;

36 Bakonza izitixo zazo, yaba sisiřintyelo kubo : babingelela ngonyana babo nangentombi zabo kwi-demon ;

37 Bapalaza igazi elingenatyala, igazi lonyana babo nelentombi zabo : ababingelela ngabo kwizitixo zase-Kanan, lancóliswa ke ilizwe ngamagazi.

38 Baba zinqambi ngezenzo zabo : bahenyuza nge-ntloni zabo.

39 Wavuta ke umsindo we-NKOSI kubantu bayo : laba lisikizi kuyo ilifa layo.

40 Yabanikela ezandleni zentlanga : balaulwa ngababatiyileyo.

41 Zabaxina intshaba zabo : batotyelwa pantsi kwezandla zazo.

42 Kwaba kaninzi ebahlangula : ke bona bayipikisa ngamaqinga abo ; bonakala bugwenxa babo.

43 Noko ke yakunonelela ukubandezelwa kwabo : yakukuva ukukála kwabo ;

44 Yakumbula ngenxa yabo umnqopiso wayo, yazo-hlwaya ngenxa yobuninzi bezibele zayo : yabafumana imfesane pambi kwabo babatimbileyo.

45 Sisindise, NKOSI, Tixo wetu, sibute ezintlangeni : ukuze sibulele kwi-Gama lako elingewe, sivuyelele ngendumiso yako.

46 Mayibongwe I-NKOSI, u-Tixo ka-Sirayeli, kususela kwapakade kude kuse epakadeni : mabati bonke abantu, Amen. Haleluya.

UM-TANDAZO WA-KUSASA.

I-NDUMISO CVII.

BULELANI e-NKOSINI, ngokuba ilungile : ngokuba ingunapakade inceba yayo.

2 Mabatsho abakúlulwa be-NKOSI : eyabakúlulayo esandleni sombandezeli ;

3 Yababuta emazweni : empumalanga nasentshonalanga, e-Ntla nase-Zantsi.

4 Badinga entlango, enkangala : abafumana mzi wokuhlala.

5 Belambile benxaniwe : watyafa pakati kwabo umpfumlo wabo.

6 Bakála ke e-NKOSINI embandezelweni yabo : yabahlangula ezingxakekweni zabo.

7 Yabanyatelisa endleleni ete-tye : ukuba baye kumzi wokuhlala.

8 Mababulele e-NKOSINI ngenxa yenceba yayo : nangenxa yemimangaliso yayo konyana babantu !

9 Kuba iwuhlutisa umpfumlo onqwenelayo : iwuzalise ngokulungileyo umpfumlo olambileyo.

10 Ababehleli ebumnyameni nasetunzini lokufa : bekoxwe yimbandezelo nangamakamandela ;

11 Ngokuba bepikise amazwi ka-Tixo : balidela icebo l-Opezu konke ;

12 Wayitoba intliziyo yabo ngokubasebenzisa kanzima : bakúbeka, akwabikó mncedi.

13 Bakála ke e-NKOSINI embandezelweni yabo : yabasindisa ezingxakekweni zabo.

14 Yabakúpa ebumnyameni nasetunzini lokufa : yaziqáula imbophelelo zabo.

15 Mababulele e-NKOSINI ngenxa yenceba yayo : nangenxa yemimangaliso yayo konyana babantu !

16 Kuba izapúle ingcango zobedu : yayijaca imivalo yentsimbi.

17 Abazidenge bayacinezelwa ngenxa yezigqito zabo: nangenxa yobugwenxa babo.

18 Umpefumlo wabo ufuqulile kuko konke ukudla: baye besondela emasangweni okufa.

19 Bakála ke e-NKOSINI embandezelweni yabo: yabasindisa ezingxakekweni zabo.

20 Iyatumela ilizwi layo, ibapilise: ibahlangule ekutshabalaleni kwabo.

21 Mababulele e-NKOSINI ngenxa yenceba yayo: nangenxa yemimangaliso yayo konyana babantu!

22 Mababingelele amadini ombulelo: babalise ngenzenzo zayo ngokuvuya.

23 Abehlayo baya elwandle ngenqanawa: benze imicimbi emanzini amanzi;

24 Aba ke bazibona izenzo ze-NKOSI: nemimangaliso yayo enzulwini yolwandle.

25 Yatsho, yavusa umoya ovutuza ngamandla: opakamisa amaza alo.

26 Bayenyuka basinge emazulwini, behle basinge ezinzulwini: umpefumlo wabo unyibilika ngenxa yobubi.

27 Bayagungqa, bahexe njengexila: butshone bonke ubulunko babo.

28 Bakála ke e-NKOSINI embandezelweni yabo: ibakúpe ezingxakekweni zabo.

29 Ikumisa ukuvutuza komoya, kuti-cwaka: azole amaza olwandle.

30 Bavuye ke, kuba edambile: ibafikisa ecwébeni abalilangazelayo.

31 Mababulele e-NKOSINI ngenxa yenceba yayo: nangenxa yemimangaliso yayo konyana babantu!

32 Mabayipakamise entlanganisweni yabantu: bayidumise embutweni yamadoda amakulu.

33 Iyenze imilambo yaba zintlango: nemitombo yamanzi yaba ngumhlaba onxaniweyo;

34 Ilizwe elineziqámo laba leletyuwa: ngenxa yenkohlakalo yabaleli kulo.

35 Iyenze intlango yaba lidike elinamanzi: ilizwe elibafileyo laba yimitombo yamanzi.

36 Yabahlalisa kóna abalambileyo: banisa umzi wokuhlala;

37 Bahlwayela amasimi, batyala izi-diliya: ezabaxakatela iziqámo.

38 Ibasikelela, banda kunene: ingavumi ukuba zincipeke inkomo zabo.

39 Bati ke bakuncipa bakutotywa: bexinzelwa, bebandezelwa, benentsizi,

40 Izigalela ngendelo inkosi: izidingise enkangala kungekò ndlela.

41 Ilipakamise ihlwempu ilikúpe embandezelweni: ilenzele imizalwane enjengomhlambi.

42 Ayakubona amalungisa, avuye: bonke ubungendawo buvale umlomo wabo.

43 Lowo ulumkileyo makazigcine ezindawo: azigqale izibele ze-NKOSI.

UM-TANDAZO WANGO-KUHLWA.

I-NDUMISO CVIII.

TIXO, intliziyo yam izimasekile: ndiyakuvuma, ndidumise ngompefumlo wam.

2 Vukani, mífube nohadi: ndiyakusipángela isifingo.

3 Ndiyakubulela kuwe, NKOSI, pakati kwezizwe: ndikudumise pakati kwentlanga.

4 Ngokuba inkulu pezu kwamazulu inceba yako: yada yesa ezulwini inyaniso yako.

5 Zipakamise ngapezu kwamazulu, Tixo: lube pezu komhlaba wonke uzuko lwako.

6 Ukuze zihlangulwe intanda zako: sindisa ngesandla sako sokunene, undipendule.

7 U-Tixo utete ngobungwele bake : esiti, Ndo-vuyelela ; ndimabe u-Shekem, ndicande intili yase-Sukoti.

8 Yeyam i-Giliyadi, ngowam u-Manase : u-Efrayim sisigcina-ntloko yam ;

9 U-Yuda yintonga yam yobukosi ; u-Mowabi sisi-tya sam sokuhlambela : ndoposa ku-Edom isihlangu sam ; ndidume pezu kwe-Filisti.

10 Ngubanina owondisa emzini onqatyisiweyo : ngubanina owondikâpela kwa-Edom ?

11 Akusilahlanga na, Tixo : akusapumi, Tixo, nemi-kosi yetu.

12 Sincede kumbandezeli : kuba alunto yanto usindiso lomntu.

13 Ngo-Tixo siyakweyisa : nguye oyakubagqusha ababandezeli betu.

I-NDUMISO CIX.

TIXO wendumiso yam, zungati-tu : ngokuba banda-kâmisele umlomo ongendawo, nonenkohliso ; batete ngam ngolwimi lobuxoki.

2 Bandingqonga ngenteto zentiyo : balwa nam kungekò sizatu.

3 Ekubeni mna ndibatanda bandicâsa bona : mna ke ndibe nditandaza.

4 Endaweni yobulungisa bandibuyekeza ngobubi : ekubeni mna ndibatanda, bayanditiya bona.

5 Misa ongendawo abe ngumpâti wake : eme ummangaleli ngasekunene kwake.

6 Ekutetweni kwetyala lake makapume engogwe-tyiweyo : nomtandazo wake ube sisono.

7 Imihla yake mayibe mbalwa : mayitatyatwe ngomnye indawo yake.

8 Abantwana bake mababe zinkedama : abe ngumhlolokazi umfazi wake.

9 Abantwana bake mababâdule benqiba : bafune ukudla kude namanxuwa akowabo.

10 Umboleki-mali makabambe konke anako : abasemzini bapange konke akusebenzeleyo.

11 Makungabikò uhlala emenzela inceba : kungabikò upâta ngobubele inkedama zake.

12 Inzalo yake mayibe yeyokunqunyulwa : licinywe igama layo esizukulwaneni esizayo.

13 Mabukunjulwe pambi kwe-NKOSI ubugwenxa boyise : siti isono sonina singacinywa.

14 Masibe pambi kwe-NKOSI ngamaxesha onke : ikunqumle emhlabeni ukukunjulwa kwabo.

15 Ngenx' enokuba engakukumbulanga ukwenza inceba : watshutshisa olusizana nehlwempu, nontliziyo yotùkileyo, ukuba ababulale.

16 Watanda ukuqalekisa, kwamfikela : akakufuna ukusikelela, kwakwélela kude kuye.

17 Wambata ukuqalekisa, kwanga yingubo yake : kwangena embilini wake njengamanzi, nanjenge-oli ematanjeni ake.

18 Makube njengengubo kuye, ayambatayo : kube luqwenesha aluxibe amaxesha onke.

19 Nguwo lowo umvuzo wabandicâsayo opuma e-NKOSINI : wabateta okubi ngompefumlo wam.

20 Ke wena, NKOSI Tixo, ndenzele ngenxa ye-Gama lako : ngokokuba ilungile inceba yako, ndihlangule.

21 Ngokuba ndilusizana ndilihlwempu : intliziyo yam ihlatyiwe pakati kwam.

22 Ndiyemka njengetunzi langokuhlwa : ndivutulwa njengenkumbi.

23 Amadôlo am ayagexa kuzila ukudla : nenyama yam ibityile, ndingasenako ukutyeba.

24 Ndite ndasingcikivo kubo : bakundibona bahlunguzela infloko.

25 Ndincede, NKOSI, Tixo wam : ndisindise ngokwenceba yako ;

26 Bazi ukuba sisandla sako eso : ukuba kukwenza kwako, NKOSI.

27 Bangaqalekisa bona, ke wena uyasikelela : mabati bakuvela badaniswe, avuye yena umkonzi wako.

28 Abandicasayo mabambatiswe ihlazo : bazigqubutele ngodano ngokwengubo.

29 Mna ke ndiyakubulela kakulu e-NKOSINI ngomlomo wam : ndiyidumise entlanganisweni ;

30 Kuba imi ekunene kolihlwempu : ukuba imsidise kwabawugwebayo umpefumlo wake.

UM-TANDAZO WA-KUSASA.

I-NDUMISO CX.

ITSHO I-NKOSI e-Nkosini yam ukuti : Hlala ngasekunene kwam, ndide intshaba zako ndizenze isi-tulo senyawo zako.

2 Intonga yamandla ako iyakuyitumela I-NKOSI, ivela e-Tsiyon, isiti : Yiba nokukosi pakati kwentshaba zako.

3 Abantu bako bayazinikela ngentliziyo ngemini yokupuma kwako umkosi, bevete ezingewe : amadodana ako anjengamatontsi ombete, kwasekupumeni kwesifingo.

4 Ifungile I-NKOSI, ayiyikuguquka : ité, ungumbingeleli ngonapakade wena, ngokohlobo luka-Malkitsekeke.

5 I-Nkosi ngasekunene kwako : iyakucita okumkani ngemini yomsindo wayo.

6 Iyakugweba pakati kwentlanga : izele amatafa ngezidumbu : izite-viti intloko zentshaba ezweni elibanzi.

7 Iyakusela emlanjaneni osendleleni : ngenxa yoko iyakupakamisa intloko yayo.

I-NDUMISO CXI.

HALELUYA. Ndiyakubulela e-NKOSINI ngentliziyo yonke : ebungeni lamalungisa nasentlanganisweni.

2 Zikulu izenzo ze-NKOSI : zezokupengululwa ngabo bonke abazivuyisa ngazo.

3 Ngowobungangamsha nozuko umsebenzi wayo : ubulungisa bayo bumi ngonapakade.

4 Iyenzele ukuba ikunjulwe imisebenzi yayo ebalulekileyo : I-NKOSI inobubele nemfesane.

5 Ibapé ukudla abayoyikayo : iyakukumbula ngonapakade umnqopiso wayo.

6 Ibabonise abantu bayo amandla ezenzo zayo : ekubanikeni ilifa lentlanga.

7 Izenzo zezandla zayo ziyinyaniso nomgwebo : zitembekile zonke iziyalezo zayo.

8 Zizimasekile kude kube ngunapakade : zenziwe ngenyaniso nobulungisa.

9 Ibatumele abantu bayo inkululeko : iwumisele ngonapakade umnqopiso wayo ; lingewele, liyoyikeka i-Gama layo.

10 Inqondo yobulumko kukoyika I-NKOSI : banengqondo elungileyo bonke abenza ngako ; ihlala ihleli indumiso yayo.

I-NDUMISO CXII.

HALELUYA. Hayi inyweba yomntu oyoyikayo I-NKOSI : ononelele kunene imiteto yayo !

2 Iyakuba namandla ezweni inzalo yayo : isizukulwana samalungisa sisikelelwe.

3 Bubutyebi nobuncwane endlwini yake : ubulungisa bake buhlala bumi.

4 Ubavelela abate-tye njengokukanya ebumnyameni : enobubele nemfesane nobulungisa.

5 Unenyweba umntu onesisa, oboleka abanye : uyakuyimisa inteto yake ematyaleni.

6 Ngokuba akayikushukunyiswa napakade : olilungisa uyakukunjulwa ngonapakade.

7 Akayikoyikiswa zindaba ezimbi : intliziyo yake iqinisekile, itembele e-NKOSINI.

8 Izimasekile intliziyo yake, akoyiki : woda abone okwenziwa kubabandezeli bake.

9 Wenze ngesisa, wapá abasweleyo : ubulungisa bake buhlala buhleli; upondo lwake luyakupakanyiswa lube nozuko.

10 Ongendawo uyakukubona, aqumbe : uyakutshixiza ngamazinyo, apéle; umnqweno wongendawo uyakutshabalala.

I-NDUMISO CXIII.

HALELUYA. Dumisani, nina bakonzi be-NKOSI : dumisani i-Gama le-NKOSI.

2 Malibongwe i-Gama le-NKOSI : kususela koku kude kuse epakadeni.

3 Kwasekupumeni kwelanga kuse ekutshoneni kwalo : malidunyiswe i-Gama le-NKOSI.

4 I-NKOSI ipakamile ngapezu kwentlanga zonke : bungapezu kwamazulu ubuqaqauli bayo.

5 Ngubanina onjenge-NKOSI u-Tixo wetu, ehleli pezulu e-troneni yayo : eqondela pantsi ezulwini nase-mhlabeni ?

6 Ivusa elutulini osweleyo : ipakamisa ezaleni olhlwempu ;

7 Ukuba imhlalise nezikulu : izikulu zabantu bayo.

8 Ihlalisa endlwini umfazi ongazaliyo : abe ngunobantwana ovuyayo. Haleluya.

UM-TANDAZO WANGO-KUHLWA.

I-NDUMISO CXIV.

EKUPUMENI kuka-Sirayeli e-Yiputa : kwendlu ka-Yakobi ebantwini abanteto ingaziwayo ;

2 U-Yuda waba yingwele yake : u-Sirayeli waba sikumkani sake.

3 Ulwandle lwabona, lwasaba : i-Yordan yabuya ngomva.

4 Intaba zadloba njengenkunzi zegusha : induli njengamatakane omhlambi.

5 Unanina, lulwandlendini, ukuba usabe : wena Yordan, ukuba ubuye ngomva ?

6 Nina zintaba, ukuba nidlobe njengenkunzi zegusha : nina zinduli, njengamatakane omhlambi ?

7 Ngangazela, wena mhlaba, ebusweni be-Nkosi : ebusweni bo-Tixo ka-Yakobi.

8 Oguqula iliwa libe lidike lamanzi : ilifye libe yimitombo yamanzi.

I-NDUMISO CXV.

MAKUNGABI kuti, NKOSI, makungabi kuti, makube se-Gameni lako kunikelwe uzuko : ngenxa yenceba yako, ngenxa yenyano yako.

2 Yinina ukuba ziti intlanga : Upina kaloku u-Tixo wabo ?

3 U-Tixo wetu ke usezulwini : konke akutandileyo ukwenzile.

4 Izitixo zazo zeze-silvere ne-golide : ziyimisebenzi yezandla zabantu.

5 Zinomlomo nje, aziteti : zinamehlo nje, aziboni.

6 Zinendlebe nje, aziva : zinempumlo nje, azisezeli.

7 Izandla zazo azipáti ; inyawo zazo azihambi : azivakalisi ngomqala wazo.

8 Boba njengazo abenzi bazo : bonke abasukuba betembele kuzo.

9 Wena, Sirayeli, tembela e-NKOSINI : iluncedo nekaka labo.

10 Nani bendlu ka-Arone, tembelani e-NKOSINI : iluncedo nekaka labo.

11 Nina boyikayo I-NKOSI, tembelani e-NKOSINI : iluncedo nekáka labo.

12 I-NKOSI isikúmbule, yosisikelela : yoyisikelela indlu ka-Sirayeli, yoyisikelela indlu ka-Arone.

13 Yobasikelela abayoyikayo I-NKOSI : abancinane kwa nabakulu.

14 Yanga I-NKOSI inganandisa nina ngakumbi na ngakumbi : nina nabantwana benu.

15 Mayinisikelele I-NKOSI : u-Menzi wezulu nomhlaba.

16 Amazulu ngamazulu e-NKOSI : umhlaba wona iwunike onyana babantu.

17 Asingabafileyo abayidumisayo I-NKOSI : asingabo bonke abehlayo baye ekutini-cwaka.

18 Tina ke siyakuyibonga I-NKOSI : kususela koku kuse epakadeni. Haleluya.

UM-TANDAZO WA-KUSASA.

I-NDUMISO CXVI.

NDIYAYITANDA I-NKOSI : ngokuba iliva izwi lam, nokutafuzisa kwam.

2 Ngokuba inditobele indlebe yayo : ndiyakuyinqula yonke imihla yam.

3 Izintya zokufa zandijikela : ingcinezelo zelabafileyo zandifumana.

4 Ndafunyanwa zimbandezelo nentsizi, ndanqula ke i-Gama le-NKOSI : ndati, NKOSI, ndiyakukúnga, siza umpfumlo wam.

5 I-NKOSI inobubele, inobulungisa : u-Tixo wetu unemfesane.

6 I-NKOSI iyabagcina abanobulali : ndandiswele, yandisindisa.

7 Buyela ekupumleni kwako, mpfumlo wam : ngokuba I-NKOSI ikupéte ngobubele.

8 Ngokuba iwuhlangule umpfumlo wam ekufeni :

yagcina amehlo am ezinyembezi, nenyawo zam ekukubekeni.

9 Ndiyakuhamba pambi kwe-NKOSI : emazweni abapilileyo.

10 Ndiyakólwa, xa nditetayo ; ndicinezelekile kunene : ndati ekotúkeni kwam, Bonke abantu bangamaxoki.

11 I-NKOSI ndingayibuyisela nganto-nina : konke ukundipáta kwayo kakuhle ?

12 Ndotabata indebe yosindiso : ndinqule i-Gama le-NKOSI.

13 Ndozizalisa izibambiso zam e-NKOSINI pambi kwabantu bayo bonke : kunqabile emehlweni e-NKOSI ukufa kwentanda zayo.

14 Inene, NKOSI, ndisisicaka sako : ndisisicaka sako, unyana wesicakazana sako ; uzicombulule imbophelelo zam.

15 Ndiyakukunika idini lombulelo : ndinqule i-Gama le-NKOSI.

16 Ndiyakuzizalisa izibambiso zam e-NKOSINI pambi kwabantu bayo bonke : ezintendelezweni zendlu ye-NKOSI, pakati kwako, Yerusalem. Haleluya.

I-NDUMISO CXVII.

YIDUMISENI I-NKOSI, nonke zintlanga : yibongeni, nonke zizwe.

2 Ngokuba inamandla kuti inceba yayo : inyaniso ye-NKOSI ingunapakade. Haleluya.

I-NDUMISO CXVIII.

BULELANI e-NKOSINI, ngokuba ilungile : ngokuba ingunapakade inceba yayo.

2 Makati kaloku u-Sirayeli : ingunapakade inceba yayo.

3 Mayiti indlu ka-Arone : ingunapakade inceba yayo.

4 Abayoyikayo I-NKOSI mabati : ingunapakade inceba yayo.

5 Ndabizela e-NKOSINI ndisembandezelweni : yandipendula I-NKOSI, yandibeka endaweni ebanzi.

6 I-NKOSI ingakum, andiyikoyika : angandenza nto nina umntu ?

7 I-NKOSI ingakum, ingumncedi wam : ndiyakubona mna okwenziwe kwabanditiyayo.

8 Kulungile ukuzimela nge-NKOSI : kunokutembela ebantwini.

9 Kulungile ukuzimela nge-NKOSI : kunokutembela ezinkosini.

10 Zonke intlanga zindifaule : nge-Gama le-NKOSI, inene, ndozinqumla.

11 Zindifaule, ewe zandifaule : nge-Gama le-NKOSI, inene, ndozinqumla.

12 Zindifaule njengenyosi, zacinywa njengomlilo wentsasa : nge-Gama le-NKOSI, inene, ndozinqumla.

13 Undityale ngamandla wena, ukuba ndiwe : ke I-NKOSI yandinceba.

14 I-NKOSI ingamandla am, nendumiso yam : yaba lusindiso kum.

15 Izwi lokumemelela nelosindiso lizezin-tenteni zamalungisa : isandla sokunene se-NKOSI siyeyisa.

16 Isandla sokunene se-NKOSI sipakamile : isandla sokunene se-NKOSI siyeyisa.

17 Andiyikufa, ndiyakudla ubomi : ndibalise ngezenzo ze-NKOSI.

18 I-NKOSI indohlwaye kakulu : ke, ayandinikela ekufeni.

19 Ndivuleleni amasango obulungisa : ndingene ngawo, ndibulele e-NKOSINI.

20 Nali isango le-NKOSI : ngamalungisa angenayo ngalo.

21 Ndiyakubulela kuwe, kuba undipendule : waba lusindiso kum.

22 Ilitye abalilahlayo abaki : laba yintloko yembo mbo lona.

23 Kuvele e-NKOSINI oko : kungummangaliso emelweni etu.

24 Le yimini eyenzileyo I-NKOSI : siyakugcoba si-vuye ngayo.

25 Siyakukunga, NKOSI, sindisa kaloku : siyakukunga, NKOSI, sipumelelise.

26 Makasikelele lo uzayo e-Gameni le-NKOSI : siyanisikelela nina sisendlwini ye-NKOSI.

27 I-NKOSI ingu-Tixo, isikanyisele : yifakeni intambo inkomo yedini niyise ezimpondweni zesibingelelo.

28 Ungu-Tixo wam, ndiyakubulela kuwe : ungu-Tixo wam, ndiyakukubonga.

29 Bulelani e-NKOSINI, ngokuba ilungile : ngokuba ingunapakade inceba yayo.

UM-TANDAZO WANGO-KUHLWA.

I-NDUMISO CXIX.

BANENYWEBA abandlela igqibeleleyo : abahambayo ngomyalelo we-NKOSI.

2 Banenyweba ababamba izinqiniso zayo : bayifune ngentliziyo epheleleyo.

3 Bona abasebenzi bugwenxa : bayahamba ngandlela zayo.

4 Wena uzimisile iziyalezo zako : ukuba sizigcina kunene.

5 Azaba indlela zam bezibekiselwe : ekugcineni imimiselo yako.

6 Bendingayikudaniswa : xa ndiyigqalayo imiteto yako yonke.

7 Ndiyakubulela ngentliziyo ete-tye : xa ndizifundayo izigwebo zobulungisa bako.

8 Ndiyakuyigcina imimiselo yako : ungandishiyi kuphele.

UMFANA uyakuyicokisa nganto-nina indlela yake : ngokuzigcina ngokwelizwi lako.

10 Ndikufunile ngentliziyo yam yonke : mandingalahlekani nemiteto yako.

11 Ndilibeke ilizwi lako entliziweni yam : ukuze ndingoni ngakuwe.

12 Ungowokubongwa, NKOSI : ndifundise imimiselelo yako.

13 Ndibalisile ngomlomo wam : ngamasiko onke omloso wako.

14 Ndivuyele indlela yezinqiniso zako : ngati zibubuncwane bonke.

15 Ndiyakucamngca ngeziyalezo zako : ndibeke amasiko ako.

16 Ndiyakuziyolisa ngemimiselelo yako : andiyukilibala ilizwi lako.

MPATE ngobubele umkonzi wako, ndidle ubomi : ndize ndiligcine ilizwi lako.

18 Vula amehlo am : ukuba ndiyibone imisebenzi ebalulekileyo yasemayalelweni wako.

19 Ndingumpambukeli emhlabeni : ungasitlisi kum imiteto yako.

20 Umpefumlo wam ucumkile : ngokulangazelela amasiko ako ngamaxesho onke.

21 Ubakalimele abaneratshi : baqalekisiwe abo balahlekeneyo nemiteto yako.

22 Shenxisa imke kum ingcikivo nendelo : ngokuba ndizibambile izinqiniso zako.

23 Nangona abateteli behlala batete ngam : umkonzi wako yena ucamngca ngemimiselelo yako.

24 Izinqiniso zako ziluvuyo lwam : zingamapakati am.

UMPEFUMLO wam unamatele elutulini : ndipilise ngokwelizwi lako.

26 Ndizicacisile indlela zam, wandipendula : ndifundise imimiselelo yako.

27 Ndiqondise indlela yeziyalezo zako : ndicamngce ngemisebenzi yako ebalulekileyo.

28 Umpefumlo wam unyibilika ngenxa yobunzima : ndimise ngokwelizwi lako.

29 Indlela yobuxoki yisuse kum : uti ngobubele bako undinike umyalelo wako.

30 Ndiyinyule indlela yokutembeka : izigwebo zako ndizibekile pambi kwam.

31 Ndinamatele ezinqinisweni zako : zungandidanisi, NKOSI.

32 Ndiyakukáuleza ngendlela yemiteto yako : ngokuba uyenze banzi intliziyo yam.

UM-TANDAZO WA-KUSASA.

NDIYALELE, NKOSI, indlela yemimiselelo yako : ndiyibambe kude kube sekupeleni.

34 Ndiqondise, ndibambe umyalelo wako : ndiwugcine ngentliziyo yonke.

35 Ndiyatelise endleleni yemiteto yako : ngokuba ndiyitandile yona.

36 Intliziyo yam yibékisele ezinqinisweni zako : ingabéki ekubaweni.

37 Dlulisa amehlo am angakangeli inkohlakalo : undipilise ngendlela zako.

38 Zalisa kumkonzi wako inteto yako : eyokuba bakoyike.

39 Yidlulise ingcikivo yam endiyoyikayo : ngokuba izigwebo zako zilungile.

40 Ndilangazelela iziyalezo zako : ndipilise ngobulungisa bako.

MAYIZE kum inceba yako, NKOSI : nosindiso lwako ngokwelizwi lako.

42 Ndimpendule ondingcikovayo : ngokuba nditembe ilizwi lako.

43 Ungahluti mpela emlonyeni wam ilizwi lenyaniso : ngokuba ndilindele izigwebo zako.

44 Ndiwugcine umyalelo wako : kude kube ngunapakade.

45 Ndohamba ngokukúlulekileyo : ngokuba ndifuna iziyalezo zako.

46 Ndoteta ngezinqiniso zako pambi kokumkani : ndingabi nakudana.

47 Ndozivuyisa ngemiteto yako : endiyitandileyo.

48 Izandla zam ndozipakamisa emitetweni yako endiyitandileyo : ndicamngce ngemimiselo yako.

KUMBULA ilizwi lako kumkonzi wako : ngenx'enokuba undipile itemba ngalo.

50 Yiyo le intutuzelo yam ekubandezelweni kwam : yokuba inteto yako indipilisile.

51 Abanefatshi bandigxekile kakulu : kanti andishexanga emyalelweni wako.

52 Ndakumbula izigwebo zako zakudala, NKOSI : ndlazitutuzela ngazo.

53 Ndingenwe ngumsindo oshushu : ndisenziwa ngabangendawo abalahla umyalelo wako.

54 Zindumiso kum imimiselo yako : endlwini yokupambukela kwam.

55 Ndilikumbule ebusuku i-Gama lako, NKOSI : ndawugcina umyalelo wako.

56 Ndikuzuze oku : ukuba ndibambe iziyalezo zako.

I-NKOSI sisabelo sam : ndité ndiyakuwagcina amazwi ako.

58 Ndikubongoze ngentliziyo yonke : ndipáte ngobubele ngokwenteto yako.

59 Ndazicingela indlela zam : ndazibuyisela inyawo zam ezinqiniseni zako.

60 Ndikáulezile, andazilazila : ukugcina imiteto yako.

61 Izintya zabangendawo zindifintyele : andiwulibele umyalelo wako noko.

62 Ndovuka pakati kobusuku, ndibulele kuwe : ngenxa yezigwebo zobulungisa bako.

63 Ndilidlelane labo bonke abakoyikayo : nelabazigcinayo iziyalezo zako.

64 Umhlaba uzele yinceba yako, NKOSI : ndifundise imimiselo yako.

UMENZELE okulungileyo umkonzi wako : ngokwelizwi lako, NKOSI.

66 Ndifundise ndibe nemvo nokwazi okulungileyo : ngokuba ndikólwa yimiteto yako.

67 Ndingekabandezelwa ndaye ndilahleka : kungoku ndiyigcinile inteto yako.

68 Ulungile wena, ulungisa : ndifundise imimiselo yako.

69 Abanefatshi bandidyobe ngobuxoki : mna ke ndozibamba ngentliziyo yonke iziyalezo zako.

70 Ite-fiti kutyeba intliziyo yabo : ke mna ndizivuyisa ngomyalelo wako.

71 Kundilungele okokuba ndabandezelwayo : ukuze ndiyifunde imimiselo yako.

72 Ulungile kum umyalelo womlomo wako : ngapezu kwamawaka e-golide ne-silvere.

UM-TANDAZO WANGO-KUHLWA.

IZANDLA zako zindenzile, zandilungisa : ndiqondise, ndifunde imiteto yako.

74 Abakoyikayo bondibona bavuye : ngokuba nditembele elizwini lako.

75 Ndiyazi, NKOSI, ukuba zinobulungisa izigwebo zako : nokuba unditobile utembekile.

76 Ngamana inceba yako yaba yeyokundituzela : ngokwenteto yako kumkonzi wako.

77 Mayize kum ifesane yako, ndipile : ngokuba umyalelo wako uluvuyo kum.

78 Mabadaniswe abaneratshi, ngokuba bendipenule ngobuxoki : mna ndocamngca ngeziyalezo zako.

79 Mabandibuyeke abakoyikayo : baze bazazi izinqiniso zako.

80 Mayigqibelele intliziyo yam emimiseleni yako : ukuze ndingadani.

UMPEFUMLO wam uyapela kulangazelela usindiso lwako : nditembele elizwini lako.

82 Amehlo am ayapela kulangazelela inteto yako : ndisitl, Uyakundituzela ninina ?

83 Noko ndite ndaba njengentsuba emsini : andiyilibali imimiselo yako.

84 Zingapina intsuku zomkonzi wako : uyakude ubagwebe ninina abandisukelayo ?

85 Abaneratshi bandimbéle izihogo : abangavani nomyalelo wako.

86 Yonke imiteto yako itembekile : bandisukela ngobuxoki ; zundincede.

87 Bapants' ukundigqibela emhlabeni : ke mna andazilabla iziyalezo zako.

88 Ndipilise ngokwenceba yako : ndizigcine izinqiniso zomlomo wako.

LINGUNAPAKADE, NKOSI : limi ezulwini ilizwi lako.

90 Ukutembeka kwako kukwizizukulwana ngezi-zukulwana : ulizinzisile ihlabati, lema.

91 Ezonto zimele izigwebo zako nanamhla : ngokuba into zonke zingabakonzi bako.

92 Koko umyalelo wako wandivuyisayo : ngendapelayo ekubandezelekeni kwam.

93 Andiyikuzilibala napakade iziyalezo zako : ngokuba undipilisile ngazo.

94 Ndingowako mna, ndisindise : kuba ndicamanga ngeziyalezo zako.

95 Abangendawo bandilindile ukuze banditshabalalise : mna ndogqala izinqiniso zako.

96 Yonke ingqibelele ndiyibonile apo ipela kona : ke wona umteto wako ubanzi kakulu.

HAYI ukuwutanda kwam umyalelo wako : imini le yonke ndiyacamngca ngawo.

98 Imiteto yako indifundisa ubulumko ngapezu kwentshaba zam : ngokuba yeyam ngonapakade.

99 Ndinokuqqa ngapezu kwabafundisi bam bonke : ngokuba ndiyacamanga ngezininqiniso zako.

100 Ndinokuqonda ngapezu kwamadoda amakulu : ngokuba ndizibambe iziyalezo zako.

101 Ndzinqandile inyawo zam kwindlela zonke ezimbi : ukuze ndiligcine ilizwi lako.

102 Andasuka emasikweni ako : ngokuba nguwe ondiyallileyo.

103 Hayi ukuba mnandi kwenteto yako entlizi-yweni yam : igqite nobusi emlonyeni wam.

104 Ngeziyalezo zako ndiba nokuqonda : ngenxa yoko ndiyityiye yonke indlela yobuxoki.

UM-TANDAZO WA-KUSASA.

LISIBANE senyawo zam ilizwi lako : likukanya emendweni wam.

106 Ndikufungele, ndikumisile : ukuzigcina izigwebo zobulungisa bako.

107 Ndide ndabandezeleka kakulu : ndipilise ngokwelizwi lako, NKOSI.

108 Ngamana yakóleka kuwe, NKOSI, iminikelo yomlomo wam : undifundise amasiko ako.

109 Umpefumlo wam uhlala usemgcipekweni : ndingawulibali umyalelo wako noko.

110 Abangendawo bandenzele umgibe : ke andipambukanga eziyalezweni zako.

111 Izingqiniso zako ndizenze zalilifa elingunapakade : ngokuba ziluvuyo lwentliziyo yam.

112 Intliziyo yam ndiyibékisele ekwenzeni imimi-selo yako : kude kube sekupéleni.

ABANTLIZIYO imbáxa ndiyabatiya : ndiwutande umyalelo wako.

114 Nguwe isité lam nekáka lam : nditembele elizwini lako.

115 Sukani kum, nina benzi bobubi : ndize ndibambe imiteto yo-Tixo wam.

116 Ndizimase ngokwelizwi lako, ndipile : mandingadani swa ekutembeni kwam.

117 Ndixáse, ndisinde : ndihlale ndibéka emimiseleni yako.

118 Ubacukucezile bonke abalahlekana nemimiselo yako : ngokuba inkohliso yabo ibuxoki.

119 Wena ususa bonke abangendawo bomhlaba nje ngentlenga : ngoko ndiyazitanda izingqiniso zako.

120 Kuhamb' umzimba wam kunkwanti swa nguwe : ndizoyike izigwebo zako.

NDENZA ngokusesikweni nangobulungisa : zungandinikeli kwabandicudisayo.

122 Mmele umkonzi wako, kulunge : abaneratshi mabangandicudisi.

123 Amehlo am ayapéla kulangazelela usindiso lwako : nenteto yobulungisa bako.

124 Umkonzi wako menzele ngokwenceba yako : undifundise imimiselo yako.

125 Ndingumkonzi wako, ndiqondise : ndizazi izingqiniso zako.

126 Lilixa lokuba I-NKOSI yenze : kuba bawapúle umyalelo wako.

127 Ngenxa yoko ndiyitanda imiteto yako : ngapezu kwe-golide, ngapezu kwe-golide engwengiweyo.

128 Ngenxa yoko ndití, Zonke iziyalezo zako zilungile : zonke indlela zobuxoki ndizitiyile.

YIMISEBENZI ebalulekileyo izingqiniso zako : ngenxa yoko uzibambile umpefumlo wam.

130 Ukutyilwa kwamazwi ako kuyakányisa : kuqondisa abanobulali.

131 Ndakámisa umlomo wam, ndabéfuza : kuba bendilangazelela imiteto yako.

132 Ndíbéke undipáte ngobubele : njengokulungele abatanda i-Gama lako.

133 Qinisa ukunyatela kwam ngenteto yako : mayingabi nagunya kum inkohlakalo.

134 Ndikulule ekucudiseni kwabantu : ndizigcine iziyalezo zako.

135 Kányisa ubuso bako kumkonzi wako : undifundise imimiselo yako.

136 Ahla imijelo yamanzi amehlo am : ngenxa yokuba bengawugcini umyalelo wako.

ULILUNGISA wena, NKOSI : zite-tye izigwebo zako.

138 Uzimisile izingqiniso zako zanobulungisa : zano-kutembeka kakulu.

139 Ikwéle lam lindibángisile : ngokuba abandibandezelayo bewalibele amazwi ako.

140 Ilizwi lako lingwengekile kanye : umkonzi wako uyalitanda.

141 Ndimncinane ndideliwe : noko andizilibali iziyalezo zako.

142 Ubulungisa bako bubulungisa obungunapakade : yinyaniso umyalelo wako.

143 Ndifunyenwe yimbandezelo nengxakeko : kanti imiteto yako iyandivuyisa.

144 Zinotulungisa ngonapakade izinqiniso zako : ndiqondise, ndize ndipile.

UM-TANDAZO WANGO-KUHLWA.

NDIKALE ngentliziyo yonke ; ndipendule, NKOSI : imimiselo yako ndiyakuyibamba.

146 Ndikále kuwe, ndisindise : ndigcine izinqiniso zako.

147 Ndapángela ukusa, ndazibika : ndalindela emazwini ako.

148 Amehlo am apángela imilindo yasebusuku : ukuze ndicamnge ngenteto yako.

149 Live ilizwi lam ngokwenceba yako : ndipilise, NKOSI, ngokwesiko lako.

150 Basondela abaputuma amanyala : bekude nomyalelo wako.

151 Usondele wena, NKOSI : yonke imiteto yako iyinyaniso.

152 Kudala ndisazi ngokwezinqiniso zako : ukuba uzisekile ngonapakade.

KANGELA ukubandezeleka kwam, undihlangule : ngokuba ndingawulibali umyalelo wako.

154 Bambana nobambene nam, undikúlule : ndipilise ngokwelizwi lako.

155 Usindiso lukude nabangendawo : ngokuba abayifuni imimiselo yako.

156 Imfesane yako inkulu, NKOSI : ndipilise ngokwesiko lako.

157 Baninzi abandisukelayo nabandibandezelayo : andishenxanga noko ezinqinisweni zako.

158 Ndababona abatshinzi, ndaruquka : kuba bengayigcinanga inteto yako.

159 Kangela ukutanda kwam iziyalezo zako, NKOSI : ndipilise ngokwenceba yako.

160 Onke amazwi ako ayinyaniso : zingunapakade zonke izigwebo zobulungisa bako.

ABATETELI bandisukela kungekò sizatu : ke intliziyo yam iwahlonela amazwi ako.

162 Ndivuyela inteto yako : njengofumene ixóba elininzi.

163 Ndikutiyile ukuxoka, lisikizi kum : ndiyawutanda umyalelo wako.

164 Ndikudumisa kasixénxe ngemini : ngenxa yezi-
gwebo zobulungisa bako.

165 Banoxolo olukulu abawutandayo umyalelo wako : akukó kukúbeka kubo.

166 Ndikangele usindiso lwako, NKOSI : ndenze imiteto yako.

167 Umpefumlo wam uzigcinile izinqiniso zako : ndiyazitanda kunene.

168 Ndizigcinile iziyalezo zako nezingqiniso zako : ngokuba zonke indlela zam zipambi kwako.

MAKUSONDELE pambi kwako ukuhlahlamba kwam, NKOSI : ndiqondise ngokwelizwi lako.

170 Isikúngo sam masifike pambi kwako : ndihlangule ngokwenteto yako.

171 Umlomo wam mawumpompoze indumiso : kuba undifundisa imimiselo yako.

172 Ulwimi lwam malucule ngenteto yako : ngokuba yonke imiteto yako ibubulungisa.

173 Isandla sako masibe sesokundinceba : ngokuba ndizinyulele iziyalezo zako.

174 Ndilangazelele usindiso lwako, NKOSI : umyalelo wako uluvuyo kum.

175 Mawupile umpefumlo wam, ukudumise : zindincede izigwebo zako.

176 Ndidungudele njengegusha elahlekileyo; mfune umkonzi wako : ngokuba andiyilibali imiteto yako.

UM-TANDAZO WA-KUSASA.

I-NDUMISO CXX.

EKUXAKEKENI kwam : ndakála e-NKOSINI, yandipendula ke.

2 Ndati, NKOSI, wuhlangule umpefumlo wam emlo nyeni oxokayo : elulwimini olunenkohliso.

3 Akunike nto-nina, akongeze nto-nina ? lulwimi ndini lunenkohliso : intolo zegoza ezitsolo kunye nama-lahle avutayo.

4 Hayi ubunzima bam, endingopambukela kwa-Mesheki : ndihleli ngasezin-tenteni zakwa-Kedare.

5 Umpefumlo wam kade uhleli : nabalutiyileyo uxolo.

6 Mna ndingowoxolo : ke nditi ndakuteta, babe ngabemfazwe bona.

I-NDUMISO CXXI.

NDIYAKUPAKAMISELA ezintabeni amehlo am : luyakuvela pina uncedo lwam ?

2 Uncedo lwam luvela e-NKOSINI : u-Menzi wezulu nomhlaba.

3 Akayikuké avume ukuba lutyibilike unyawo lwako : akayikuké ozele okugcinayo.

4 Uyabona, akozeli akalali : umgcini ka-Sirayeli.

5 Yi-NKOSI umgcini wako : yi-NKOSI umtunzi wako ekunene kwako.

6 Emini ilanga aliyikukwenzakalisa : nenyanga ebusuku.

7 I-NKOSI iyakukugcina eubini bonke : iyakuwugcina umpefumlo wako.

8 I-NKOSI iyakukugcina ukupuma kwako noku-ngena kwako : kususela koku kude kuse epakadeni.

I-NDUMISO CXXII.

NDAVUYA bakuti kum : Masiye endlwini ye-NKOSI.

2 Inyawo zetu zafika zema : emasangweni ako, Yerusalem.

3 Yerusalem, wena wakiweyo : ngokomzi ohlangeneyo wamnye ;

4 Apo zinyuka ziye kóna izizwe, izizwe ze-NKOSI : ibunqina ke lonto kwa-Sirayeli ; ukuba kubulelwe kwi-Gama le-NKOSI.

5 Kuba kón' apo kumiswe i-trone zokugweba : i-trone zendlu ka-Davide.

6 Celelani i-Yerusalem uxolo : mababe namatamsanqa abakutandayo.

7 Malube luxolo pakati kwendonga zako : ibe ngamatamsanqa ezindlwini zako ezintle.

8 Ngenxa yabazalwana nabalingane bam : maké nditete uxolo ngawe.

9 Ngenxa yendlu ye-NKOSI u-Tixo wetu : ndiyakufuna okukulungeleyo.

I-NDUMISO CXXIII.

ULOHLALA ezulwini : ndipakamisela kuwe amehlo am.

2 Uyabona, njengokuba amehlo abakonzi emi kwisandla senkosi zabo, njengokuba amehlo omkonzazana emi kwisandla senkosikazi yake : ngokunjalo amehlo etu akwi-NKOSI u-Tixo wetu, ide isipáte ngobubele.

3 Sipáte ngobubele, NKOSI, sipáte ngobubele : ngokuba sanele kakulu kukudelwa.

4 Umpefumlo wetu wanele kakulu kukugculela kwabangakátalele bani : nokudela kwabaneratsi.

I-NDUMISO CXXIV.

KOKO I-NKOSI ibingakuti, makatsho u-Sirayeli : koko I-NKOSI ibingakuti ekusukeleni kwabantu pezulu kuti ;

2 Ngebesiginyile sihleli : ekuvuteni komsindo wabo kuti ;

3 Ange esintywilisele amanzi : wadlula umsinga pezu kompefumlo wetu ;

4 Ange edlule pezu kompefumlo wetu : amanzi akúkumeleyo.

5 Mayibongwe I-NKOSI : engasinikelanga ukuba siqwigwe ngamazinyo abo.

6 Umpefumlo wetu usindile njengentaka emgibeni wababambisi : umgibe uqáukile, sasinda ke tina.

7 Uncedo lwetu luse-Gameni le-NKOSI : u-Menzi wezulu nomhlaba.

I-NDUMISO CXXV.

ABO batembele e-NKOSINI banjengentaba yase-Tsiyon : engayikushukunyiswa, ihleli ngonapakade.

2 I-Yerusalem ijikelezwe zintaba : I-NKOSI ibajikelezile nayo abantu bayo, kususela koku kude kuse epakadeni.

3 Ngokuba intonga yolaulo lwabakohlakeleyo ayikuhlala elifeni lamalungisa : ukuze amalungisa angazisi kokungendawo izandla zawo.

4 NKOSI, yenza okulungileyo kwabalungileyo : kwabate-tye ezintliziyweni zabo.

5 Ke bona abapambukelayo kwindlela zabo zobumenemene : I-NKOSI iyakubemkisa kunye nabasebenza inkohlakalo. Malube luxolo ku-Sirayeli.

UM-TANDAZO WANGO-KUHLWA.

I-NDUMISO CXXVI.

EKUBABUYISENI kwe-NKOSI abatinjwa base-Tsiyon : saba njengabapupayo ;

2 Waza wazala kuhleka umlomo wetu : lwazala kumemelela ulwimi lwetu ;

3 Baza batí pakati kwentlanga : I-NKOSI ibenzele aba izinto ezinkulu.

4 I-NKOSI isenzele izinto ezinkulu : kukóna sivuyayo.

5 Buyisa, NKOSI, abatinjiweyo bakuti : njengemilambo yelase-Zantsi.

6 Abahlwayelayo benenyembezi : bayakuvuna benokumemelela.

7 Ohamba ahambe elila, epéte imbewu yokuhlwayela : uyakubuya eze ememelela, etwele izitungu zake.

I-NDUMISO CXXVII.

UKUBA ayiyaki I-NKOSI indlu : bafumana besapúka yiyo abaki bayo.

2 Ukuba umzi ayiwugcini I-NKOSI : ufumana epapama owugcinayo.

3 Nifumana nivuka kusasa, nihlale nisebenza kude kube sebusuku, nisidla isonka sokubulaleka : uyipá intanda yake ubu'ongo.

4 Uyabona, ilifa le-NKOSI ngabantwana : umvuzo wayo sisiqámo sesizalo.

5 Njengentolo esandleni segofa : banjalo abantwana bobutsha.

6 Hayi inyweba yomntu ozalise umpongolo wake agabo : abayikudana, xa bateta nentshaba esangweni.

I-NDUMISO CXXVIII.

HAYI inyweba yabo bonke abayoyikayo I-NKOSI : abahambayo ngendlela zayo !

2 Umsebenzi wezandla zako inene uyakuwudla : uyakuba nenyweba wena, kulunge kuwe.

3 Umfazi wako woba njengom-diliya oqámayo : endlwini yako ngapakati ;

4 Abantwana bako babe njengezitöle zomnquma : ngenxa zonke e-tafileni yako.

5 Yabona, unjalo ukusikelelwa : umntu oyoyikayo I-NKOSI.

6 Mayikusikelele I-NKOSI ise-Tsiyon : uyibone i-Yerusalem inenyweba yonke imihla yobomi bako ;

7 Ubone abantwana babantwana bako : Malube lulo ku-Sirayeli.

I-NDUMISO CXXIX.

KUKANINZI bendibandezela kwasebuncinaneni bam : makatsho u-Sirayeli ;

2 Kukaninzi bendibandezela kwasebuncinaneni bam : ababanga nakunditi-ni noko.

3 Abalimi balima emhlana kum : bayolula indima yabo.

4 Ke yona I-NKOSI lilungisa : izinqumle izintya zabangendawo.

5 Mabadane babuye ngomva : bonke abayitiyayo i-Tsiyon.

6 Mababe njengencá epuma pezu kwezindlu : eyomayo ingekahlumi ;

7 Angasizalisi ngayo isandla sake umvuni : angazalisi isondo lengubo yake umbopi wezitungu ;

8 Bangati nabadlulayo, Intsikelelo ye-NKOSI mayibe kuni : siyanisikelela e-Gameni le-NKOSI.

I-NDUMISO CXXX.

EZINZULWINI ndikále kuwe, NKOSI : NKOSI, yiva izwi lam.

2 Indlebe zako mazilive : izwi lokutafuzisa kwam.

3 NKOSI, ukuba ute wabugqala ubugwenxa : ngubanina ongaba nokuma, NKOSI ?

4 Ngokuba kunawe ukuxolela : ukuze woyikwe.

5 Ndilindele e-NKOSINI, ulindlele umpefumlo wam : nditembe ilizwi layo.

6 Umpefumlo wam ulindele e-Nkosini : ngapezu kwabalinde ukusa, ewe, abalinde ukusa.

7 Tembela e-NKOSINI, Sirayeli, ngokuba inceba ikuyo I-NKOSI : ikuyo inkululeko eninzi.

8 Yona ke yowakúlula ama-Sirayeli : ebugwenxeni bawo bonke.

I-NDUMISO CXXXI.

NKOSI, intliziyo yam ayipakamile : akanaratshi amehlo am.

2 Andingeni eziutweni ezinkulu : eziyimisebenzi endinqabeleyo.

3 Inene, ndiwuzolise ndawutozamisa umpefumlo wam ; unjengomntwana olunyulweyo ehleli kunina : unjengomntwana olunyulweyo umpefumlo wam.

4 Wena Sirayeli, tembela e-NKOSINI : kususela koku kude kuse epakadeni.

UM-TANDAZO WA-KUSASA.

I-NDUMISO CXXXII.

NKOSI, mkúmbulele u-Davide : ukucinezeleka kwake konke ;

2 Yena wayifungelayo I-NKOSI : wazibambisa ngesibambiso k-Onamandla ka-Yakobi ;

3 Esití, Andiyikungena en-tenteni eyindlu yam : andiyikunyuka ndiye esililini, emandlalweni wam ;

4 Andiyikuwanika amehlo am ubutongo : nenkope zam ukozela ;

5 Nlide ndiyifumanele indawo I-NKOSI : ndimfuma-nele indawo yokuhlala Onamandla ka-Yakobi.

6 Kangela, sayiva e-Efrata : sayifumana ezintilini zasehlatini.

7 Masingene endaweni yokuhlala kwake : siqubude esi-tulweni senyawo zake.

8 Suk'ume, NKOSI, uze endlwini yako yokupumla : wena nomkombe wamandla ako.

9 Ababingeleli bako mabambate ubulungisa : zimemelele intanda zako.

10 Ngenxa ka-Davide umkonzi wako : ungabutyali ubuso bomtanjiswa wako.

11 I-NKOSI yamfungela u-Davide inyaniso : ayiyikubuya kulonto ;

12 Isiti, Esiqameni somzimba wako : ndimisa oyakuba se-troneni yako.

13 Ukuba bate abantwana bako bawugcina umnqopiso wam, nesinqiniso sam endibafundisayo : onyana babo boti nabo bahlale e-troneni yako ngonapakade.

14 Ngokuba I-NKOSI iyinyule i-Tsion : iyingqwelele ukuba ibe likaya layo ;

15 Isiti, Nantsi indawo yam yokupumla ngonapakade : ndiyakuhlala apa, ngokuba oku ndikunqwe-nele.

16 Ukudla kwayo ndiyakukusikelela kunene : amahlwempu ayo ndiyakuwahlutisa ngesonka.

17 Ndibambatise ngosindiso ababingeleli bayo : zimemelele intanda zam ezikuyo.

18 Apo ndiyakumhlumisela upondo u-Davide : ndiyakumlungisela isibane umtanjiswa wam.

19 Intshaba zake ndiyakuzambatisa udano : kepezu kwake yena siyakutyatyamba isitsaba sake.

I-NDUMISO CXXXIII.

YABONANI, ukuba kuhle, ukuba mnandi : ukuti abazalwana bahlale bemxelo mnye !

2 Kunjenge-oli elungileyo entloko, isihla ezindevini : ezindeveni zika-Arone, isihla iye emqokumbelweni wengubo zake.

3 Kunjengombete wase-Hermon : ohla pezu kwentaba zase-Tsion ;

4 Ngokuba kon' apo I-NKOSI iyimisile intsikelelo : kwa ubomi kude kuse epakadeni.

I-NDUMISO CXXXIV.

YABONANI, yibongeni I-NKOSI : nonke bakonzi bayo I-NKOSI ;

2 Nimiyo endlwini ye-NKOSI ebusuku : ezintendelezweni zendlu yo-Tixo wetu.

3 Pakamiselani engeweleni izandla zenu : niyibonge I-NKOSI.

4 Mayikusikelele e-Tsion I-NKOSI : u-Mdali wezulu nomhlaba.

I-NDUMISO CXXXV.

HALELUYA. Dumisani i-Gama le-NKOSI : dumisani, nina bakonzi be-NKOSI ;

2 Nimiyo endlwini ye-NKOSI : ezintendelezweni zendlu yo-Tixo wetu.

3 Dumisani I-NKOSI, ngokuba ilungile : lidumisani i-Gama layo, ngokuba limnandi.

4 Ngokuba I-NKOSI imnyule u-Yakobi ukuba abengowayo : yanyula u-Sirayeli ukuba abeyinqobo kuyo.

5 Ngokuba ndiyazi mna ukuba inkulu I-NKOSI : i-Nkosi yetu ingapezu kotixo bonke.

6 Konke ekutandileyo I-NKOSI iyakwenza, ezulwini nasemhlabeni : ezilwandleni nasezinzulwini zonke ;

7 Ulonyusa amafu ezipelweni zomhlaba : imvula wayenzela imibane ; ulofola umoya emagumbini ake.

8 Owawabulalayo amazibulo e-Yiputa : awabantu nawenkomo.

9 Watumela imiqondiso nezimanga pakati kwako, Yiputa : ku-Faro nabakonzi bake bonke.

10 Owabulalayo intlanga ezinkulu : wabulala okumkani abanamandla ;

11 U-Sihon ukumkani wama-Amori, no-Ogi ukumkani wase-Bashan : nezikumkani zonke zakwa-Kanan ;

12 Walinikela ilizwe labo lalilifa : lalilifa kuma-Sirayeli abantu bake.

13 NKOSI, i-Gama lako lingunapakade : ukukunjulwa kwako, NKOSI, kukwizizukulwana ngezizukulwana.

14 Ngokuba I-NKOSI iyakugweba pakati kwabantu bayo : izohlwaye ngenxa yabakonzi bayo.

15 Izitixo zentlanga yi-silvere ne-golide : umsebenzi wezandla zabantu.

16 Zinomlomo nje, aziteti : zinamehlo nje, aziboni.

17 Zinendlebe nje, aziva : akukò nento engumoya emlonyeni wazo.

18 Bayakuba njengazo abenzi bazo : bonke abasukuba betembele kuzo.

19 Nina ndlu ka-Sirayeli, bongani I-NKOSI : nani ndlu ka-Arone, bongani I-NKOSI ;

20 Nina ndlu ka-Levi, bongani I-NKOSI : nina boyi-ka-I-NKOSI, bongani I-NKOSI.

21 Mayibongwe I-NKOSI e-Tsiyon : ehleli e-Yerusalem. Haleluya.

UM-TANDAZO WANGO-KUHLWA.

I-NDUMISO CXXXVI.

BULELANI e-NKOSINI, ngokuba ilungile : ngokuba ingunapakade inceba yayo.

2 Bulelani ku-Tixo wotixo : ngokuba ingunapakade inceba yake.

3 Bulelani kwi-NKOSI yenkosi : ngokuba ingunapakade inceba yayo.

4 Kulomenzi wemimangaliso emikulu yedwa : ngokuba ingunapakade inceba yake.

5 Kulowawenza amazulu ngengqondo : ngokuba ingunapakade inceba yake.

6 Kulowatwabulula umhlaba pezu kwamanzi : ngokuba ingunapakade inceba yake.

7 Kulomenzi wezikanyiso ezikulu : ngokuba ingunapakade inceba yake.

8 Ilanga lilaule emini : ngokuba ingunapakade inceba yake.

9 Inyanga nenkwenkwezi zilaule ebusuku : ngokuba ingunapakade inceba yake.

10 Kulowabulala ama-Yiputa kumazibulo awo : ngokuba ingunapakade inceba yake.

11 Wawakupa ama-Sirayeli pakati kwawo : ngokuba ingunapakade inceba yake.

12 Ngesandla esite-nqi, ngengalo eyolulweyo : ngokuba ingunapakade inceba yake.

13 Kulowagabula u-Lwandle olu-Bomvu : ngokuba ingunapakade inceba yake.

14 Wawaweza ama-Sirayeli esazulwini salo : ngokuba ingunapakade inceba yake.

15 Wamvutululela u-Faro nempi yake e-Lwandle olu-Bomvu : ngokuba ingunapakade inceba yake.

16 Kulowahambisa abantu bake entlango : ngokuba ingunapakade inceba yake.

17 Kulowabulala okumkani abakulu : ngokuba ingunapakade inceba yake.

18 Wabulala okumkani abazingangamsha : ngokuba ingunapakade inceba yake.

19 U-Sihon ukumkani wama-Amori : ngokuba ingunapakade inceba yake.

20 No-Ogi ukumkani wase-Bashan : ngokuba ingunapakade inceba yake.

21 Walinikela ilizwe labo laba lilifa : ngokuba ingunapakade inceba yake.

22 Laba lilifa ku-Sirayeli umkonzi wake : ngokuba ingunapakade inceba yake.

23 Owasikumbulayo sipantsi tina : ngokuba ingunapakade inceba yake.

24 Wasihlangula kwabasibandezelayo : ngokuba ingunapakade inceba yake.

25 Ulonika into yonke epilileyo ukudla : ngokuba ingunapakade inceba yake.

26 Bulelani ku-Tixo wamazulu : ngokuba ingunapakade inceba yake.

I-NDUMISO CXXXVII.

NNGASEMILANJENI yase-Babeli sahlala pantsi kóna, salila : sakukumbula i-Tsiyon.

2 Eminculubeni pakati kwayo : sazixóma kóna ihadi zetu.

3 Ngokuba kón'apo abatimbi betu babiza kuti indumiso : nabapangi betu babiza kuti uvuyo, besiti, Sivu-meleni kwindumiso zase-Tsiyon.

4 Singati-nina ukuvuma indumiso ye-NKOSI : emhlabeni wolunye uhlanga ?

5 Ukuba ndite ndakulibala, Yerusalem : isandla sam sokunene masilibale *ubuncibi baso*.

6 Ulwimi lwam malunamatele emakuhlangubeni am, ukuba anditanga ndikukumbule : ukuba anditanga ndivuyele i-Yerusalem ngapezu kwayo yonke mivuyo yam.

7 Bakumbule, NKOSI, onyana baka-Edom ngomhla we-Yerusalem : abo batí, Dilizani, dilizani, kuse elusekweni lwayo.

8 Ntombi ka-Babeli, wena unyashiweyo : hayi

inyweba yalowo ukubuyekazayo ukupáta kwako osipéte ngako !

9 Hayi inyweba yalowo ubabambayo abantwana bako : abakáhlele ematyiweni !

I-NDUMISO CXXXVIII.

NDIYAKUBULELE kuwe ngentliziyo yam yonke : pambi kotixo ndiyakukudumisa.

2 Ndiyakuqubuda ndibékise e-tempileni yako engwele, ndibulele kwi-Gama lako ngenxa yenceba nenyanyiso yako : kuba ulikúlisile i-Lizwi lako ngapezu kwe-Gama lako lonke.

3 Ngomhla wokubiza kwam wandipendula : wandikálipisa, yangamandla empefumleni wam.

4 Bayakubulela kuwe, NKOSI, bonke okumkani bomhlaba : bakuweva amazwi omlomo wako.

5 Bavume ngendlela ze-NKOSI : kuba lukulu uzuko lwe-NKOSI.

6 Ngokuba noko i-NKOSI ipakamile iyambona otobekileyo : ke yena ozipakamisayo imazi nakude.

7 Ukuba ndite ndahamba pakati kwembandezelo, uyandipilisa : wosolulela emsindweni wentshaba zam isandla sako, sindisindise isandla sako sokunene.

8 I-NKOSI iyakundifezela : NKOSI, inceba yako ingunapakade, imisebenzi yezandla zako uz'ungayilahli.

UM-TANDAZO WA-KUSASA.

I-NDUMISO CXXXIX.

NKOSI, undivavanyile, wandazi : wena uyakwazi ukuhlala kwam nokusuka kwam ; uyaziqonda izicamango zam nakude.

2 Ukuhamba kwam nokulala kwam uyakwazi : uzibonile zonke indlela zam.

3 Ngokuba akukó lizwi elulwimini lwam : ongala-ziyo kanye, NKOSI.

4 Ngasemva nangapambili undingqingile : wasibeka pezu kwam isandla sako.

5 Kuyandeyisa okokwazi : kupezulu, kundinqabele.

6 Ndingahambela pina ukumka emoyeni wako : ndingabalekela pina ukumka ebusweni bako ?

7 Ukuba ndite ndenyuka ndaya ezulwini, ulapo wena : ukuba ndite ndazandlalela kwelabafileyo, nanko ukó.

8 Ukuba ndite ndazitabatela amapiko esifingo : ndaya ndahlala ekupeleni kolwandle,

9 Besingandikápayo kwa nalapo isandla sako : sindibambe isandla sako sokunene.

10 Ukuba ndité, Mabundisongele ubumnyama bona bodwa : nokukánya kube busuku ngenxa zonke kum ;

11 Kwa nobumnyama obo abungebi bumnyama kuwe, ubusuku bungaba mhlope njengemini : ubumnyama bungaba njengokukánya.

12 Ngokuba wena wayidala intliziyo yam : wandibumba ndisesizalweni sikamá.

13 Ndiyakubulela kuwe ngenx' enokuba ndenziwe ngokoyikekayo, ngokubalulekileyo : zingummangalis izenzo zako, umpfumlo wam uyazi kakuhle.

14 Ayengagushékile kuwe amatambo am : ndakwenzelwa entsitelweni, ndisetyenzwe ngokungummangaliso emazantsi omhlaba.

15 Amehlo ako andibona ndiseyimbumba : ayebálwe encwadini yako onke amalungu am ;

16 Eyiliwe imihla ngemihla : kungekabikó nalinye kuwo.

17 Kum ke zinjanina ukunqaba izicamango zako, Tixo : hayi ukuba likulu kwenani lazo !

18 Zilgati ndizibalile, zibe ninzi ngapezu kwentlabati : ndoti ndakuvuka ndibe ndisenawe.

19 Ngamana wababulala abangendawo, Tixo : nina madoda amagazi, sukani kum.

20 Bona bateta okubi ngawe : ziti intshaba zako zifumane zilibize i-Gama lako.

21 Andibatiyi na abakutiyayo, NKOSI : ndifuquke ngabavukelana nawe ?

22 Ndebatiya ngentiyo epélelisileyo : bona bazi-ntshaba kum.

23 Ndivavanye, Tixo, uyazi intliziyo yam : ndicikide, uzazi izicamango zam ;

24 Ubone ukuba kukó na indlela yobubi kum : undikápele kwindlela engunapakade.

I-NDUMISO CXL.

NDIHLANGULE, NKOSI, ebantwini abanobubi : ndilondolozé ebantwini abagonyamelayo.

2 Abacinga okubi entliziyweni : imihla yonke baxá-ya imfazwe.

3 Balola ulwimi lwabo lube njengolwenyoka : ubuhlungu befamba busemlonyeni wabo.

4 Ndigcine, NKOSI, ezandleni zongendawo : ndilondolozé emntwini ogonyamelayo, abacinga ukuzi-kúbekisa inyawo zam.

5 Abanefatshi bandiqushekele isibata nezintya : bane-ka umnata ecaleni kwendlela, bandityele ngemigibe.

6 Ndité e-NKOSINI, Ungu-Tixo wam : beka indlebe, NKOSI, ezwini lezikúngo zam.

7 NKOSI, Tixo wam, nqaba endisindisayo : uyigqu-butele intloko yam ngemini yeduli.

8 NKOSI, ungamniki ongendawo iminqweno yake : ungawapumelelisi amaqinga ake, hleze azipakamise.

9 Yona intloko yabandinqingayo : mabuyigubungele ububi bomlomo wabo.

10 Mabatotyelwe amalahlé avutayo : mabawiselwe emlilweni, nasemihadini, bangabi sapuma.

11 Indoda enolwimi ayiyikuzinza emhlabeni : indoda egonyamelayo iyakusukelwa ityalwe bububi.

12 Ndiyazi ukuba I-NKOSI iyakulifeza ityala losizana : nebango lamahlwempu.

13 Inene, amalungisa ayakubulela kwi-Gama lako : abate-tye bayakuhlala ebusweni bako.

I-NDUMISO CXLI.

NKOSI, ndibizele kuwe, káuleza uze kum : libekele indlebe izwi lam, ndakuzibika kuwe.

2 Umtandazo wam mawuhlal' uhleli pambi kwako usisiqumiso : nokupakamisa kwam izandla kube ngumnikelo wangokuhlwa.

3 Umlomo wam wumisele umlindi, NKOSI : misa umgcini emnyango womlomo wam.

4 Intliziyo yam ungayitobeli entweni embi : ukuba isebenze intlondi namadoda asebenza okungendawo ; mandingazidli izimnandi zawo.

5 Malindibete ilungisa linenceba, lindohlwaye : i-oli enjalo ayingeyali intloko yam ; ngokuba usekó nomtandazo wam ebubini babo.

6 Bakukáhlélwa emacaleni eliya abagwebi babo : ayakuviwa amazwi am ukuba amnandi.

7 Njengolimayo enqika umhlaba : anjalo ukutiwa-sa amatambo etu emlonyeni weshhogo.

8 Ngokuba akuwe, NKOSI, Tixo wam, amehlo am : ndiziméla ngawe, ungawulahli umpefumlo wam.

9 Ndigcine emgibeni wabanditiyelayo : nasezifintye-
lweni zabasebenza ubungendawo.

10 Mabeyele ezintanjeni zabo abakohlakeleyo : ndide ndidlule mna okukanye.

UM-TANDAZO WANGO-KUHLWA.

I-NDUMISO CXLII.

NDIKALA e-NKOSINI ngezwi lam : ndikúnga I-NKOSI ngezwi lam ;

2 Ndipalaza inkalazo yam pambi kwayo : ndixela pambi kwayo imbandezelo yam.

3 Ekutyafeni komoya pakati kwam, uyazi wena indlela yam : emendweni endihamba ngawo bandiqushekela isibata.

4 Béka ngasekunene kwam ubone : ngokuba akukó undaziyo ;

5 Andinandawo ndingasabela kuyo : akukó uwuká-talelayo umpefumlo wam.

6 Ndikále kuwe, NKOSI : ndité, Nguwe ihlati lam, isabelo sam ezweni labahleliyo.

7 Kupulapule ukuhlahlamba kwam : ngokuba nditoyiwe kakulu.

8 Ndihlangule kwabandisukelayo : ngokuba bomelele kunam.

9 Wukúpe ekuxakekeni umpefumlo wam, ndibulele kwi-Gama lako : amalungisa ayakuvuyelela ngenxa yam, ngokuba undipéte ngobubele.

I-NDUMISO CXLIII.

YIVA umtandazo wam, NKOSI, kubekele indlebe ukutafuzisa kwam : ndipendule ngokunyaniseka kwako nangobulungisa bako.

2 Zungasisi ematyaleni isicaka sako : ngokuba pambi kwako akukó namnye uhleliyo olilungisa.

3 Ngokuba utshaba luwusukele umpefumlo wam ; lubutyumzele emhlabeni ubomi bam : lundihlalise ezindaweni ezimnyama njengabo kukade befile.

4 Utyafile pakati kwam umoya wam : imangalisiwe pakati kwam intliziyo yam.

5 Ndikumbula imihla yamandulo ; ndicamanga nge-misebenzi yako yonke : ndicamga ngezenzo zezandla zako.

6 Ndizolulela kuwe izandla zam : umpefumlo wam ukunxanele njengelizwe elibafileyo.

7 Kâuleza undipendule, NKOSI, uyapêla umoya wam : ungasitelisi kum ubuso bako, ndifane nabahla baye emhadini.

8 Ndivise kwakusasa inceba yako, ngokuba ndite-mbele kuwe : ndazise indlela endiyakuhamba ngayo ; ngokuba ndiwupakamisela kuwe umpefumlo wam.

9 Ndihlangule ezintshabeni zam, NKOSI : ngokuba ndizimela kuwe.

10 Ndifundise ukwenza okutandwa nguwe, kuba ungu-Tixo wam : umoya wako olungileyo mawundikâ-pele ezweni elibanzi.

11 Ngenxa ye-Gama lako, NKOSI, ndipilise : wukû-pe embandezelweni umpefumlo wam ngobulungisa bako.

12 Uti ngenceba yako uzibângise intshaba zam : ubatshabalalise bonke abawubandezelayo umpefumlo wam ; ngokuba ndingumkonzi wako.

UM-TANDAZO WA-KUSASA.

I-NDUMISO CXLIV.

MAYIBONGWE I-NKOSI iliwa lam : ulofundisa izan-dla zam ukulwa, neminwe yam imfazwe.

2 Ulondipête ngobubele, umboniselo yam, unqaba yam, umsindisi wam, ukâka lam, nondizimela ngaye : ulobeyisa pantsi kwam abantu bam.

3 NKOSI, uyinto-nina umntu, lento umaziyo : unyana womntu, lento umnyamekelayo ?

4 Umntu lo ufana nompunga : imihla yake injenge-tunzi elidlulayo.

5 NKOSI, toba amazulu ako, uhle : pâta ezintabeni, ziqûme.

6 Banekisa imibane, ubapângalalise : tuma intolo zako, ubadubadube.

7 Tuma izandla zako zivele pezulu : ndifole, undi-hlangule emanzini amakulu, esandleni sabolunye uhlanga ;

8 Abamlomo uteta inkohlakalo : abasandla so-kunene sisesokunene sobuxoki.

9 Tixo, ndokuvumela ingoma entsha : ndikudumise ngomtibe ontambo zilishumi.

10 Ulonika okumkani usindiso : wamhlangula u-Davide isicaka sako eřeleni elinobubi.

11 Ndikûlule, undihlangule esandleni sabolunye uhlanga : abamlomo uteta inkohlakalo, abasandla so-kunene sisesokunene sobuxoki.

12 Bati onyana betu babe njengezityalo ezikûlileyo ebutsheni babo : intombi zetu zibe njengembombo ezixôliweyo zebotwe ;

13 Ovimba betu bazale, bavelise intlobo ngentlobo : igusha zetu zizale amawaka namashumi amawaka emapandleni etu ;

14 Inkomo zetu zimile, kungabikô kungenelwa yimpi, kungabikô kutinjwa : kungabikô kuhlahlamba ezi-trateni zetu.

15 Hayi inyweba yabantu ekunjalo kubo : hayi inyweba yabantu aba-Tixo uyi-NKOSI !

I-NDUMISO CXLV.

NDIYAKUKUZUKISA, Tixo wam, wena Kumkani : ndilibonge i-Gama lako ngonapakade.

2 Imihla yonke ndiyakukubonga : ndilidumise i-Gama lako ngonapakade.

3 Inkulu i-NKOSI, yeyokudunyiswa kakulu : ubu-kulu bayo abulandeki.

4 Izizukulwana ngezizukulwana kuyakunconywa imisebenzi yako : kuxelwe izenzo zako ezikulu.

5 Ndiyakuteta ngobungangamsha nobuhandiba bako : ndiyakucamnga ngemimangaliso yako.

6 Batete ngamandla ezenzo zako ezoyikekayo : nam ndobalisa ngobukulu bako.

7 Bayakumpompoza imbáli zokulunga kwako okukulu : bamemelele ngobulungisa bako.

8 Inobubele inemfesane I-NKOSI : izeka kade umsi-ndo, inkulu ngenceba.

9 Ilungile I-NKOSI kubo bonke : ikuzo zonke izenzo zayo imfesane yayo.

10 Iyabulela kuwe, NKOSI, yonke imisebenzi yako : zikubonge intanda zako.

11 Bayaxela uzuko lobukumkani bako : batete nangamandla ako ;

12 Ukuba babazise onyana babantu izenzo zako zamandla : nobungangamsha nobuqaqauli bobukumkani bako.

13 Ubukumkani bako bubukumkani bamapakade onke : nolaulo lwako lukwizizukulwana ngezizukulwana.

14 I-NKOSI ngumxási wabo bonke abawayo : ngumpakamisi wabo bonke abatotyiweyo.

15 Amehlo ento zonke akangela kuwe : wena ke uzinika ukudla kwazo ngexesha elililo.

16 Uyasivula isandla sako : uzihlutise into zonke ezipilileyo ngento ezikókilekileyo.

17 I-NKOSI iyalungisa ngendlela zayo zonke : inenceba ngezenzo zayo zonke.

18 Isondele I-NKOSI kubo bonke abayinqulayo : kubo bonke abayinqulayo ngenyaniso.

19 Iyakubakólisa abayoyikayo : ikuve ukuzibika kwabo, ibasindise.

20 I-NKOSI ingumgcini wabo bonke abayitandayo : ibatshabalalise bonke abangendawo.

21 Umlomo wam uyakuteta indumiso ye-NKOSI : uluntu lonke malubonge i-Gama layo elingewe ngo-napakade.

I-NDUMISO CXLVI.

HALELUYA. Yidumise I-NKOSI, mpefumlo wam ; ndiyakuyidumisa I-NKOSI logama ndidla ubomi : ndiyakuvuma ku-Tixo wam ekubeni ndingosekóyo.

2 Ningatembeli ezinkosini nakonyana babantu : ekungekó kusindisa kubo.

3 Uyapuma umoya wabo, babuye elutulini lwabo : ngalomini ayatshitsha onke amabóngo ake.

4 Hayi inyweba yalowo uluncedo lungu-Tixo ka-Yakobi : lowo utembele e-NKOSINI u-Tixo wake ;

5 Ku-Menzi wezulu nomhlaba nolwandle, nento zonke ezikulo : kulogcina inyaniso ngonapakade ;

6 Ogweba ityala labacudiswayo : opá abalambileyo ukudla.

7 I-NKOSI ikúlula ababanjwa : I-NKOSI ivula amehlo emfama ;

8 I-NKOSI ipakamisa abatotyiweyo : I-NKOSI itanda amalungisa.

9 I-NKOSI igcina abapambukeli, ixása inkedama nomhlolekazi : iyenze goso indlela yabakohlakeleyo.

10 I-NKOSI iyakuba ngukumkani ngonapakade : u-Tixo wako, Tsiyon, kwizizukulwana ngezizukulwana. Halleluya.

UM-TANDAZO WANGO-KUHLWA.

I-NDUMISO CXLVII.

HALELUYA ; Ngokuba kulungile ukuvuma ku-Tixo wetu : ngokuba kumnandi ; ifanelekile indumiso.

2 I-NKOSI iyayaká i-Yerusalem : abagxotwa bakwa-Sirayeli ibabutele ndaweni nye.

3 Ulophilisa abapúke intliziyo : abo pe amanxeba abo.
4 Ulobala inani lenkwenkwezi : ezibiza zonke ngamagama.

5 Inkulu i-Nkosi yetu, inamandla amakulu : ingqondo yayo ayipéle ndawo.

6 I-NKOSI ipakamisa abalulamileyo : itobela abangendawo emhlabeni.

7 Hlabelani e-NKOSINI eyokubulela : mdumiseni u-Tixo wetu ngohadi.

8 Ulosibekelisa amazulu ngamafu, ulolungisela umhlaba invula : ulontshulisa utyani ezintabeni.

9 Ulonika inkomo ukudla : namatôle onomyayi alilayo.

10 Akakunanze nganto ukomelela kwehashe : akakóliswa zizitò zendoda ;

11 I-NKOSI ikóliswa ngabayoyikayo : abalinde inceba yayo.

12 Yibonge I-NKOSI, Yerusalem : mdumise u-Tixo wako, Tsiyon.

13 Ngokuba eqinisile imivalo yamasango ako : ebasikelele abantwana bako pakati kwako.

14 Ngulomisa uxolo emideni yako : wakuhlutisa ngenqôlowa etyebileyo.

15 Ulotumela inteto yake emhlabeni : ilizwi lake ligidima ngokukáuleza.

16 Ulonika iképu njengoboya bezimvu : ugwayela iqabaka njengotutu.

17 Epôsa umkence wake njengamaqékeza : ngubanina onókuma pambi kwengqele yake ?

18 Utumela ilizwi lake, ezonto azinyibilikise : uvutuzisa umoya wake, aqukuqele amanzi.

19 Uloxelela u-Yakobi ilizwi lake : u-Sirayeli imimiselo namasiko ake.

20 Akenjanga-njalo kolunye uhlanga : namasiko ako aluwazi. Halleluya.

I-NDUMISO CXLVIII.

HALELUYA. Dumisani i-NKOSI emazulwini : yidumiseni ezindaweni eziphezulu ;

2 Yidumiseni, nonke zi-ngelosi zayo : yidumiseni, nonke mikosi yayo.

3 Yidumiseni, wena langa, nawe nyanga : yidumiseni, nonke zinkwenkwezi zinokukánya ;

4 Yidumiseni, mazulu awo amazulu : nani manzi angapezu kwamazulu.

5 Mazilidumise ezonto i-Gama le-NKOSI : ngokubayona yawisa umteto, zadalwa.

6 Yazimisa ngcnapakade : yazimisela ummiselo ezingayikuwugqita.

7 Dumisani i-NKOSI ehlabatini : nina minenga, nani nonke manzi enzonzobila ;

8 Wena mlilo, nawe sicôto, wena képu, nawe nku-ngu : moya uvutuzayo ulenzayo ilizwi layo ;

9 Nina zintaba, nani zinduli nonke : nina miti eneziqámo, nani mi-sedare nonke ;

10 Nina mafamncwa, nani zinkomo zonke : nina zinambuzane, nani zintaka zinamapiko ;

11 Okumkani bomhlaba nezizwe zonke : abateteli nabagwebi bomhlaba bonke ;

12 Umlisela kwa nomtinjana ; amadoda amakulu kunye nabantwana, mabalidumise i-Gama le-NKOSI : ngokuba i-Gama layo lipakanyisiwe lodwa, ubungangamsha bayo bungapezu komhlaba nezulu.

13 Yabapakamisela abantu bayo upondo ; lwayindumiso kwintanda zayo zonke : kubantwana bakwa-Sirayeli, abantu abasondelayo kuyo. Halleluya.

I-NDUMISO CXLIX.

HALELUYA. Yivumeleni i-NKOSI ingoma entsha : indumiso yayo ebandleni lentanda zayo.

2 U-Sirayeli makavuye ngo-Menzi wake : luti usapo lwase-Tsiyon lugcobe ngo-Kumkani walo.

3 Mabalidumise i-Gama lake beduda : bembetela igubu nohadi.

4 Ngokuba I-NKOSI iyakòliswa ngabantu bayo : iya-bahombisa abalulamileyo ngosindiso.

5 Mazivuyelele zinozuko intanda zayo : mazimemelele zisezililini zazo.

6 Imibongo ka-Tixo mayibe semlonyeni wazo : irele elintlangoti mbini libe sesandleni sazo ;

7 Ukuze zenze impindezelo ezintlangeni : nezohlwayo ezizweni ;

8 Zikonxe okumkani bazongemixokelelwane : nabazukileyo kuzo ngamakamandela entsimbi ;

9 Zenze kubo isigwebo esibáliweyo : luzuko olo kwintanda zake zonke. Haleluya.

I-NDUMISO CL.

HALELUYA. Dumisani u-Tixo engcweleni yake : mdumiseni esibákabákeni samandla ake.

2 Mdumiseni ngenxa yemimangaliso yake : mdumiseni ngokobuninzi bobukulu bake.

3 Mdumiseni ngokuvutela isigodlo : mdumiseni ngomrube nangohadi.

4 Mdumiseni ngamagubu nangemidudo : mdumiseni ngehadi nangogwali.

5 Mdumiseni nge-simbali ezikéncenzayo : mdumiseni nge-simbali ezihlokomayo.

6 Konke okupetumlayo : makuyidumise I-NKOSI. Haleluya.